

Հ Բ Ա Տ Ա Ր Ա Վ Ո Ր Թ Ի Ի Ն  
«ՋԱՀԱԿԻՐ» ԳՐԱԿԱՆ ԷՆԿԵՐՍՏՈՒԹԱՆԸ ԹԻԻ 6

# ՏԱՍԸ ՊԱՏՄՈՒԱԾՔՆԵՐ

Թարգմ. Վ. ԳԵՈՐԳԵԱՆ



1928

Տպ. «ՀԲԱԶԴԱՆ»

ՊԵՂՐՈՒՄ

8  
S-23

8  
ԿՊ-23

9 MAY 2005  
2 NOV 2009

Հ Բ Ա Տ Ա Ր Ա Կ Ո Ւ Թ Ի Ի Ն  
«ՁԱՀԱԿԻՐ» ԳՐԱԳԱՆ ԸՆԿԵՐԱԿՑՈՒԹԵԱՆ ԹԻԻ 6

# ՏԱՍԸ ՊԱՏՄՈՒԱԾՔՆԵՐ



Թարգմ. վ. Գ Է Ո Ր Գ Ե Ա Ն



1928

Տպ. « Հ Բ Ա Ձ Գ Ա Ն »

Պ Ե Յ Ր Ո Ւ Ք

ԷՏ -

5302  
5302  
5302

էր. ձմեռը կը մօտենար. զառիթափը վտանգաւոր կը դառնար:

Երեք ջորիներն առաջ մեկնեցան, բռնաւորուած զգեստներով ու կապոցներով և առաջնորդուած երեք որդիներուն կողմէ: Ապա մայրը, Տիկին Հառուէր, և իր դուստրը Լուիզ հեծան չորրորդ ջորիի մը վրայ, և իրենց կարգին ճամբայ ելան:

Հառուէր անոնց կը հետեւէր, ընկերակցութեամբ երկու ուղեցոյցներու որ ընտանիքին պիտի ուղեկցէին մինչև զառիթափին բարձունքը:

Անոնք նախ դարձան լճակին շուրջը, սառած այժմ՝ ապառաժներու խորը՝ մեծ խորշին մէջ, որ կը տարածուի պանդոկին առջև, ապա հետեւեցան սաւանի նման ջինջ հովիտին, որ ամէն կողմէ շրջապատուած էր ձիւնէ կատարներով:

Արևի ջաղրիւն մը կ'իյնար սպիտակ, փայլուն և սառած այս անապատին վրայ, ու կը բոցավառէր զայն շլացուցիչ ու ցուրտ բոցով մը. ո՛չ մէկ կեանք կ'երևէր լեռներու այդ ովկէանոսին մէջ. ո՛չ մէկ շարժում անսահման այդ մենութեան գիրկը, ո՛չ մէկ շրջուկ կը վրդովէր անոր խոր լուծիւնը:

Կամաց կամաց, երիտասարդ առաջնորդ Ուլրիխ Քանսի, բարձրասրուն և կազմեղ Զուլիգերիացի մը, ետին ձգեց հայր Հառուէրն ու ծերունի Գասպար Հարին, միանալու համար երկու կիները կրող ջորիին:

Ամենէն դեռատին կը դիտէր անոր գայլը, ու կարծես կը կանչէր զայն տխուր նայուածքով մը: Խարտիչաներ երիտասարդ գեղջիւուհի մըն էր ան, որուն կաթնային այտերը և քումայթ վարսերը օտոռոյցներու մէջ անցուցած երկար ընակութենէ մը գունաթափ կը թուէին:

Ուլրիխ երբ մօտեցաւ զայն կրող ջորիին, ձեռքը դրաւ գաւակին վրայ ու դանդաղեցուց քայլը: Տիկին Հառուէր սկսաւ խօսիլ անոր հետ, թուելով անհատնում մանրամասնութիւններով ձմրան բոլոր յանձնարարութիւնները: Առաջին անգամն էր որ վերը կը մնար ան՝ մինչդեռ ծերունի Հարին արդէն տասնը-չորս ձմեռներ հոն էր անցուցեր, ձիւնին ներքև՝ Շըվարէնպախի պանդոկին մէջ:

Ուլրիխ մտիկ կ'ընէր, առանց հասկցած ըլլալու երեւոյթը ունենալու, ու շարունակ կը դիտէր երիտասարդ աղջիկը: Երբեմն երբեմն «Այո՛», Տիկին Հառուէր» կը կրկնէր: Բայց իր միտքը հեռուն ըլլալ կը թուէր և իր խաղաղ դէմքը կը մնար անայլալ:

Անոնք հասան Տաուպի լիճը, որուն երկայն, հարթ մակերեւոյթը կը տարածուէր հովիտին խորը: Աջ կողմը, Տաուպէնհոռնը կը ցուցնէր իր սրածայր սև փայտերը: Լէօմէհունի հսկայական սառակարկառնե-րու մօտ՝ որոնց վիտաշարուպէլը կ'իշխէր:

Երբ անոնք կը մօտենային կէմմիի կիրճին, ուր Լօէօխի զառիթափը կը սկսի, նշմարեցին Ալպեան Վալլէսի ընդարձակ հորիզոնը, որմէ զիրենք կը բաժնէր Հոենոսի խորունկ և լայնատարած հովիտը:

Հեռուն, ձիւնապատ, անհաւասար կամ սրածայր և շողշողուն բարձունքներու բազմութիւն մը կար. Միշապէլը՝ իր զոյգ եղջիւրներով, Վիսէհոռնը՝ իր հըզօր հաստամեստով թանձր Պրիւնսկհոռնը, բարձրաբերձ ու պակուցիչ Սէրվէնի բուրգը, — այս մարդասպանը, և Տէնթ-Պլանշ — սոսկավիթխար այս պըրուհին:

Ապա, իրենց վերևը, անհուն բազուածքի մը մէջ, պակուցիչ անդունդի մը խորը, նշմարեցին Լօէօխը:

որուն տուները այդ ահագին ճեղքին մէջ նետուած աւազի հատիկներու կը նմանէին զոր կը վերջացնէր ու կը ծածկէր Կէմմին, որ կը բացուի վարը՝ Հոննոսի վրայ:

Ջորին կանգ առաւ արահետին եզերքը, որ օձապըտոյտ կ'երթայ, դառնալով և անդադար շրջելով հիւսքանչ ու Ֆանքասթիֆ՝ երկայնքն ի վար աջ լերան, հոն՝ գրեթէ աննշմարելի փոքրիկ գիւղին ստորոտը: Կիները ձիւնին մէջ ցատկեցին:

Երկու ծերունիները հասած էին անոնց:

Օ'ն, ուրեմն, ըսաւ հայր Հառուէրը, մնա՛ք բարեաւ և քաջութիւն մինչև յառաջիկայ տարի, բարեկամներ:

«Յառաջիկայ տարի՝ կրկնեց հայր Հարին:

Անոնք գիրկընդխառնուեցան: Յետոյ, Տիկին Հառուէր, իր կարգին, մօտեցուց իր այտերը ու դեռատի աղջիկը նոյնը ըրաւ:

Երբ կարգը Ուլրիս Գանսի եկաւ, ան փափսաց Լուիզին ականջին. «Մի՛ մոռնար վերը մնացողները.» «Ո՛րչա՛ր յարեց աղջիկը այնքան ցած ձայնով, զոր Քանսի գուշակեց առանց լսելու:

— Է՛, մնա՛ք բարեաւ, եւ բարի առողջութիւն, կրկնեց ժան Հառուէր:

Ու անցնելով կիներուն առջև, սկսաւ վար իջնել: Շուտով երեքն ալ կորսուեցան ճամբուն առաջին դարձուածքին:

Ու երկու մարդիկը վերադարձան Շվարէնպախի պանդոկը:

Կողք կողքի անոնք յամրաբար կը քալէին առանց խօսելու:

Վերջացած էր ալ, չորս հինգ ամիս դէմ դիմաց առանձին պիտի մնային անոնք:

Յետոյ Գասպար Հարին սկսաւ պատմել անցնալ մմեռուան իր կեանքը: Ան վերը մնացեր էր Միշէլ Գանոլին հետ, որ վերստին հոն բնակելու համար շատ ծերացած էր, որովհետեւ, կրնար վտանգ մը պատահիլ երկարատեւ այդ տառանձնութեան մէջ: Մնաց որ անոնք ձանձրացած էին, — էականը առաջին օրէն իսկ համակերպիլն էր — ու անոնք սկսեր էին դրօսանքներ, խաղեր և շատ մը ժամանցներ ստեղծել:

Ուլրիս կը լսէր ծելունին. աչքերը վար յառած, ձտքով հետեւելով անոնց որ դէպի գիւղ կ'իջնէին, Կէմմիի օձապտոյտ շաւիղներէն անցնելով:

Քիչ վերջ անոնք նշմարեցին հազիւ տեսանելի պանդոկը, այնքան փոքրիկ, ձիւնի սոսկատեսելի կոհակին ստորոտը:

Երբ դուռը բացին, Սամ, դանդաղներ շունը, սկսաւ ցատկել անոնց շուրջը:

— Օ'ն, զաւակս, ըսաւ ծերունի Գասպարը, այլևս կին չունինք, պէտք է կերակուրը պատրաստել, դուն գետնախնձորները ստկէ:

Ու երկուքը միասին, փայտէ աթոռակներու վրայ նստած՝ սկսան թրմել ապուրը:

Հետեւեալ առտուն երկար երեցաւ Ուլրիս Գանսիի: Ծերունի Հարին կը ծխէր ու կը թքնէր կրակարանին մէջ, մինչդեռ երիտասարդը պատուհանէն կը դիտէր տանը առջև գտնուող հոյաշուք լեռը:

Կէս օրէ վերջ դուրս ելաւ և կատարելով նախընթաց օրուան իր անցքը, ան հողին վրայ կը փնտռէր երկու կիները կրող ջորիին սմբակներուն հետքերը:

Ու երբ հասաւ հէմմիի կիրճը՝ անդունդին եղերքը՝  
գետնատարած պառկեցաւ ան ու դիտեց Լօէօխը:

Իիւղը ապառաժներու իր հորերով տակաւին ձիւ-  
նին տակ չէր խեղդուած, թէպէտ ան մօտեցած էր  
իրեն ու կասեցուցուած շրջանակները պաշտպանող ե-  
ղեխներու անտառներէն: Բարձրէն իր ցած տուները  
մարգագետնի մը մէջ ինկած քարերու կը նմանէին:

Փոքրիկ Հառուէրը հոն հիմայ, այդ գորշ տու-  
ներէն մէկուն մէջ: Որո՞ւն մէջ էր: Ուրիխ Քանսի գա-  
նոնք մի առմի որոշելու համար շատ հեռու կը զբա-  
նըւէր: Որքան պիտի ուզէր վար իջնել, երբ դեռ կըր-  
նար ատիկա...

Բայց արեւը աներևութացած էր վերաշրջուպէլի  
բարձրաբերձ կատարին ետին, ու երիտասարդը տուն  
վերադարձաւ: Հայր Հարին կը ծխէր: Իր ընկերոջ գա-  
լը տեանելուն՝ ձեռք մը թղթաղաղ խաղալ առաջար-  
կեց, ու անոնք նստեցան դէմ դիմաց սեղանին եր-  
կու ծարերը:

Պոխը կոչուած պարզ խաղ մը խաղացին երկար  
ատեն, և ճաշէն ետք քնացան:

Յաջորդ օրերը առաջին օրուան նման եղան, պայ-  
ծառ ու զուրտ. առանց նոր ձիւնի: Ծերունի Գասպա-  
րը կէսօրէ վերջ կ'անցընէր արծիւներ և այս սառնա-  
պատ բարձունքներուն վրայ դիմագրաւող հազուա-  
գիւատ թռչուններ դարանելով. մինչդեռ Ուրիխ կա-  
նոնաւորաբար կէմմիի կիրճը կը վերադառնար՝ դիւղը  
դիտելու համար:

Յետոյ անոնք թղթախաղ, նարտ ու souflio կը  
խաղային, ու իրենց խաղը հետաքրքրական դարձնե-  
լու համար կը շահէին կամ կը կորսնցնէին փոքրիկ  
առարկաներ:

Հարին, առտու մը, կանուխ արթնցած՝ կանչեց  
իր ընկերը: Շարժուն, խոր ու թեթև ամպի սպիտակ  
փրփուր մը անշուշտ կ'իջնէր անոնց վրայ և կամաց  
կամաց զանոնք կը թաղէր թանձր ու համր մամուռէ  
քողի մը ներքե: Ասիկա տեեց չորս օր ու չորս քիչեր:  
Հարկ եղաւ դուռն ու պատուհանները մաքրել, պե-  
ղել նրբանցք մը ու քերել աստիճանները, բարձրանա-  
լու համար սառույցէ այս փոշիին վրայ զոր տասներկու  
ժամուայ սառնամանիքը քարակոյտերու կրանիտէն  
աւելի կածրացուցեր էր:

Այն առեւն անոնք ապրեցան բնատարկեալներու  
նման, իրենց բնակարանէն երբեք դուրս ելել չփորձելով:  
Իրարու մէջ բաժնած էին գործերը զոր կը կատարէին  
կանոնաւորապէս: Ուրիխ Քանսի կը զբաղէր լուաց-  
քով և մաքրութեան վերաբերեալ բոլոր գործերով:  
Նոյնպէս ինք կը կոտրէր փայտերը, մինչդեռ Գաս-  
պար Հարին կերակուրները կը պատրաստէր և վառ  
կը պահէր կրակը: Իրենց միօրինակ և կանոնաւոր  
զբաղումները կ'ընդհատէին թղթախաղի և նարտի եր-  
կար փառքիներով:

Մեղմարարոյ և հանդարտ՝ երբեք չէին կուներ  
անոնք: Ո՛չ այ անհամբերութիւն, վատ տրամադրու-  
թիւն կամ կծու խօսքեր կ'ուներային, որովհետեւ,  
անոնք համակերպութեան պատրաստութիւնը տեսած  
էին՝ բարձունքներու վրայ՝ այդ ձմեռուան համար:

Երբեմն ծերունի Գասպարը իր հրացանը կ'առնէր  
ու քարայրներու որսորդութեան կ'երթար. ժամա-  
նակ առ ժամանակ կը սպաննէր անոնցմէ: Այս ատեն  
տօն էր՝ ու թարմ միտի խնջոյք անա Շվարէնպա-  
խի պանդոկին մէջ:

Առտու մը, այսպէս մեկնեցաւ ան: Դուրսի ջեր-

մաշափը սառույցէն վար՝ տասնըութը ցոյց կու տար : Արեւը դեռ ծագած չէր, որսորդը Վիլտշտրուպէլի եղերքները դարանակալել կը յուսար կենդանիները :

Ուլրիխ, մինակը՝ մինչև ժամը տասը քնացաւ : Կանոնաւոր քնացող մըն էր ան, երբեք սակայն չհամարձակեցաւ անձնատուր ըլլալ իր հակումներուն, կանուխ արթնցող ու ու կայտառ ծերունի ուղեցոյցին ներկայութեան :

Հանդարտօրէն ճաշեց Սամին հետ, որ նոյնպէս իր օրերը կ'անցնէր կրակին առջև քնանալով, այնուհետև ինքզինքը տխուր զգաց, նոյնիսկ առանձնութենէ զարհուրած. առօրեայ ձեռք մը թղթախաղի պահանջը զգաց, ինչպէս մարդ կ'զգայ զայն անդիմադրելի սովորութեան մը փափաքէն :

Այն ատեն դուրս ելաւ դիմաւորելու համար իր ընկերը, որ պէտք էր պանդոկ վերադառնար ժամը չորսին :

Զիւնը հաւասարեցուցեր էր ամբողջ խորունկ հովիտը, լեցուցեր ձեղքերը, անհետացուցեր երկու լիճերը և խձկեր էր ժայռերը. երկու անձայրած իր բարձունքներու մէջտեղ միայն շրացուցիչ ու սառնապատ անհուն աւազան մը ձևացնելով :

Երեք շաբաթէ ի վեր Ուլրիխը բնաւ չէր եկած անդունդին եզերքը, ուրկէ կը դիտէր դիւղը : Վիլտշտրուպէլ առաջնորդ զառիթափները մագլցելէ առաջ հոն երթալ ուզեց : Լօէօխին ևս հիմայ՝ ձիւներու ներքեւ կը գտնուէր և բնակութիւնները չէին ձանչցուեր ա՛յ՛ դալուկ այդ քողին ներքև ծածկուած :

Եւ ձախ դառնալով, Լէօմմէնի սառնարանը հասաւ : Կը քայլէր լեռնցիի իր խոշոր քայլերով, երկա-

թածայր գաւազանը զարնելով քարէն աւելի կարծր ձիւնին վրայ : Իր սրատես աչքերով կը փնտռէր հեռուն՝ այդ անսահման քողին վրայ սև ու շարժուն կէտը :

Երբ որ հասաւ սառնարանին եզերքը, կանգ առաւ, ինքնիրեն հարցնելով թէ այդ ճամբուն հետեւեցաւ արդեօք ծերունին, և աւելի արագ ու մտահոգ քայլերով քարափոյտերու մօտէն՝ քովընտի երթալ սկսաւ :

Օրը կը տարածամէր, ձիւնները վարդի գոյն մը կ'ստանային, կատաղաշունչ չոր ու սառ քամի մը կը վազէր անոնց բիւրեղէ դէմքին վրայ : Ուլրիխ դողդղացող, սուր և խորասոյզ աղաղակով մը ձայն տուաւ Հարիին : Զայնը սաւառնեցաւ մահուան լուռութեան մէջ ուր լեռները կը քնանային, վազեց հեռուն, անշարժ և անյատակ սառույց փրփուրներու կոհակներուն վրայ, ինչպէս թռչունի մը աղաղակը ծովին ալիքներուն վրայ, ու մարեցաւ. և ոչ մէկ ձայն պատասխան տուաւ անոր : Ուլրիխ քայլ սկսաւ : Արեւ հեռուն, սարերու ետին ընկղմած էր, զոր երկնքի ցոլքերը ծիրանի կը ներկէին դեռ, իսկ հովտին խորքերը թուխ գոյն մը կ'ստանային : Երիտասարդը սոսկալ յանկարծ : Իրեն այնպէս թուեցաւ թէ լուռութիւնը, ցուրտը, առանձնութիւնը և այդ լեռներու ձմեռնային մահը կը խորասուզուէին իր էութեան մէջ ու դադար պիտի տային իր աչիւնին ու սառեցնէին զինք, պիտի փայտացնէին իր անդամները, անշարժ ու սառած էակ մը պիտի դարձնէին զինքը : Եւ վաղել սկսաւ՝ փախչելով դէպի իր բնակարանը : Իր բացակայութեան Հարին վերադարձած ըլլալու էր, կը խորհէր : Ան ուրիշ ճամ-

բայ մը բռնած էր, կրակին մօտ նստած ըլլալու էր հիմայ, ոտքերուն առջև մեռած քարայծ մը ձգած:

Շուտով նշմարեց պանդուկը: Ոչ մէկ ծուխ կը բարձրանար անկէ: Ուրիխ աւելի արագ քայել սկսաւ, բացաւ դուռը: Սամ յառաջ վազեց զայն զգուցելու համար: Գասպար դեռ չէր վերադարձած:

Սարսափած Քանսի ետին դարձաւ, որպէս թէ կ'սպասէր անկիւն մը թաքնուած իր ընկերակիցը երևան հանելու: Ապա կրակ վառեց և պատրաստեց սպուրը, միշտ ծերունիին վերադարձը տեսնել յուսալով:

Ժամանակ աւ ժամանակ դուրս կ'ելլէր դիտելու համար թէ արդեօք Գասպար կու գար: Մութը իջեր էր լեռներու տօգոյն և դայուկ մութը զոր կը լուսաւորէր, հորիզոնի ծայրէն, սարերու ետին թաղուելու մօտ, նուրբ ու դեղին կիսալուսին մը:

Ան տուն կը մտնէր, կը նստէր, կը տաքցնէր իր ոտքերը և ձեռքերը, կարելի պատահարներ երազելով:

Գասպար կրնար կոտորած ըլլալ իր մէկ սրունքը, կրնար գլորած ըլլալ փոսի մը մէջ կամ սխալ քաղ մը ըրած՝ որ իր ոտքին կոճը ջախջախելու պատճառ կրնար դառնալ: Ու թերևս տարածուած կը մնար ձիւններուն մէջ, զուրտէն ազդուած ու սառած, հոգին անձկութեամբ լի, մոլորած օգնութիւն կը կանչէր, իր կոկորդին ամբողջ ոյժով աղաղակելով գիշերուան լուռութեան մէջ:

Բայց ո՛ւր: Լերան բոլորտիքը այնքան ընդարձակ, այնքան դերբուկ և արկածալից էր այդ եղանակին մէջ մանաւանդ, որ պէտք էր տասը քսան ուղեցոյց ըլլար և քսան օր ամէն ուղղութեամբ քայել այս անհունութեան մէջ մարդ մը գտնելու համար:

Ուրիխ Քանսի, մեկնիլ վճռեց սակայն Սամին հետ, եթէ Գասպար Հարին մինչև կէս գիշեր կամ մինչև առտուան մէկը չվերադառնար:

Ու ըրաւ իր պատրաստութիւնները:

Պարկի մը մէջ երկու օրուան ուտելիք դրաւ, առաւ պողպատէ իր ճանկերը, փաթթեց մէջքին շուրջը ամուր, բարակ ու երկայն չուան մը, քննեց իր երկաթածայր գաւազանն ու փոքրիկ տապալը որ սառույցին վրայ աստիճաններ պեղելու կը գործածէր: Եւ սպասեց:

Կրակարանին մէջ կրակը կը վառէր: Սամ կը խորհար բոցին պայծառութեան ներքև. ժամացոյցը փայտէ հնչական պահպանակի մը մէջ սրտի մը նման իր կանոնաւոր զարկերը կը հնչէր:

Ուրիխ կ'սպասէր, ականջալուր՝ հեռաւոր աղօմուկներու. դողդողալով՝ երբ թեթև հով մը կը հպէր տանիքին ու պատերուն:

Կէս գիշերը հնչեց. ան ցնցուեցաւ: Եւ որովհետև վախցած ու սարսափած կ'զգար ինքզինքը, կրակին վրայ ջուր դրաւ, ճամբայ իյնալէ առաջ սուրճ խմելու համար:

Երբ ժամացոյցը մէկը հնչեց, ոտքի ելաւ, արթնցուց Ուամը, դուռը բացաւ քայեց Վիտչարուպէլի ուղղութեամբ: Հինգ ժամ բարձրացաւ, ժայռերէն վեր ելլելով շտորիւ իր պողպատէ ճանկերուն, որոնց մով կը պեղէր սառույցը, միշտ կը յառաջանար ու մերթ կը քաշէր դէպի իրեն չուանին ծայրը, որ վարը սրածայր ցիցի մը վրայ կեցած շանը կապուած էր: Ժամը վեցին մօտ էր, երբ բարձրացաւ կատարներէն մէկը, ուր ծերունի Գասպարը յաճախ քարայծներու փնտրութի կու գար:

Ու սպասեց լուսնալուսն :

Երկինքը կը տոգուենէր. իր գլխուն վերև յանկարծ տարօրինակ նշոյլ մը, — ծնած յայտնի չէ ո՛ւրկէ, — լուսաւորեց անա բարձունքներու դալուկ անսահման ովկէանոսը, որ կը տարածուէր, իր շուրջը, հարիւրաւոր փարսախներով: Կարծես այս տարտամ լուսաւորութիւնը ձիւնէն իսկ դուրս կու գար՝ տարածուելու համար անջրպետին մէջ: Տակաւ հեռաւոր ամենաբարձր գագաթները միտի նման մեղմ կարմիրով մը ներկուեցան, ու ծիրանեգոյն արևը երևցաւ ծանր ու հսկայական Պէռնեան Ալպեաններու ետևէն:

Ուլրիխ Քանսի ճամբայ ինկաւ: Որսորդի մը նման ծռած, կը քայլէր հետախոյզ, «Փնտռէ՛, իմ խոշոր շունս, փնտռէ՛» ըսելով Սամին:

Վար կ'իջնէր լեռնէն հիմայ, աչքով անդունդները կը խուզարկէր ու երբեմն երկա՛ր աղաղակ մը կ'արձակէր որ շուտով կը մեռնէր դերեզմանային անսահմանութեան մէջ: Այն ատեն՝ լսելու համար ականջները գետին կը քամէր ան. կը կարծէր ձայն մը որոշել, կ'սկսէր վազել, վերստին կը կանչէր, ոչինչ չէր լսեր, ու կը նստէր խոնջ ու յուսահատ: Կէսօրուան դէմ, Ուլրիխ նախընթաց և կեր տուաւ Սամին, որ իրեն չափ յոգնած էր: Յետոյ իր փնտրատուքներուն վերսկսաւ:

Երբ իրիկուն եղաւ, դեռ կը քայլէր անիկա, գիւղական յիսուն քիլոմետր կտրած: Որովհետև տուն վերադառնալու համար շատ հեռուն կը գտնուէր, — ու աւելի երկար ժամանակ քայլելու համար շատ յոգնած էր, — ծակ մը բացաւ ու կծկուեցաւ հոն շանը հետ միասին, վերմակի մը ներքև: Ու անոնք իրա-

բու դէմ դիմաց պառկեցան, մարդը և կենդանին իրենց մարմնով տաքցնելով զիրար, մինչև իրենց ողնածուծը սառած սակայն:

Միտքը ցնորքներով յաճախուած, ու անդամները դողդողալէն ցնցուած՝ Ուլրիխ չքնացաւ բնաւ:

Արևը ծագելու վրայ էր երբ ոտքի ելաւ: Իր սրբունքները կարծրացեր էին երկաթէ ձողերու նման, հողին տկար էր իր անձկութիւնը աղաղակել տալու աստիճան, սիրտը բարախուն՝ յուզումէ խորտակուելու չափ, այն պահուն որ ան կը կարծէր լսել ոեւէ շշուկ:

Յանկարծ մտածեց թէ ի՛նք ևս պիտի մեռնէր շուտով այդ առանձնութեան մէջ, ու մահուան այդ արհաւիրքը խարաղանելով իր կորովը, արթնցուց զօրութիւնը:

Դէպի պանդոկ կ'իջնէր այժմ, իյնալով ու բարձրանալով, Սամը հեռուէն կը հետևէր իրեն՝ կաղալով:

Կէսօրէ ետք ժամը չորսին միայն Շվարէնպախ հասան անոնք: Տունը դատարկ էր: Ուլրիխ վառեց կրակը, ճաշեց ու պառկեցաւ այնպէս ցնորակո՛ծ՝ որ ո՛չ մէկ բանի վրայ չէր խորհեր:

Երկար, շատ երկար քնացաւ ան, անդիմադրելի քունով մը: Բայց յանկարծ ձայն մը, աղաղակ մը, անուն մը, «Ուլրիխ», ցնցեց իր խորունկ թրմրութիւնը ու ոտքի կանգնեցուց: Երա՛զ էր: Մէկն էր ասիկա արդեօք այն անհեթեթ կոչերէն որոնք կ'անցնին խռովատանջ հողիներու երազներուն ընդմէջէն: Ոչ, ան դեռ կը լսէր այդ կոչը, այդ գալարուն աղաղակը որ իր ականջին մէջ մտած ու մնացած էր մինչև իր մարմնին ու ջղուտ մատուրներուն ծայրը: Ստուգիւ, «Ուլրիխ» աղաղակեր էին: Մէկը կար հոն:

տանը մօտ. բացաւ դուռը ու պռուաց ամբողջ իր կոկորդին ու ժով. «Դ՞ո՞ւն ես, Գասպար»:

Ո՛չ ոք չպատասխանեց, ո՛չ մէկ ձայն, ո՛չ մէկ մրմուռնջ, ո՛չ մէկ հեծեծանք. ոչի՛նչ: Գիշեր էր: Զիւնը ամոյն:

Ի՞նչ քը բարձրացած էր, սառն բուքը որ քարերը կը խորտակէ ու այս լքուած բարձունքներուն վրայ ոչինչ կը թողու կենդանի: Խստաշունչ աւելի երաշտ եւ աւելի մահացու քան դժոխքի կրակէ քամին՝ կ'անցնէր ան: Ուլրիխ վերստին աղաղակեց, «Գասպար, Գասպար, Գասպար»...

Ու սպասեց: Ամէն ինչ լուռ էր լերան վրայ: Այն ատեն արհաւիրքը մինչև իր ոսկորները ցնցեց զինք: Ոստումով մը դուռը գոցեց, պանդոկ մտաւ, նիգերը դրաւ, ու սրսփալով ինկաւ աթոռի մը վրայ, ապահով թէ հոգեվարքի նոպային կը կանչէր զինք իր ընկերը:

Ատոր ապահով էր, ինչպէս ապահով է մարդ՝ ապրելուն ու հաց ուտելուն մասին: Ծերունի Գասպար Հարին երկու օր և երեք գիշեր հոգեվարքի մէջ էր, տեղ մը, փոսի մը մէջ, անաղարտ այն խորունկ փոսերէն մէկուն մէջ, որուն սպիտակութիւնը աւելի պակուցիչ է քան մթութիւնը ստորերկրեայ ուղիներու: Երկու երեք օր հոգեվարքի մէջ էր ան ու քիչ առաջ կը մեռնէր իր ընկերակիցը խորհելով: Ու իր հոգին, հազիւ թէ ազատած՝ սաւառնած էր Ուլրիխի քնացած պանդոկը, ուր կանչած էր ան զինք խորհրդաւոր ու անաւոր առաքինութեամբ մը զոր կ'ունենան մեռելները՝ յաճախելու համար ապրողներուն:

Այդ հոգին, անձայն կանչած էր իր խռովայեղց էութեանը մէջ, աղաղակած էր իր վերջին մնաս բարովը, կամ ջրած էր մեղադրանքն ու անէծքը մարդուն. որ պէտք եղած փնտուտուքը չէր կատարած:

Եւ Ուլրիխ հոն կ'զգար զայն, բոլորովին մօտ, — պատին ետին —, նոր գոցած դրան կռնակը: Անիկա կը թափառէր՝ իր թեքը լուսաւոր պատուհանի մը քսող գիշերային թռչունի մը նման: Ուլրիխ զարհուրանքէն սարսույռու վրայ էր: Փախչիլ կ'ուզէր ու բնաւ չէր համարձակեր դուրս ելելու. չէր յանդերձներ երբեք, ու պիտի չյանդէնէր այնուհետև այլ պարուականը որովհետև հոն պիտի մնար գիշեր ցերեկ, տանդոկին շուրջը, այնքան ատեն որ ծերունի ուղեցոյցին մարմինը պիտի մնար անյայտ ու պիտի չզետեղուէր գերեզմանի մը օրհնուած հողին ծոցը:

Աւտու եղաւ ու Քանսի պայծառ արեւին երևուածէն քիչ մը ապահովութիւն զգաց: Պատրաստեց իր նախաճաշը և շանը ապուրը, անշարժ, սիրտը անդհանքով լի՝ յետոյ նստաւ աթոռի մը վրայ, խորհելով՝ ձիւնին վրայ պառկած ծերունիին մասին:

Իսկ երբ մութը, ծածկեց լեռը, նոր սարսափներ պատեցին զինք: Այժմ ան կը քայլէր մութ խոհանոցին մէջ, որ աչտանակի մը բոցով հազիւ լուսաւորած էր, կը քայլէր սենեկին մէկ ծայրէն միւսը, մեծ քայլերով, ու ականջ կը դնէր, մտիկ կ'ընէր թէ արդեօք նախորդ գիշերուան պակուցիչ աղաղակը պիտի չանցնէր վերստին դուրսի տխուր լուսեան ընդմէջէն: Ու ինքզինքը առանձին զգաց, թշուառ, ինչպէս ոչ մէկ մարդ եղած էր ցարդ... Ձիւնի այդ անսահման անապատին մէջ էր ան, մինակ՝ ընակելի հողէն երկու հազար մեթր բարձրութեան վրայ, մարդոց

ստեղծեցին վեր, վեր կեանքէն որ կը գործէ, կ'աղ-  
մըկէ ու կը տրոփէ. մինակ, սառած երկնքին մէջ:  
Յիմար փափաք մը կը մղէր զինքը, փախչելու փոյթ  
չէ ո՛ւր, փոյթ չէ ինչպէս, փափաք մը հօտօխ իջնե-  
լու, ինքզինքը նետելով անդունդին գիրկը: Միայն  
թէ դուռը բանալէ կը վախնար, ապահով թէ միւսը  
— մեռելը — պիտի խափանէր իր ճամբան, ինք ևս  
մինակ չմնալու համար:

Կէս գիշերուան մօտ, քայլէ յոգնած, վախցած և  
անդունդն քէն ընկճուած, վերջապէս մրափեց աթոռի  
մը վրայ, որովհետեւ կը կասկածէր իր անկողնէն,  
ինչպէս մարդ կը կասկածի ոգիներէ յաճախուած վայ-  
րէ մը:

Ու յանկարծ նախորդ գիշերուան սուր աղաղակը  
ծակեց իր ախանջները, այնքան սո՛ւր՝ որ Ուլրիխ տա-  
րածեց թեւերը ուրուականը վանելու համար. ու կըռ-  
նակի վրայ՝ վար ինկաւ աթոռին հետ:

Սամ աղմուկէն արթնցած՝ սկսաւ հաջել. ինչպէս  
կը հաջեն սարսափած շուները, ան բնականաբանին բո-  
լորտիքը կը դառնար. փնտռելով թէ ո՛ւրկէ կու գար  
վտանգը: Դրան մօտ հասնելուն Սամ տակէն հոտուը-  
տայ, ուժգնօրէն փչելով ու վեր քաշելով ուռնգերը,  
ստեղծեց քստմնեայ, պոչը դէպի աջ ու գրգռուած:

Քանսի, անարեկ, կանգնեցաւ. և աթոռին մէկ  
ոտքէն բռնած, պոռաց. «Ներս մի՛ մտներ, ներս մի՛  
մտներ, ներս մի՛ մտներ, թէ չէ կ'սպանեմ քեզ»  
Իսկ շունը այս սպառնալիքէն գրգռուած՝ կատաղու-  
թեամբ կը հաջէր աներեւոյթ թշնամիին դէմ, որուն  
կռուի հրաւէր կը կարդար իր տիրոջ ձայնը:

Սամը կամաց կամաց հանդարտեցաւ, ու եկաւ  
տարածուեցաւ կրակարանին քով, բայց անհանգիստ  
էր ան, գլուխը վեր, աչքերը փայլուն, մրմուռով իր

34466

ճանկերուն մէջէն: Ուլրիխ, նոյնպէս գտաւ ինքզինքը,  
և որովհետեւ վախէն ուժաթափ կ'զգար, շիշ մը ըմ-  
պելի փնտռելու գնաց դարանին մէջ, ուրկէ, ետեւե-  
տեւ ամբողջ գաւաթներ խմեց: Իր մտքերը կը մը-  
թագնէին, կորովը կը հաստատուէր. կրակէ տենդ մը  
կը սահէր երակներուն մէջ:

Հետեւեայ առաւօտ չճաշեց բնաւ. ու շատացաւ  
այբօլ խմելով: Օրեր շարունակ՝ անբան գինովի  
մը պէս ապրեցաւ: Այն պահուն, ուր Գասպար Հա-  
րին միտքը կ'իյնար՝ խմել կ'սկսէր, մինչև այն վայր-  
կեանք ուր գետին կ'իյնար գինովութենէ պարտուած:  
Ու հոն կը մնար, երեսի վրայ գինով-մեռեայ, ան-  
դամները խորտակուած, շունը ուռնգերէն դուրս տա-  
լով ու ճակատը գետնին: Բայց արդէն հազիւ թէ  
մարսած կ'ըլլար խենդեցնող ու այրող հեղուկը, երբ  
միևնոյն «Ուլրիխ» աղաղակը, կ'արթնցնէր զինք,  
գնդակի մը պէս որ կը ծակէր կարծեօ իր գանկը,  
և երիտասարդը վեր կը զցուէր, վերստին երերտկա-  
յով ու վար չիյնալու համար կը պարզէր ձեռքերը  
Սամը իրեն օգնութեան կանչելով: Ու շունը, որ իր  
տիրոջ նման խենդեցած ըլլալ կը թուէր, կը խոյա-  
նար դրան վրայ, եւ ճանկատելով կը կրծէր զայն իր  
սպիտակ երկայն ախանջերով, մինչդեռ Ուլրիխ, վիզը  
ծած՝ գլուխը օդին մէջ, մեծ ուժակերով կուլ կու-  
տար ըմպելին, ինչպէս կ'ըմպէ մարդ շրջագայութե-  
նէ մը վերջ զով յուրը. ըմպելին վերստին շուտով կը  
քնազընէր իր մտածումը, իր յիշողութիւնն ու իր  
խուճուպանքը սարսափը:

Երեք շաբաթէն սպառեց այբօլի իր ամբողջ մը-  
թերքը: Բայց այս շարունակական արեցուցութիւնը լոկ  
իր վախը կը մեղմէր, որ աւելի կատաղօրէն երևան



ելաւ այն պահուն, երբ անկարող եղաւ այլևս զայն զսպելու :

Սեւեռուն գաղափարը այն ատեն, ամսուան մը գինովութենէ ու բացարձակ առաձնութեան մէջ մընալէն ծայրահեղութեան հասած՝ անդադար մեծնալով գչիրի նման կը խորասուզուէր իր խորը : Բնակարանին մէջ, կը քայլէր այժմ, ինչպէս գազան մը իր գարագեղին մէջ, գամած իր ականջը դրան . լսելու համար թէ հոն էր արդեօք միւսը, որուն կռուի ասպարէզ կը կարդար ան պատին մէջէն :

Ու երբ յոգնութենէ յաղթուած, այլևս կը քնանար, կը լսէր ձայնը որ ոտքի ցատկել կու տար իրեն :

Իրիկուն մը, վերջապէս, ծայր աստիճանին հասած վախկոտներու նման, դրանը վրայ խոյացաւ, ու զինք կանչողը տեսնել և զայն լռութեան հրաւիրելու նպատակաւ բացաւ դուռը :

Մինչև ոսկորները սառեցնող օդի ցուրտ շունչը ընդունեց ամբողջ դէմքին վրայ և կրկին գոցեց դրան թևը ու հրեց նիգերը, աւանց նշմարելու որ Մամը դուրս էր խոյացեր : Ապա դողդողալով, կրակին մէջ փայտ նետեց և տաքնալու համար նստաւ առջևը, բայց յանկարծ սարսուաց . մէկը լալով կը ճանկատէր դուռը :

Ուլրիխ անաբեկ պռուաց. «Կորսուէ՛ք» : Երկար ու ցաւազին ողբ մը պատասխանեց իրեն :

Այն ատեն իր վրան գտնուած բանականութեան մնացորդն ալ խորտակուեցաւ սարսափէն : «Կորսուէ՛ք», կը կրկնէր, տեղ մը գտնել ու պահուելու համար ետին դառնալով : Միւսը միշտ կու լար, կ'անցնէր տանը երկայնքէն՝ պատին քսուելով : Ուլրիխ երկացեցաւ սեղանի ամաններով ու պարէններով լեցուն

կաղնիէ դարանը, ու գերմարդկային ուժով զայն բարձրացնելով քաշեց տարաւ մինչև դուռը, պատնէչի մը կռթնելու համար : Ու իրարու վրայ կուտակեց մնացած կարասիները, խշտեակները, յարդէ անկողինները, աթոռները, գոցեց պատուհանը, ինչպէս որ կ'ընէ մարդ երբ թշնամիէ շրջապատուած է : Բայց շունը այժմ երկար ողբագին հեծքեր կ'արձակէր, որուն երիտասարդը նման ողբերով պատասխանել սկսաւ :

Ու երկու օր ու երկու գիշեր սահեցան աւանց մին կամ միւսը կաղկանձելէ դադարելու : Մին կը դառնար շարունակ տանը շուրջը ու կը փորէր պատը իր ճանկերով, այնքան ուժով որ կարծես, կ'ուզէր տապալել զայն, ներսէն, միւսը, կը հետեւէր անոր բոլոր շարժումներուն, ծռած ու ականջը քարին բեւեռած՝ կը պատասխանէր անոր բոլոր կանչերուն զարհուրելի աղաղակներով :

Իրիկուն մը, Ուլրիխ ոչինչ չլսեց ալ, ու նստաւ, յոգնութենէ այնքան խորտակուած՝ որ քնացաւ անմիջապէս :

Արթնցաւ աւանց յիշատակի մը, աւանց մտածումի մը, իրբև թէ այդ ծանրացած քունին մէջ ամբողջ իր ուղեղը դատարկուած ըլլար : Անօթի էր ճաշեց :

. . . . .

Չմեռը վերջ գտած էր . կէմմիի անցքը անցանկի կը դառնար : Հաուսէր ընտանիքի անդամները պանդոկ վերադառնալու համար ճամբայ ինկան :

Երբ անոնք հասան վերելքին կատարը, կիները բարձրացան ջորիին վրայ ու խօսեցան երկու մարդոց մասին զոր շուտով պիտի գտնէին :

Անոնք կը զարմանային թէ ի՞նչպէս անոնցմէ մէկը վար չէր իջած իրենց ձմեռուան կեանքին մասին լուրեր տալու համար, երբ այլևս ճանապարհը անցանելի էր դարձեր :

Վերջապէս նշմարեցին պանդոկը որ տակաւին ձիւնով ծածկուած ու խցուած էր : Դուռը և պատուհանը գոց էին, տանիքէն քիչ մը ծուխ կը բարձրանար, ինչ որ սրտապնդեց Հայր Հառուսէրը : Բայց մօտենալով, սեմին վրայ, ան նշմարեց արծիւներէ յօշոտուած կենդանիի մեծ կմախք մը՝ կողին վրայ պառկած :

Ամենքը զայն քննեցին. «Մամը ըլլալու է», ըսաւ մայրը : Ու կանչեց. «Է՛, Գասպար» : Կուռեցաւ առաջինին նման աղաղակ մը :

Այն ատեն երեք մարդիկը, հայրը ու երեք որդիքը, փորձեցին բանալ դուռը : Դուռը կը դիմադրէր : Իստարկ ախուռէն խոյ մը վերցուցին ու ամբողջ ուժով արձակեցին զայն : Փայտը ճռնչաց, տեղի տուաւ տախտակները թռան կտոր կտոր եղած, ու մեծ աղմուկ մը զզրեց տունը, և անոնք նշմարեցին ներսը, խորտակուած դարանին ետեւը, ռոքի վրայ կանգնած մարդ մը, մազերը ուսերուն վրայ, մօրուքը մինչև կուրծքը իջած, փայլուն աչուրներով և կտաւի կտորներ մարմնին վրայ :

Չէին ճանչնար զայն. բայց Կուռի Հառուսէրը ճշտաց «Մայրիկ Ուլրիխն է» : Ու մայրը հաստատեց թէ՛ Ուլրիխն էր անիկա, թէև մազերը ճերմկցած էին :

Ան թոյլ տուաւ որ մօտենան, ձգեց որ հպին իրեն, բայց չպատասխանեց բնաւ իրեն եղած հարցումներուն : Հարկ եղաւ Կօէօխ առաջնորդել զայն ուր բժիշկները հաստատեցին թէ խենդեցեր էր ան :

Իսկ ոչ ոք գիտցաւ թէ ինչ եղած էր իր ընկերը :

Այդ ամառ, Կուռի Հառուսէրը մազ մնաց որ մեռնէր սիրոյ նուազումէ զոր լերան ցուրտին վերագրեցին :

ԿԻ ՏԸ ՄՕԲԱՍԱՆ



# Ա Ղ Օ Թ Ք

ԶՈՐ ԸՐԻ ԱԿՐՈՊՈՒԻ ՎՐԱՅ  
ԵՐԲ ՍԿՍԱՅ ՀԱՍԿՆԱԼ  
ԱՆՈՐ ԿԱՏԱՐԵԱԼ ԳԵՂԵՅԿՈՒԹԻՒՆԸ

Ո՛ր ազնուականութիւն, ո՛ր պարզ և ճշմարիտ  
գեղեցկութիւն, աստուածուհի՛, որուն պաշտամունքը  
բանականութիւն է և իմաստութիւն. դո՛ւն, որուն  
տաճարը յաւիտեանական դաս մըն է խղճի եւ անկեղ-  
ծութեան. խորհուրդներուդ սեմին ո՛ւշ կը հասնիմ  
ես. մեծ է խղճի խայթը զոր խորանիդ կը բերեմ:  
Քեզ գտնելու համար անվերջ որոնումներ պէտք եղան  
ինձի: Յայտնատեսութիւնը զոր նորածին Աթենացիին  
ժպիտով մը կ'ընծայէիր, ես ձեռք ձգեցի խորհրդա-  
ծութեանց ուժով, ի գին երկար ճիգերու:

Ես ծնեի եմ, կապոյտ աչքերով աստուածուհի,  
բարբարոս ծնողքներէ, — առաքինի ու բարի կիմմեր-  
եաններու մօտ՝ որոնք եզերքը կ'ապրին շարունակ  
փոթորիկներէ ծեծուած, մռայլ ու ապառաժեայ ծո-  
վու մը: Հոն արեւ հազիւ կը ճանչնան. ծաղիկները,  
հոն՝ ծովամուռներն են, լուերը ու գոյնզգոյն  
խեցեմորթերը, զորս մարդ կը գտնէ ամայի ծովա-  
խորշերու յատակը: Ամպերը հոն առանց գոյնի կ'երե-  
ւին. նոյն իսկ ուրախութիւնը քիչ մը տխուր է հոն.  
Բայց պաղպաջուն ջուրերու աղբիւրներ հոն կը բխին  
ժայռէն և դեռատի աղջիկներուն աչուրները հոն նը-

ման են սա կանաչորակ աղբիւրներուն, ուր ալեծա-  
ծան խոտերու խորքին վրայ երկինքը կը ցոլանայ:

Իմ հայրերս, անյիշատակ ժամանակներէ ի վեր,  
նուիրուած էին հեռաւոր նաւագնացութեանց՝ ծովե-  
րու մէջ, զորս քու Արգոնաւորդներդ իսկ չճանչցան:  
Երբ ես դեռատի էի, լսեցի երգերը բեռային ճամ-  
բորդութիւններու. գիս օրօրեցին յիշատակովը ծփուն  
սառույցներու, միգամած կաթնաթոյր ծովերու և կըղ-  
զիներու՝ ուր բնակող թռչունները, կ'երգեն իրենց  
ժամերուն և որոնք երբ կը սկսին թռչիլ՝ երկինքը  
կը մթագնեն:

Պաղեստինի Ասորիներէն եկած օտար կրօնքի մը  
քահանաները ստանձնեցին կրթութեանս հոգը: Սուրբ  
էին ու իմաստուն այդ քահանաները: Անոնք ինձի  
սովորեցուցին անվերջ պատմութիւնները կռօնոսի, որ  
երկիրն է ստեղծած և իր տղուն՝ որ, կ'ըսեն, երկաթ  
ճամբորդութիւն մըն է ըրած երկրիս վրայ: Անոնց տա-  
ճարները երեք անգամ բարձր են քուկինիդ պէս, ո՛վ  
Եւրիւթմի, ու կը նմանին անտառներու, միայն թէ  
անոնք հաստատուն չեն ու կը կործանին հինգ կամ  
վեց հարիւր տարի յետոյ. քմայքներն են անոնք բար-  
բարոսներուն, որոնք կ'երեւակայեն թէ կարելի է բա-  
րի բան մը ընել կանոններէն դուրս զորս գծեցիր  
դուն քու ներշնչեալներուդ, ո՛վ Բանականութիւն:  
Բայց այդ տաճարները հաճելի կը թուէին ինձի. քու  
աստուածային արուեստդ ուսումնասիրած չէի. ես  
Աստուած կը գտնէի հոն: Տաղերգներ կ'երգէին հոն  
զոր ես կը լիչեմ դեռ. «Ողջոյն, ծովու աստղ... թագու-  
հի անոնց որ կը հեծկտան արցունքներու այս հովի-  
տին մէջ.» և կամ «Վարդ խորհրդաւոր, Փղոսկրէ աշ-  
տարակ. Տուն ոսկեայ, Աստղ առաւօտու...» Լսէ:

աստուածուհի, երբ կը յիշեմ այդ երգերը, հոգիս կը հալի, հաւատուբայ կը դառնամ գրեթէ: Ներէ ինձ այս ծիծաղելիութիւնը, չես կրնար երեակայել հմայքը զոր բարձարոս կախարդները դրած են այդ քերթուածներուն մէջ, և որքան սուղի կը նստի ինձի հետեիլ ամենամերկ բանականութեան:

Եւ յետոյ գիտնայիր թէ ո՞րքան դժուարին դարձած է քեզ սպասարկելը Ազնուակալութիւնը վերաձեր է ամբողջ: Սկիւթացիք տիրած են աշխարհին: Չկայ այլևս ազատ մարդոց հանրապետութիւնը. այլ թագաւորներ միայն կան՝ սերած թանձր արիւնէ մը, վեհափառութիւններ՝ որոնց վրայ պիտի խնդայիր: Ծանրախոհ Հիպէրորէէններ թեթեամիտ կը կոչեն քեզ ծառայողները... Ահաւոր համապուշութիւն մը, — բոլոր յիմարութեանց միարանութիւն, — կապարեայ կափարիչ մը կը տարածէ աշխարհի վրայ, որուն տակ շնչահեղձ կ'ըլլան մարդիկ: Մինչև իսկ անոնք որ կը պատուեն քեզ ու գութը կը շարժեն: Կը յիշե՞ս այն Կալէդոնիացիին որ յիսուն տարի կ'ընէ, մուրճի հարուածներով խորտակեց տաճարդ, թուլէ փոխադրելու համար զայն: Այսպէս կ'ընեն ամէնքն ալ... Ես գրեցի՝ քու սիրած քանի մը պատուէրներուդ համաձայն, ո՞վ աստուածածնունդ, կեանքը երիտասարդ աստուածոյն՝ որուն ծառայեցի մանկութեանս ատեն. Եփիմերիսի մը նման կը վարուին ինձի հետ. ինձի կը գրեն, հարցնելու թէ ի՞նչ է առաջադրած նպատակս. անոնք կը սիրեն մի միայն տրապէզեան իրենց սեղանը արգասաւորող բաները: Եւ ինչո՞ւ համար կը գրեն աստուածներու կեանքը. ո՞վ Երկինք, բայց եթէ սիրցնելու համար աստուածայինը որ անոնց մէջ կար ու ցոյց տալու որ այդ աստուածայինը դեռ կենդանի է ու պիտի չաւիտեան ապրի մարդկային հոգիին մէջ:

Կը յիշե՞ս այն օրը, Դիոնիզոդորոսի իշխանութեան ատեն, երբ փոքրիկ տղեղ հրեայ մը որ Ասորիքի յունարէնը կը խօսէր, եկաւ հոս, շրջեցաւ տաճարներուդ դաւիթը, առանց քեզ հասկնալու, ան սխալ կարդաց արձանադրութիւններդ, ու քու ծոցիդ մէջ գտնել կարծեց խորան մը՝ նուիրուած աստուծոյ մը, որ անձանօք ասուածը պիտի ըլլար: Եւ, ուրեմն, այդ փոքրիկ հրեան յաղթեց անոր. հազար տարի շարունակ մարդիկ քեզ կուռքի տեղ դրին, ո՞վ ճշմարտութիւն, հազար տարի շարունակ, աշխարհը անապատ մըն էր, ուր ոչ մէկ ծաղիկ կը ծաղկէր: Ամբողջ այդ շրջանին լուռ էիր դուն, ո՞վ Սալպինքս, փողար մտածման: Աստուածուհիդ կարգի, պատկեր երկնային հաւասարակշռութեան, մարդիկ յանգապարտ էին քեզ սիրելուն համար, ու, այսօր որի գին խղճամիտ աշխատանքի մենք յաջողած ենք մօտենալ քեզի, կը մեղադրեն մեզ թէ մարդկային մտքին դէմ ոճիր ենք գործած՝ խորտակելով շղթան, զոր կ'արհամարհէր Պրդատոն:

Դուն ես միայն երիտասարդ, ո՞վ Կորա, դուն միայն անբիծ ես, ո՞վ Կոյս, դուն միայն առողջ ես, ո՞վ Հիգիա, դուն միայն զօրաւոր ես, ո՞վ Յաղթանակ:

Կը պահես դեռ Ոստանները, ո՞վ Պրոմաքոս, դուն ունիս ինչ որ պէտք է Արէսին, ո՞վ Արէս, խաղաղութիւնն է քու նպատակդ, ո՞վ խաղարարար:

Օրէնսդրուհի, աղբիւր ճշմարիտ սահմանադրութեանց: Ռամկավարութիւն, որուն հիմնական վարդապետութիւնն է թէ՛ ամէն բարիք ժողովուրդէն կը բխի, և թէ՛ հոն ուր չկայ հանձարը սնուցանող ու ներշնչող ժողովուրդը, ոչինչ կայ. սորվեցուր մեզի ազամանդը զատել պիղծ նիւթերէն:

Նախախնամութիւն Արամազդի, երկնային գործաւորուհի, մայր ամէն ճարտարարուեստի, պահապան աշխատանքի, ո՛վ Երգանէ, դուռն որ քաղաքակրթուած աշխատաւորին աղնուականութիւնը կը կազմես եւ զայն այնքան բարձր կը դասես պղերգ Սկիւթացիէն: Իմաստութիւն, այն որուն Զեւս ծընունդ տուաւ ինքնիր վրայ գալարուելէ յետոյ, խորապէս շնչելէ վերջ, դուռն որ կը ընակիս հօրդ մէջ, միացած խպառ իր էութեան. դուռն՝ որ իր ընկերն ես եւ իր խղճմտանքը. Զեւսի՛ ուժ, կայծը որ կը բռնկցնես եւ վառ կը պահես հերոսներուն եւ հանճարի մարդոց մէջ, կատարեալ հոգեպաշտներ դարձուր մեզ: Այն օրը որ Աթենացիք եւ Հռոքոսցիք կռուեցան զոհարերութեան համար, դուռն նախընտրեցիր բնակիլ Աթենացւոց քով, իբրեւ աւելի իմաստուններու: Քու հայրդ, սակայն, վար իջեցուց Պղուտօսը սակեվառ ամպի մը մէջ՝ Հռոքոսցիներու ոստանին վրայ, վասնզի անոնք եւս յարգանք մատուցած էին իր դստեր: Հռոքոսցիք հարուստ եղան, այլ Աթենացիք ունեցան միտքը, այսինքն ճշմարիտ ուրախութիւնը, յաւիտենական զուարթութիւնը, սրտի աստուածային մանկութիւնը:

Մարդկութիւնը միայն քեզի դառնալով պիտի փրկուի, ժխտելով իր բարբարոս կապերը: Վազենք, հասնինք խմբովին: Ի՛նչ գեղեցիկ օր այն օրը երբ բոլոր քաղաքները որոնք վերցուցած են մասնիկներ քու տաճարէդ, Վենետիկ, Փարիզ, Լոնդոն, Կոպէնհագ, պիտի վերաշինեն իրենց գողօնները, պիտի կազմեն սրբազան թափօրներ, քեզի բերելու համար իրենց ունեցած բեկորները, ըսելով. շնորհ՛ մեզ, աստուածուհի, գիշերուան չար ոգիներէն փրկելու համար էր

ատիկա:» Ու պիտի վերաշինեն քու որմերդ սրինգի ձայնով, քաւելու համար վատահամբաւ Լեզանդրի ոճիբը: Ապա անոնք պիտի երթան Ուպարտա՝ անիծելու հողը ուր եղաւ այդ մթին սխալանքներուն տիրուհին, եւ անարգելու զայն, որովհետեւ ոչ եւս է ան: Լիահաւատ քու վրադ՝ պիտի դիմադրեմ իմ ճակատագրական խորհրդատուներուս, իմ սկեպտիկութեանս՝ որ կասկածելի կը դարձնէ զիս ժողովուրդին, իմ մտատանջութեանս՝ որ երբ ճշմարիտը գտնուած է, դեռ որոնել կու տայ ինձ զայն, իմ քմայքիս՝ որ երբ բանականութեան ձայնը հնչած է ալ, կ'արգիլէ ինձ հանդստանալէն: Ո՛ր Արքէզեա, իտէ՛ալ զոր հանճարի մարդը կը մարմնացնէ իր գլուխ դործոցներուն մէջ, ես կը նախընտրեմ վերջինն ըլլալ տանդ մէջ քան առաջինը՝ այլուր: Այո, ես պիտի կառչիմ տաճարիդ պատուանդանին, պիտի մոռնամ քու կիներդ դուրս ամէն կարգապահութիւն. սիւնակեացը պիտի ըլլամ քու կոթողներուդ, քու քովթարդ խցիկս պիտի ըլլայ: Ու, աւելի դժուարը, քեզի համար, պիտի ըլլամ, եթէ կարենամ, աններող, միակողմանի, միայն քե՛զ պիտի սիրեմ: Կ'ուզեմ սովորիլ քու բարբառդ ու մոռնալ մնացեալը: Անիրաւ պիտի ըլլամ անոնց նկատմամբ որ չեն հպիր քեզ, ծառան պիտի դառնամ զաւակներուդ յետինին: Արդի բնակիչները երկրին զոր դո՛ւն տուիր Երեքթէի, պիտի փառաւորեմ, պիտի փայփայեմ ես: Սիրել պիտի փորձեմ մինչեւ իրենց թերութիւնները, պիտի համոզեմ ինքզինքս, ո՛վ Հիպպիա, որ ձիաւորներէ սերած են անոնք որ կը ածեն՝ բարձր ծոփորիդ՝ մարմարին վրայ՝ իրենց յաւիտենական տօնը: Պիտի փրցնեմ սրտէս բոլոր լարերը, որոնք բանականութիւն ու հարազատ արուեստ չեն: Սիրելէ պիտի դադրիմ հիւանդութիւններս, ու հնքզինքէս

ախորժելէ՝ տենդի վայրկեանիս: Ո՛ւժ տուր իմ ան-  
յողողող որոշումիս, ո՛վ Փրկիչ, ազատէ՛ զիս, ո՛վ  
դուն, որ կը փրկես:

Ի՛նչ գեթաբուժիչներ, արդարեւ, կը նախատե-  
սեմ ես. մտքի ի՛նչ սովորութիւններ ունիմ փոփո-  
խելիք. հմայիչ որքան յիշատակներ պէտք է պոկեմ  
սրտէս: Պիտի փորձեմ, բայց ապահով չեմ: Քեզ ուշ  
ճանչցայ, կատարեալ գեղեցկութիւն: Կարօտներ ու  
տկարութիւններ պիտի ունենամ: Փիլիսոփայութիւն  
մը. թիւր անտարակոյս, մղեց զիս հաւատալու որ,  
բարին ու չարը, հաճոյքն ու վիշտերը, գեղեցիկն ու  
տգեղը, բանականութիւնն ու յիմարութիւնը կը ձեւա-  
փոխուին իրարու մէջ այնքան աննշմարելի երանգ-  
ներով, որքան երանգները աղաւնիի մը վզին: Ոչինչ  
չսիրել, չատել ոչինչ բացարձակապէս, իմաստութիւն  
մըն է ուրեմն: Եթէ ընկերութիւն մը, եթէ փիլիսո-  
փայութիւն մը, եթէ կրօնք մը կարենար ունենալ  
բացարձակ ճշմարտութիւն մը, այդ ընկերութիւնը,  
այդ փիլիսոփայութիւնը, այդ կրօնքը պիտի յաղթած  
ըլլար միւսներուն ու հիմա առանձին պիտի ապրէր:

Բոլոր անոնք որ ցարդ իրաւունք ունենալ կար-  
ծեցին՝ սխալեցան, պայծառօրէն կը տեսնենք ատիկա:  
Կրնանք առանց յիմար անձնապատանութեան հա-  
ւատալ որ ապագան մեզ պիտի չդատէ, ինչպէս կը  
դատենք մենք անցեալը: Ահաւասիկ սրբապղծութիւն-  
ներ որ կը թելադրեն ինձ իմ խորապէս խաթար-  
ուած միտքս: Գրականութիւն մը որ քուկինիդ նը-  
ման պիտի ըլլար առողջ, ամէն կերպով ձանձրոյթ  
միայն պիտի առթէր հիմա:

Կը ծիծաղիս պարզամտութեանս վրայ: Այո,  
ձանձրոյթ... Ապականած ենք, ի՛նչ ընել: Աւելի ա-  
ռաջ պիտի երթամ, աստուածուհիդ ուղղափառ, ու  
ըսեմ քեզի սրտիս մտերիմ ապականութիւնը: Չեն

բաւեր բանականութիւնն ու ողջմտութիւնը. բանաս-  
տեզմութիւն կայ սառուցատատ Սարիմոնին եւ Թը-  
րակիոյ գինովութեանը մէջ: Դարեր պիտի գան, երբ  
աշակերտներդ պիտի համարուին ձանձրոյթի աշակերտ-  
ներ: Աշխարհը աւելի մեծ է քան կը կարծես դուն: Եթէ  
տեսած ըլլայիր բեւեռի ձիւներն ու հարաւի երկնքին  
խորհուրդները, ո՛վ աստուածուհիդ միշտ խաղաղ, ճա-  
կատդ այնքան պայծառ պիտի չըլլար. գլուխդ, աւելի  
լայն, այլատեսակ գեղեցկութիւններ պիտի ընդգրկէր:

Ճշմարիտ ես դուն, կատարեալ ու անկեղծ, քու  
մարմարինդ ոչ մէկ բիծ ունի, բայց Սուրբ Սոփիայի  
տաճարը, որ Բիւզանդիոն կը գտնուէ, նոյնպէս լառաջ  
կը բերէ աստուածային տպաւորութիւն մը իր աղիւս-  
ներով ու գաճերով: Երկնակամարի պատկերն է ան:  
Պիտի խորտակուի. բայց եթէ քու գաւիթդ պէտք էր  
ըլլար ամբողջ մը պարփակելու չափ լայն, պիտի խոր-  
տակուէր ան ալ:

Մոռացումի անսահման գետ մը կը քաշէ կը տա-  
նի մեզ անանուն խորխորատի մը գիրկը: Ո՛ ան-  
դունդ, դուն ես միայն Աստուածը: Բոլոր ժողովուրդ-  
ներու արցունքները ճշմարիտ արցունքներ են: Բոլոր  
իմաստուններու երազանքները ճշմարտութեան մաս  
մը կը պարփակեն: Այս աշխարհիս վրայ ամէն ինչ  
խորհուրդ է եւ երազ: Աստուածները կ'անցնին մար-  
դոց նման, ու լաւ պիտի չըլլար եթէ յաւիտենական  
ըլլային անոնք: Հաւատքը զոր ունենանք՝ երբեք չըղ-  
թայ մը ըլլալու չէ: Անոր հանդէպ իր պարտքը կա-  
տարած է մարդ, երբ խնամքով զրորած է զայն ծիրա-  
նի պատանքի մը մէջ ուր կը քնանան մեռած աս-  
տուածները:

ԵՐԵՆԵՍ ՌԸՆԱՆ

# ԱՆԳՈՐԾՈՒԹԻՒՆ



## I

Աւտու, գործաւորները երբ արհեստանոց կը հասնին, գործատեղին կը գտնեն ցուրտ ու մռայլ, աւերակի մը տրամութեան պէս: Մեծ սրահին խորը լռած է մեքենան. իր բարակ թեւերով աներեր անիւններով, քիչ մը աւելի մելամաղձոտութիւն կը դնէ հոն, ա՛ն որուն շունչն ու շարժումը առհասարակ կ'ոգեկորէ ամբողջ գործանոցը, աշխատանքի հանդէպ խիստ հսկայի մը տրոփիւնով:

Գործարանատէրը կ'իջնէ իր փոքրիկ գրասենեակը: Թախծոտ դէմքով մը ան իր բանւորներուն, կ'ըսէ.

— Տղա՛քս, այսօր գործ չկայ... Այլևս ապրսպրանքներ չեն ըլլար, ամէն կողմէ հակայանձնարարութիւններ կ'ստանամ: Ապրանքները ձեռքս՝ պիտի սպասեմ: Սեպտեմբեր այս ամիսը, որուն վրայ յոյս դրեր էի, կարևոր աշխատանքները այս ամիսը, կ'սպառնայ փճաչնել միւս տարիները, ամէնէն ապահով վաճառատունները... պէտք է ամէն աշխատանք կանգնեցնել:

Ու երբ անիկա կը տեսնէ որ գործաւորները իրարու երես կը նային տուն վերադառնալու և հետեւեալ օրուան անօթութեան վախով, աւելի ցած ձայնով ան կ'աւելցնէ.

— Ես անձնատէր չեմ, ո՛չ, կ'երդնում ձեզի... իմ կացութիւնս նոյնքան ահաւոր է, աւելի ահաւոր

թերևս, քան ձերինը: Ութը օրուան մէջ ես յիսուն հազար ֆրանք կորսնցուցի: Աշխատանքը այսօր կը դադարեցնեմ, վիհը աւելի չխորացնելու համար, ու ես ամսոյս 15-ի պայմանաժամին վճարելիք գումարիս առաջին սուերը դեռ չունիմ... Տեսէ՛ք, ես կը խօսիմ ձեզի, որպէս բարեկամի. ձեզմէ՛ ոչինչ չեմ պահեր: Դատարանի վճիռը գործադրող պաշտօնեաները վաղը հաւանօրէն հոս ըլլան պիտի: Յանցանքը մերը չէ, այնպէս չէ: Մենք մինչև վերջ պայքարեցանք: Այս տաքնապալի պահերը անցընելու համար պիտի ուզէի օգնել ձեզի, բայց ա՛յլ լմնցաւ, զգետնուած եմ, այլևս բաժնելիք հաց չունիմ:

Եւ ահա գործատէրը կը մեկնէ անոնց իր ձեռքը: Բանւորները լուռ կը սեղմեն անոր ձեռքը: Ու մի քանի րոպէ անոնք հոն կը մնան, բուռնցքնին սեղմած՝ դիտելով իրենց անշահ գործիքները: Ուրիշ առաւօտներ, սկսած արեւածագէն, խարտոցները կ'երգէին, մուրճերը կը լսեցնէին հարուածներու կշռոյթը, իսկ այդ բոլորը արդէն քնանալ կը թուին սնանկութեան փոշիին մէջ Յաջորդ շարժու քսան-երեսուն ընտանիքներ ուտելիք պիտի չունենան: Գործարանին մէջ աշխատող մի քանի կիներ՝ իրենց աչքերուն ծայրը արցունքեր ունին: Այրերը կ'ուզեն աւելի կտրիճ երևիլ: Անոնք կ'ըսեն թէ անօթութենէ մարդ չի մեռնիր Փարիզի մէջ:

Ու երբ գործատէրը կը հեռանայ անոնց քովէն, ու անոնք անոր մեկնիլը կը տեսնեն, ութը օրուայ հնհնուքին ներքե կ'ըսած՝ խորտակուած գուցէ աւելի մեծ դժբախտութենէ մը զոր անիկա չի խոստովանիր, մէկիկ մէկիկ կը հեռանան անոնք, սրահին մէջ շունչահեղձ, կոկորդնին սեղմուած, ցուրտը կուրծքերնուն

տակ, որպէս թէ մեռելի մը սենեակէն դուրս կ'ելլէին: Մահը, աշխատանքն էր, որուն կմախքը չարագուշակը է խաւարին մէջ:

II

Գործաւորը դուրսն է, փողոցին մէջ, սալայտտակին վրայ: Ան մայթերը անընդհատ երեք շարաթ կոխկռտեց, առանց գործ գտնելու: Դռնէ դուռ գնաց իր բազուկները, իր ձեռքերը, ամբողջ էութիւնը տրամադրելու փոյթ չէ ինչ գործի, ըլլայ ամենէն ծանրը, ամենէն մահացնող: Բոլոր դուռները մնացին փակ:

Այն ատեն գործաւորը տրամադիր եղաւ կէս գնով աշխատելու: Դուռները փակ մնացին վերստին: Եթէ առանց դրամի ալ աշխատէր՝ նորէն պիտի չպահէին զինք: Ասիկա անգործութիւնն է, ահաւոր անգործութիւն, որ մանաստներու մահազանգը կը հնչէ: Պանթիկան կասեցուցէր է ամբողջ ճարտարարուեստը, ու դրամը, անարգ դրամը պահուեր է:

Ութ օր վերջ, ալ լմնցած էր: Գործաւորը իր գերագոյն փորձը կ'ընէ, ու ձեռնուռնայն, թշուառութենէ յոգնարեկ՝ դանդաղօրէն տուն կը վերադառնայ: Անձրե կը տեղայ: Այդ իրիկուն, Փարիզը թաղմանական բան մը ունի ցեխին մէջ: Կը քայլէ մարդը անձրեի տարափին տակ, առանց անոր տեղալը զգայու, իր անօթի ըլլալը առանց իմանալու՝ ան կանգ կ'առնէ քիչ մը ուշ տուն դառնալու համար: Կը ծռի Աէնի մէկ պատուարին եզերքն ի վար, բարձրացած ջուրերը մեծ աղմուկով մը կը վազեն, կամուրջին կամարակալին մօտ փրփուրներու սպիտակ ցայտումները

կը ձեղքուին: Ան ալ աւելի կը ծռի, ջուրին վիթխարի հոսանքը կ'անցնի իր ներքեւէն, կատաղի կոշ մը արծակելով իրեն: Ան ինքնիրեն կ'ըսէ. վատաստութիւն պիտի ըլլար ատիկա, ու կը հեռանայ:

Անձրեւը դադրած է: Լոյսը կը բոցավառի գոհարավաճառներու ցուցափեղկին մէջ: Եթէ ապակի մը խորտակելու ըլլար, ան մէկ ափով տարիներու իր հացը պիտի կորզէր: Ծաշարաններու խոհանոցները կը լուսավառին, և սպիտակ մարմաշներու ետեւը, ան ճաշողներ կը նշմարէ: Կ'արագացնէ իր քայլերը. արուարձան կը բարձրանայ, երկայնքն ի վեր խորովարաններու երչիկավաճառներու, ծաղարաններու, շատակեր ամբողջ Փարիզին որ ինքզինքը կը ցուցադրէ անօթութեան պահերուն:

Աստուան երբ կինն ու աղջիկը կուլային, գիշերը հաց բերել խոտսացաւ: Մութը կոխելէն առաջ չհամարձակեցաւ զայ անոնց բսելու թէ ստած էր: Քայսած ատեն ինքիրեն հարց կուտայ թէ ինչպէս պիտի յայտնէ իր պատմելիքը, որպէսզի համբերութիւննին չհասնի:

Սակայն և այնպէս ան առանց ճաշելու չի կրնար երկար ատեն սպասել: Ինք, սիրով պիտի փորձէր, բայց կինն ու փոքրիկը իխտ տկար են:

Ու, վայրկեան մը, մուրալու գաղափարը կ'ուռնենայ: Բայց երբ իր քովէն տիկին մը կամ պարոն մը կ'անցնի, ու անիկա կը մտածէ ձեռք երկարել, բազուկը կը կարկամի, կոկորդը կը սեղմուի: Ան ցցուած կը մնայ մայթին վրայ, մինչ բարեկիրթ մարդիկ իր քաղցէն դատան ղէմքը դիտելով զայն հարցած կը կարծեն ու կը շեղին ձամբէն:

Փոքրիկը վերը քնացած ձգելով՝ գործաւորին կի-

նը իջած է վար դրան սեփին վրայ: Անիկա բոլորովին նիհար է, կը կրէ պատառէ չըջագգեստ մը: Փողսցին սառ քամիին մէջ ան կը դողդողայ:

Բնակարանին մէջ սչինչ չունի, ամէն ինչ դրաւատուն տարած է: Առանց աշխատելու ութ օր կը բաւէ տունը դատարկելու: Նախընթած օրը, անիկա հնաւաճառի մը ծախսեց իր խշտեակին վերջին բուռ մը բուրդը, և այսպէս խշտեակն ալ գնաց, ու հիմայ կը մնայ միայն կտաւը: Չայն կախած է պատուհանին առջևը՝ օդին մուտքը արգելելու համար, որովհետեւ փոքրիկը շատ կը հազայ:

Ամուսնին առանց բան մը ըսելու ինք ևս փրճուռեց ճար մը: Բայց անդործութիւնը այրերէն աւելի կիները հարուածեց: Իր դաւիթին մէջ, գժբախտ կիներ կան որոնց հեծկտուքը կը լսէ ամբողջ գիշերը: Մայթի մը անկիւնը անիկա հանդիպեցաւ անոնցմէ մէկուն՝ ուրիշ մը մեռաւ, երրորդ մը անհետացաւ:

Ինք բարեբախտարար, այր մը ունի, ամուսին մը, որ չի խմեր: Հանդիստ պիտի ըլլային եթէ անգործութեան օրերը զիրենք ամէն ինչէ չմերկացնէին:

Ան ունեցած վարկերը ապանեց, պարտք ունի հազադործին, նպարտվածառին մրգավաճառին, ու ալ չհամարձակակիր անցնիլ խանութներուն առջևէն: Կէս օրէն վերջ քսան սուր փոխ առնելու համար իր քրոջը քով գնաց, բայց հոն ևս գտաւ այնպիսի թշուառութիւնը մը որ սկսաւ, արտաստելի: Առանց բան մը ըսելու՝ ու երկուքն ալ, ինքը և քոյրը, միասին երար ժամանակ լացին: Մեկնած ատեն, խոստացաւ կտոր մը հաց տանիլ իրենց, եթէ ամուսինը բան մը բերած տուն վերադառնար:

Ամուսինը չի վերդառնար: Անձրեւը կը տեղայ, բայց անիկա դրան տակը կը պատսպարուի, անձրեւի մեծ կայլակներ կը շքթեն իր ոտքերուն ներքեւ: Զրափոշի մը կը թափանցէ իր բարակ չըջագգեստէն ներս: Մերթ համբերութիւնը կ'սպառի, դուրս կ'ելլէ, հակառակ անձրեւի տարափին կ'երթայ մինչև փողոցին ծայրը, տեսնելու համար թէ չի նշմարեր արդեօք հեռուէն ճամբուն վրայ ան զոր կ'սպասէ: Ու երբ կը վերադառնայ, թրջուած է, ձեռքերը կ'անցնէ իր մագերուն, զանոնք չորցնելու համար, վերստին կը համբերեանդի կարճ սարսուռներէ զնցուած:

Անցորդներու երթեւեկը կը մշտէ զինք: Բոլորովին կը կծկուի ոչ ոք չանհանգստացնելու համար: Մարդիկ կը նային իր երեսն ի վեր, ու ան կ'զգայ ատեն ատեն տաք շունչեր որ իր վիզին կը հպին: Ամբողջ կասկածելի Փարիզը, փողոցը իր ցեխով, իր դժնդակ պայծառութեամբ, կառքերու թաւայուժով, կարծես կ'ուզեն զինքը բռնել նետել գետին մէջ: Անօթի է. ան ամենուն կը պատկանի: Իմացը հացագործ մը կայ. կը մտածէ փոքրիկին, որ վերը կը քնանայ: Ապա, երբ ամուսինը վերջապէս կը տեսնուի, ստուերի մը նման տուներու երկայնքն ի վար քալելով, ան կը խոյանայ, կը դիտէ զայն անձկութեամբ — է՛ նայինք, կը կակաղէ:

Այրը, չի պատասխաներ, գլուխը կը ծռէ: Այն ատեն, առաջ ինք կը բաձրանայ վեր, գունատ մեռելի մը նման:

Վերը, փոքրիկը չի քնանար: Ան արթնցած է, կը մտածէ, սեղանին մէկ անկիւնը պլպլացող աշտակին վերջին վնացորդին գիմաց: Ու չես գիտեր ինչ նրէշային և սրտածմրիկ բան կ'անցնի խամբած դժբրով

և հասունցած կանացի լուրջ երեւոյթով այս եօթը տա-  
րու աղջկան դէմքին վրայ:

Ան նստած է սնտուկին եզերքը որ իրեն անկողին  
կը ծառայէ: Իր մերկ ոտքերը կը կախուին դողդողուն.  
հիւանդկախ իր պուպրիկի ձեռքերը դէպի կուրծքը կը  
տանին զինք ծածկող քուրջերը: Հոն, այրուցք մը  
կ'զգայ ան, կրակ մը զոր պիտի ուզէր մարել: Անիկա  
կ'երազէ:

Ան ընաւ խաղալիկ ունեցած չէ. դպրոց երթալ չի  
կրնար, որովհետեւ կօշիկ չունի: Երբ աւելի փոքրիկ  
էր, կը յիշէ որ մայրը զինք արեւը կը հանէր: Բայց  
ասիկա շատոնց է: Հարկ եղաւ տունէն փոխադրուիլ  
ու այդ օրէն ի վեր, իրեն կը թուի թէ սաստիկ ցուրտ  
մը փշած է տանը մէջ, և ահա անիկա այլեւս գո՛հ չէ.  
շարունակ անօթի է:

Ասիկա անյատակ բան մըն է որուն մէջ ան  
կ'իջնէ, առանց զայն կ'արենալ հասկնալու: Ուրեմն  
բոլոր մարդիկ եւս անօթի են: Եւ սակայն ան ջանաց  
ատոր վարժուիլ, ու չկարողացաւ: կը խորհի թէ  
չատ փոքր է, թէ պէտք է մեծնայ հասկնալու համար:  
Իր մայրիկը գիտէ ան կասկած այդ բանը զոր աղոցմէ  
կը պահեն: Եթէ համարձակելու ըլլար, անոր պիտի  
հարցնէր ո՞վ այսպէս ձեզ աշխարհ կը բերէ որ դուք ա-  
նօթի մ'նաք:

Եւ յետոյ, իրենց տունը որքան տգեղ է: Ան կը  
դիտէ պատուհանը ուր խշտեակին կտաւը կը շարժակի.  
մերկ վնասուած պատերը, ձեղնայարկի այս ամօթըզոր  
անգործութիւնը իր յուսահատութեամբ կ'ազարտէ: Իր  
անգիտութեան մէջ, ան կը կարծէ երազած ըլլալ  
ողշողաղող առարկաներով լի գաղջ սենեակ մը, ան  
իր աչքերը կը փակէ վերստին ասիկա տեսնելու համար:

և, իր նրբացած արտեւանունքներուն ընդմէջէն, աշ-  
տանակին նշույլը կը դառնայ սոկեգոյն մեծ շողշողում  
մը որուն մէջ պիտի ուզէր մտնել: Բայց քամին կը  
փչէ, պատուհանէն այնպիսի օդի հոսանք մը կուզայ որ  
ան հազի նոպայի մը բռնուած է: Անոր աչուըները  
արցունքներով լեցուն են:

Ատենօք կը վախնար երբ զինքը մինակ կը ձգէին.  
հիմա, փոյթն իսկ չէ: Որովհետեւ նախընթաց օրուընէ  
ի վեր ճաշած չեն՝ ան կը մտածէ որ մայրիկը վար է  
իջեր հաց փնտտելու: Եւ այս միտքը զինք կ'ուրախաց-  
նէ: Ու իր հացը բոլորովին մանր կտորներու վերածէ  
պիտի, կամաց կամաց զանոնք մաս առ մաս պիտի  
կտրէ: Ան պիտի խաղայ իր հացին հետ:

Մայրիկը վերադարձեր է, հայրը դուռը փակած է:  
Փոքրիկը շատ զարմացած կը դիտէ անոնց երկուքին  
այ ձեռքերը, և որովհետեւ անոնք ոչինչ չեն բեր,  
վայրկեան մը յետոյ, ան երգող եղանակով մը կը կըրկ-  
նէ:

— Անօթի եմ, անօթի եմ, Հայրը՝ գլուխը կ'առնէ իր  
ձեռքերուն մէջ, մութին մէջ ան իւն մը, ան կը  
մնայ խորտակուած, ուսերը լուսմոյն հեծկլտուքներով  
ցնցուած: Մայրը՝ իր արցունքները զսպած՝ կուզայ  
քնացնել փոքրիկը: Չայն կը ծածկէ ընակարանին մէջ  
գտնուող զգեստներով. կը յանձնարարէ խելացի ըլլալ  
և քնանալ: Բայց աղջնակը, որուն ախանքերը ցուրտէն  
կը կափկափեն, և որ կ'զգայ թէ կուրծքին կրակը զինք  
աւելի կ'այրէ, կը դառնայ աւելի համարձակ. կը կախ-  
ուի մօրը վրէջէն, ապա, մեղմօրէն կը հարցնէ.

— Ըսէ, մայրիկ, ինչո՞ւ համար անօթի եմք:

ԷՄԻԼ ԶՕԼԱ

Ճգնաւոր մը կ'ապրէր անտառին մէջ, առանց վայրի գազաններէն վախնալու: Ճգնաւորը և գազանները իրարու հետ կը խօսակցէին ու կը հասկնային զիրար:

Օր մը ճգնաւորը երկնցած էր ծառի մը տակ, ուր հաւաքուած էին նոյնպէս, գիշերելու համար, ագռաւ մը, աղաւնի մը, եղջերու մը և օձ մը: Աշխարհիս վրայ չարիքը ինչէն ծնած ըլլալու մասին կենդանիները ճառել սկսան:

Ագռաւը կ'ըսէր.

Չարիքը անօթութենէ յառաջ կուգայ: Երբ անօթի եղած ատենդ կը ճաշես, թառած ոստի մը վրայ և կոնչելով, ամէն ինչ ժպտուն կը թուի, բարի և զըւարթ, բայց միայն երկու օր անօթի կեցիր, և ահա այեւս սիրտ չես ունենար բնութիւնը դիտելու ու կ'զգաս, որ կը յուզուիս: տեղդ չես կրնար մնայ, բոպէ մը հանգիստ չունիս, միսի կտոր մը կ'երեւի ահա աչքիդ, ու աւելի վատը, առանց խորհելու վար կը նետես ինքզինքդ: Մարդիկ իզուր քեզ ճպտտի հարուածներ կը տեղան, կը քարկործեն, շուն ու կատու իզուր զարնել, յափշտակել կը ջանան, ղուն չես լքեր: Անօթութիւնը քանիներ այսպէս կ'սպաննէ մեզմէ: Ամբողջ չարիքը անօթութենէ առաջ չու գայ:

Աղաւնին կ'ըսէր.

— Իսկ իմ կարծիքով, չարիքը անօթութենէն չի ծնիր այլ սէրէն: Եթէ մենք առանձինն ապրէինք, այնքան պիտի չտառապէինք, կամ գոնէ առանձինն պիտի տառապէինք, մինչդեռ մենք զոյգ կ'ապրինք. ահա ընկերդ այնքան կը սիրես որ այլ հանգիստ չունիս ու միայն իր մասին կը մտածես: Արդեօք ան ճաշած

տաքութիւն ունի: Ու երբ ան քիչ մը կը հեռանայ իր բարեկամէն, ինքզինքը բոլորովին կորսուած կ'զգայ շարունակ կը խորհի թէ անգղ մը զայն տարած է թէ իան մարդոց ձեռքը անցած է: Ու կ'սկսի զայն փնտռել նք եւ: Կ'իյնայ տանջանքի մէջ, ըլլայ մազիլներուն մէջը անգղի մը, ըլլայ ցանցի մը վերտերուն խորը: Իսկ եթէ ընկերդ կորսուած է, այլ չես ճաշեր, այլ չես ըմպեր, միայն կը փնտռես ու կուլաս: Մեզմէ քանիներ կը մեռնին այսպէս:

Օձը կ'ըսէր,

— Ոչ, չարիքը անօթութենէ և սէրէն չէ որ կը առաջանայ, այլ չարակամութենէ: Եթէ մենք հանդարտ ապրէինք, եթէ կռիւ չփնտռէինք, այն ատեն ամէն ինչ լաւ պիտի ընթանար, մինչդեռ երբ քու կամքիդ հակառակ բան մը տեղի կ'ունենայ, կը դայրանաս և ամէն ինչ դատողութիւնդ կը խափանէ: ու միմիայն կը մտածես քու բարկութիւնդ թափելու մէկուն վրայ, և ահա խենդեցածի պէս կը ճչաս, կը գայարիս, և կը փնտռես մէկը խածելու: Այ ոչ ոքի համար գութ չունիս, կը խածնես հայրդ ու մայրդ, ինքզինքդ կ'ուտես, ու բարկութիւնդ կը դառնայ պատճառ կորուստիդ: Ամբողջ չարիքը հետեւանք է չարասրտութեան:

Եղջերուն կ'ըսէր,

— Ոչ, չարիքը ոչ չարասրտութեան, ոչ սիրով և ոչ այլ անօթութեան մէջ է, այլ վախի եթէ կարելի ըլլար չվախենայ, ամէն բան լաւ պիտի ընթանար: Եւ վաղելու համար մեր ոտքերը թեթեւաշարժ են, զօրեղ ենք մենք: Փոքրիկ կենդանիէ մը ինքզինքնիս կրնանք պաշտպանել եղջիւրի հարուածներով, իսկ մեծին առկաջապանել եղջիւրի հարուածներով, իսկ մեծին առջեւէն խոյս կու տանք, բայց չվախնայ կարելի բան չէ: Բաւական է որ ճիւղ մը ճարճատէ, անտառին մէջ ախ-

րեւ մը շարժի, և դուն կը գողգողաս յանկարծ սար-  
սափէդ սիրտդ կսկսի զարնել, կարծես հիմա կուրծքէդ  
դուրս պիտի պոսթկայ ան: Ուրիշ անգամ, ճազար  
մըն է կ'անցնի, թռչուն մըն է կը շարժէ իր թեւերը,  
կամ փոքրիկ ծղիկ մըն է որ գետինը կ'իյնայ, և արդէն  
ինքզինք հետապնտուած կ'զգաս գազանի մը կողմէ  
ու դէպի վտանգ կը դիմես: Երբեմն, շունէ մը խոյս  
տալու համար, կ'իյնաս որսորդին առջեւ, երբեմն սար-  
սափահար, կը վազես չգիտես ուր. ստուամ մը կը կա-  
տարես, կը գլորիս անդունդի մը մէջ ուր մահը կը գրտ-  
նես: Մէկ աչքդ բաց կը քնանաս, միշդ արթուն  
միշտ լեզուպատառ: Երբեք խաղաղութիւն: Չարիքի աւ-  
րողջ պատճառը վախին մէջն է:

Այն ատեն ճգնաւորը ըսաւ.

— Ոչ անօթութենէ, ոչ սէրէ, ոչ չարակամութենէ, ոչ  
վախէ յառաջանան մեր դժբախտութիւնները այլ մեր  
կազմուածքէն իսկ, որովհետեւ ան է որ ծնունդ կու-  
տայն և անօթութեան, ե՛ւ սիրոյ, ե՛ւ չարակամութեան  
ե՛ւ վախին:

ԼԷՕՆ ԹՈՒՍԹՈՅ

## ԴՆԻԱՃԱՆԸ

Նուագախումբը շուտով պիտի սկսի «Նուն-  
գարական Ռարոտին»: Վերջին չափերուն մէջ, ներ-  
դաշնակութիւն մը կայ, կը յիշե՞ս... ան կը տիրապե-  
տէ սրճարանի ամբողջ աղմուկին... է՛, այսպէս, միշտ  
այդ նուագին ժամանակ գրպանէ մը ատրճանակի  
հարուած մը պիտի արձակուի, կտաւին ընդմէջէն,  
և թշուառ մը պիտի տապալի... Ա՛, այո՛ թշուառ մը:  
... Երբեք վճիռի մը գործադրութիւնը աւելի արգար-  
եղած պիտի չըլլար...

Վայելչաձեւ խարտիչունէին խոչոր վճիտ աչուընե-  
րով, ցած ու դողդողացող ձայնով մը այսպէս կը խո-  
սէր իր մօտ նստած բարեկամուհիի մը, յոգնախուսն  
այս սրճարանին մէջ, ուր ամէն գիշեր երաժշտական  
ընտիր կտորներ կը նուագէին: Մոյթ մը կը բաժնէր  
երկու կիները շէկ պիտերով անձէ մը որ սեղանի մը  
առջեւ առտնձին նստած էր, և որ կարծես դէպի խար-  
տիչունէին հակած էր զայն լսելու համար... Ա՛, ան  
չէր կրնար լսել... Եւ վճիտ աչուըներով կիներ շարու-  
կեց...

— 1917 Գեկտեմբերին, Սաքսոնիոյ մէջ  
եօթը ֆրանսացի բանտարկեալներ կը պատրաստուէին  
խոյս տալ Գերման վրիժառութենէ: Ուրիշ բանաար-  
կեալ մը՝ Ռուի անունով, գուշակեց անոնց ծրագիրը.  
զանոնք մատնեց անամօթարար, իրրեւ վարձատրու-  
թիւն սովորական բանակատեղի մը վերադառնա-  
լու համար... Այս դժբախտներէն շատերը սպանուե-  
ցան պահակներու կողմէ: Ոմանք ենթարկուեցան անու-  
շոք պատիժներու և իրական տանջանքներու, որոնց

ազդեցութեան տակ մին մեռաւ, միւսները ինքզինք-  
նին չկրցան երբեք գտնել: Ու անոնք երգուընդան  
անձամբ լուծել իրենց ընկերներուն վրէժը: Բայց Ռու-  
ին աներեւութացի էր: Չինադադարէն ի վեր ի զուր  
կը փնտոէին զայն: Եւ ահա դտան անոր հետքը:  
Այստեղ է ան, հոս, այս սրճարանին մէջ... Այո, այս  
վայրկեանիս: Ինքն է որ պէտք է սպաննուի... Հոչա-  
կաւոր նուազը պիտի խեղդէ թնդիւնը...

Քանի մը վայրկեան վերջ, երաժշտապետը ճիւղ-  
տով զարկաւ իր գրակալին: Սրճարանին խառնաշփոթ  
ձայները պակսեցան: Երաժշտապետին ձեռքը յամրո-  
րէն վար իջաւ... Լարերէն գրեթէ երկնային մրմունջ  
մը բարձրացաւ... աղմկայարոյց, անդամատուած  
Ռաբսոնիսն չէր ասիկա զոր նուազախուսմը կ'սկսէր, այլ  
Պերլիոցի օգնանոյններու թեթեւ պալէտը, որ նուրբ  
թելը կը հիւսէ հաստատուն բիանիսիսօնի մը վրայ...

Շէկ պեխերով մարդը լսած ըլլալու չէր անխոհեմ  
խօսքերը իր գեղանի մերձաւորուհիին, որովհետեւ  
զարմանքի ոչ մէկ նշան զոյց տուաւ: Քիչ վերջ, վճա-  
րեց իր խմածին դրամը, ոտքի ելաւ և հանդարտօրէն  
մեկնեցաւ...

Ամայացած շէնքի մը առջեւ, Նէօլի խորը, ուր  
ան կը բնակէր, երբ վար իջաւ, բարակ անձրեւ մը կը  
գծէր գիշերուան ստուերը: Խոր լուծիւն մը կը տի-  
րէր, ինչպէս կ'ըլլայ գաւառներու մէջ: Նոյնիսկ չա-  
րագուշակ...

Մարդը անցաւ նախասենեակէն, մտաւ իր սշ-  
խատանոցը, բացաւ ելեկտրական լոյսը, — ու սարսա-  
փի ոտտում մը...

Սպանալից երեք մարդիկ կը դիտէին զինք:  
Մին ձեռքին մէջ բռնած էր երկար կապոյտ փողով  
ատրճանակ մը: Երկրորդը փակեց դուռը և հոն կեցաւ

պատին կրթնած: Մածկոցը զիրքերով, թուղթերով և  
վաւերադրերով ծածկուած էր, յայտնապէս ամէն կողմ  
աճապարանքով խառնուած ըլլայ կը թուէր:

— Ի՞նչ կ'ընէք հոս... աղաղակեց մարդը:

— Քեզի կ'սպասէինք Ռուի...

— Ռուի... իմ անունս Մարսէլ Տիւչէմէն է...

— Դուք ինքզինքդ Մարսէլ Տիւչէմէն անուա-  
նել տուած ես, բայց Ռուին ես դու... Հոն Գերմա-  
նացիք թուղթեր հայթայթեցին քեզ:

— Ի՞նչ կը նշանակէ այս պատմութիւնը... Գեր-  
մանացիք... Ե՛րբ... Նախ ո՞վ էք դուք: Ես ձեզ տե-  
սած չեմ բնաւ:

— Ճիշտ է... Այն չորսէն որ Գերմանիայէն փա-  
խուստ առելն՝ մէկը միայն քեզ անձնապէս կը ճանչ-  
նար, կը յիշէր դէմքդ: Պուրրիատն էր ան: Եւ Պուր-  
րիատ փոխադրուեցաւ Չուիցերիա ապաքինարան մը,  
ուր փորձեց ինքզինքը դարձանել՝ բայց մեռաւ կարճ  
ժամանակէն... Ո՛ր, ասիկա կը սրտապնդէ քեզ...

Բայց քիչ առաջ, Գաֆէ Լիրիքի մէջ մատնեցիր ինք-  
զինքդ, մեզմէ երկու կիներ քու մօտդ դիտմամբ,  
պատմեցին յերիւրածոյ մը, որուն բոլորովին հաւա-  
տացիր: Ատոր վրայ երաժշտապետին հինգ ոսկի զրկե-  
կեցիր որպէզի «Հունգարական Ռարսոտի»ն չնուագէ,  
յետոյ այնքան դեղնեցար և պեխերդ այնքան սեցաւ  
որ... ի զուր կը ժխտես... նշմարեցին քեզ...

— Պատահմամբ կը լսէի անհաւանական մահ-  
ուան մը մասին յայտարարութիւն մը, անհրաժեշտ  
եղածը ըրի զայն արգիլելու համար... Պատուաւոր  
մարդու իմ պարտականութիւնս էր... Անունս Մար-  
սէլ Տիւչէմէն է և ոչ թէ Ռուի, դուրս ելէք տու-  
նէս...

Դուրս ելլել... կը զուարճանաս... լսէ Պուրրիաս

մեռած չէ... մենք իր մահուան տարածայնու-  
թիւնը ըրինք, որպէս զի դուն չկասկածիր: Բայց ան  
միշտ կ'ապրի. Հեռաձայնով լուր տուինք իրեն, հինգ  
վայրկեանէն այտեղ պիտի ըլլայ: Եթէ ճանչնայ քեզ  
անմիջապէս հաշիւը պիտի տեսնուի այս ատրճանակով  
... քու ատրճանակովը, լուրջ գէնք մը որ պիտի զող-  
ջաս սենեակիդ մէջ ձգած ըլլալուդ համար...

— Կաւ կ'սպասեմ: Քանի որ Պուրրիատ կը ճանչ-  
նայ անձը որուն տեղը կը դնէք զիս, պիտի տես-  
նէք ձեր սխարմունքին ապագոյցը...

Ան նստաւ, խաչածեւեց սրունքները և ստնօրէն  
ծխածոտ մը վառեց: Անձրեւը կը վազէր պատուհան-  
ներէն... Ոչ ոք չէր շարժեր... Անդոնալից լուսթիւն  
մը կը տիրէր սենեակին մէջ...

Յանկարծ, դրան ուռնակը ահագնազոյրդ թըն-  
դաց:

Ահաւանիկ Պուրրիատը... ըսաւ ան, որ նա-  
խապէս խօսած էր.

Եւ ատրճանակը սեղանի մը վրայ դնելով, ուղ-  
ղուեցաւ դրան կողմը, ուր կը նայէին միւսները եւս:

Բայց չէկ պելներով մեղադրեալը ոստում մը ը-  
րաւ դէպի սեղանը: Խից գէնքը, և ուղղելով երեք  
մարդերուն, կատաղութեամբ և յողթական, պոռայ

— Վէ՛ր ձեռքերը, թէ ոչ կը կրակեմ... Այո՛,  
Ռուին եմ ես, Ռուին դոր մատնանշեցիք... բայց չէք  
կրնար հաստատել ատիկա, ոչ դուք, ոչ այ ուրիշ մէ-  
կը... Անմիտներ... Ես ձեզմէ աւելի զօրաւոր եմ...  
Կ'սպաննեմ առաջին շարժողը... Հիմա պիտի հեռախօ-  
սեմ և բանտարկել պիտի տամ ձեզ իրրեւ գող: Ու  
յետոյ...

Երեք մարդիկը ատկութեամբ լեցուն՝ խոյացան  
անոր վրայ:

— Օն, կրակէ՛... մենք պարպած ենք ատրճա-  
նակը... Իսկ դուռը զարնողը Պուրրիատը չէ, այլ սըր-  
ճ արանի մեր բարեկամներէն մէկը: Խեղճ Պուրրիատը  
մեռած է... քու պատճառովը, իրեն հանդէպ բռնած  
յոռի ընթացքիդ հետեւանքով: Կարչելի՛...

Նուագախումբին հանդէպ քու կեցողածքդ վար-  
կած մըն էր լսի թուղթերուդ մէջ ամենափոքրիկ ա-  
պացոյց մը իսկ չկար... Եթէ չշարժէիր, ձգէինք քեզ  
ու պիտի հեռանայինք, որովհետեւ ոճրագործներ չենք  
մենք... Բայց դուն խոստովանեցար... վերջապէս...  
Այժմ կարգի պիտի բերենք բնակարանդ, յետոյ...

... Յաջորդ օրը մամուլը կը հրատարակէր հե-  
տեւեալ դէպքը.

« Պ. Մարսելի Տիւրեմեն, Նեոլի Շարլը — Լաֆիթ  
փողոցէն, ասեմանակ մը ձեռք մետած գտնուեցաւ իր  
անկողինին մէջ: Անճնասպան: »

Յ. ԵՕՁԷՑ ՌԷՆՕ

### ԳԱՐՆԱՆ ԻՐԻԿՈՒՆԸ

Հագած իր թեթեւ վերարկուն, նէֆէլիս պճըն-  
ուած՝ կ'սպասէր դրան ետին:

Ծառերուն ետեւ մութը այնքան սաստիկ էր որ  
մարդ իր ձեռքը չէր տեսներ:

Միայն տերեւներուն բոյրը կը յայտնէր այս վեր-  
ջիններուն անձանօթ ներկայութիւնը: Հեռաւոր մար-  
դերը, թաքուն թռչունները, ծառերուն ճիւղերը, ամէն  
ամէն ինչ կը նիրհէին: Հողին լուսթիւնը անապակ  
էր ինչպէս սեւը ստուերին: Անշարժ՝ նէֆէլիս մատ-  
ները ծունկին ներքեւ միացուցած կը պահէր, դուռը  
ուղիղ:

Այն չէր ուզեր շարժիլ: Հրապուրելու ձեւակեր-  
պութեանց իր անվարժ կին, ան իր վերարկուն  
մէկ ծալքն իսկ չէր շարժեր, վախնալով կորսնցնել  
շարժումին պատճառով բոյրերը իր մարմնին:

Ու գիտնալով որ շատ կանուխ եկած է, գոհ  
համբերութեամբ հոն կ'սպասէր, յուսարբուն:

Գուրտէն մարդ մը մեղմօրէն դուռը, բախեց:

— Արդէն:

Կամացուկ, ան վերցուց ծանր նիզը և դարձուց  
դուռը իր իւղտած ծխնիներուն վրայ: Աւազինով այ  
ոտքի ձայն մը լսեց, բայց մթամած գիշերէն զատ  
ոչինչ տեսաւ:

— Զիս մի՛ փնտռեր, ցած ձայնով խօսեցաւ ան,  
ես հոն եմ: Առջեւէդ կը քայեմ, շուտ եկուր՝ կը վախ-  
ամ գերիներէն, չըլլայ որ մեզ լրտեսեն: Հետեւէ ին-  
ծի: Թաւուտքէն երբ գուրս ելլենք, շուքս քիչ մը պի-  
տի տեսնես:

Ան կը քայէր իր ոտքին ծայրերուն վրայ, իր

փոքրիկ սանդախները հաղիւ զետեղելով աւազին կամ  
խիճին վրայ: Ծիւղ մը, որուն թեթեւակիօրէն հպե-  
ցաւ, սարսափով լեցուց զինք, պատահածը գողունի  
շրշիւն մըն էր երկու խորունկ լուսթիւններու միջեւ,  
ըւ շարժող ծաղիկները թոթուեցին իրենց բոյրերը:

Նախ ինք եղաւ սենեակ մտնողը, վազեց մինչեւ  
խորշը, ուր դրած էր հողէ լամբարը, որուն լոյսը  
չչիջելու համար վար իջեցուցած էր, և ծածկած  
ամաթեղջիւրով. անմիջապէս որ քիչ մը լոյս ունեցաւ,  
ետին դարձաւ:

— Աստուած իմ, ան չէ:

Մարդը մինչեւ սենեակին մէջտեղը յառաջա-  
ցած էր: Նէֆէլիս դէպի պատը ընկրկեցաւ որուն ուժ-  
գնօրէն դպաւ իր կոնակը և իր ետին բռնած ձեռ-  
քերը լածեցան որմին դէմ:

— Ո՞վ ես դուն:

— Ես ան չեմ, ըսիր ատիկա: Բաւական չտեղե-  
կացար: Կայ ան, այնպէս չէ, և աշխարհիս մնա-  
ցորդը, ես, մնացորդն եմ, մարդկութիւնը, խուժանը,  
ան որ ցանկալի չէ:

Նէֆէլիս դրեթէ ուժաթափ՝ կը դիտէր զայն:  
Ոսկրուա, մօրուանի և թաւամազ մարդ մըն էր ա-  
նիկա, նիճարութենէն աւելի մօրուանի դարձած կար-  
ծես: Գուռը մազէ շինուած ըլլալ կը թուէր: Իր  
վերի կզակէն կը պակսէին չորս ատամներ, այնպէս որ  
մօրուքը կը խեղդէր պիւները և այս մանր պարագան  
զարհուրելի էր: Իր նեղ պարանոցը դուրս կ'ելլէր ազ-  
նիւ բարդէ շինուած բաւական ազտոտ և տարօրինակ  
զգեստաւով վերարկուէ մը: Իր ծունկերը իրանէն  
աւելի կարճ կը թուէին: Ան ոչ բարձրահասակ էր ոչ  
ալ կարճ, բայց գետնին վրայ դրուած ճրագը իր հասա-  
կը անասնման ստուերով մը կը կրկնապատկէ, որուն

կէտը պատը և մնացեալն ալ առաստաղը կը ծածկէր :  
Ան ուժգնօրէն իր բազուկները խաչաձեւեց խոս-  
թելով ձեռքերը անութներուն ներքեւ :

Օ, ըսաւ, անուշահոտ անկողինը, վարդերու  
շափրակներ, զով դինիի գաւ մը, մէկը կ'սպասուի,  
եթէ ես չեմ սպասուողը : Երբ ամուսինը կը կռուի, կի-  
նը կ'անառականայ... Օ, օ, ծաղկեալ պսակներ...

Բայց զմուսի բոյր մը կ'առնեմ որ նողկանք  
կ'ազդէ ինձ... Իսկ այս ճրագը սեւ ծուխ մը ունի...  
պոռնկութիւն կը բուրէ հոս, կը լսե՞ս զիս... Է՛յ, ձգէ  
չըջազգեստդ և արհեստդ կիրառէ : Ահաւասիկ տրախմի  
մը :

Սենեակին մէջէն արձակուած արծաթէ գրամը  
դպաւ նէֆէլիսի փորին : Ան ինքզինքը զսպեց աղաղակ  
մը արձակելու :

— Թշուառական, ըսաւ վտիտ ձայնով մը,  
դուն պիտի հասկնաս թէ ինչ կը նշանակէ այգպէս  
խօսիլը ինձի հետ : Այո՛, ամուսին մը ունիմ, ամու-  
սին մը և սիրահար մը, բայց պարտէզին դուռը  
բացուեցաւ, սիրականս հոն է :

Անցքին մէջէն կու գայ, կը մօտենայ եւ եթէ հոս  
գտնէ քեզ, պիտի սպաննէ որդի մը նման :

— Պիտի սպաննէ՞ զիս, ըսաւ օտարականը, ինչ  
փոյթ ատկա : Ես հարիւր տարիէ ի վեր մեռած եմ :  
Ես եգիպտոսի զմուսուած Փարաւոնն եմ :

Նէֆէլիս կամաց մը ձեռքը դէմքին տարաւ վա-  
խն պատճառած երկար ցուրտը զգալու համար :

— Կորսուած եմ, ըսաւ ան : Խենդ մըն է :

Մարդը անոր ղեղնիլը տեսնելով, շարունակեց .

— Մի, պոռար, գեղանի բարեկամուհիս, թէ ոչ  
քեզի ալ կ'սպաննեմ, և քեզի համար որ մեռած չես,

բոլորովին ուրիշ բան մը պիտի ըլլայ ասիկա քան դի-  
ակի մը՝ ինչպիսին ես եմ. դիտէ իմ մոմխայի մարմինս :  
Յեղակարծ շարժումով մը, ան քակեց բոլոր իր  
զգեստները, և մերկ կանգնեցաւ :

— Քիչ առաջ կ'ըսէիր թէ դուռը բացիր : Ատիկա  
անկարելի է :

Պարզունակը դրուած է : Պարտէզին անցքին մէջ  
ոչ ոք չկայ : կիրառէ արհեստդ, աղջիկս, տրախմի մը  
տաւի քեզի : Եւ մի պոռար, թէ չէ, Արամազդ վկայ  
կ'սպաննեմ քեզ անմիջապէս :

Մահը, նէֆէլիս գայն պատրաստ էր ընդունելու  
այդ վայրկեանին : Ատկէ սարսափելի կը գտնէր աւելի  
այն զոր յաւիտենական քնացողներուն մէջ կ'արթնցը-  
նէ կէթէի տեսիլքը... Բայց մահը այս մարդուն ձեռ-  
քով, օ՛, ասիկա ամենէն աւելի զարհուրելի է :

Ան չպոռար :

Իր էութեան ամբողջ ճիգովը, և յիշելով որ  
պէտք չէ հակառակիլ խելադարներուն, քանի մը խօս-  
քեր ըսաւ, հազիւ յօդաւորած իր չորցած և ցուրտ  
լեզուով :

— Այո՛, դուն եգիպտոսի արքան ես... մարմի-  
նրդ ծածկուած է կապերով... Բայց վայել չէ քեզ, տէր  
իմ, կանգ առնել աղտոտեցիկ քով... Կ'ուզե՞ս որ ցոյց  
տամ քեզ ճամբան... Ես սուղահիներդ, աւելի գեղեցիկ  
քան կիները, կ'երգեն պարտէզին դրան առջեւ :

Խենդը ցատքեց

— Արքայ արքայ : խենթ, արքայ, Ո՛վ ըսաւ որ  
ես արքայ եմ : Միթէ մարդու կը նմանիմ ես : Չե՞ս  
տեսնել որ Աստուած եմ ես եւ ինչպէ՞ս պիտի կարե-  
այի մտնել հոս, խեղճ յիմար կին, եթէ Աստուածը  
չըլլայի : Դուռը գոցուած է, ես քեզ ըսի, պարզունակ

կեռիքին մէջ է, ես դուռնէն չմտայ ներս, ես չողբա-  
ցումն եմ այս սեւ դաւին: Բագոսը, Բագոսը, Բագոսն

Ան իր գլխուն վրայ դրաւ վարդեպոսակը և սկը-  
ռաւ պարել մոլեգնութեամբ:

Նէֆէլիս անզգալիօրէն կը սողոսկէր պատին եր-  
կայնքէն, կը փորձէր հասնիլ հոն ուրկէ կրնար խու-  
սափիլ: Խենթը զինք չէր տեսներ այլեւս, կը դառնար  
դարձդարձիգ իր մոլեգնի պարին գլխովութեան մէջ  
թմրած: Բայց երբ ան կը ծռէր դէպի փականքը զգաց  
ոսկրուտ ձեւքի մը իր ուսին վրայ եջնելը: Առաջին  
անգամ ըլլալով ան կը դպէր իրեն: Նէֆէլիս կրկին  
թաւալեցաւ մինչեւ սենեակին խորը:

— Է՛, ըսաւ մարդը կանգ առնելով: Թաոմ մորթ  
ուշիս, աղջիկս: Ի՛նչպէս կ'ըլլայ որ չես մերկացած դեռ:  
Չգէ՛ վար շրջազգեստդ: Վճարեցի քեզ:

Ան յառաջացաւ դէպի տնոր կողմը: Նէֆէլիս ու-  
զեց խօսիլ, բայց իր զարհուրած շրթունքներէն ոչ  
մէկ բառ դուրս չելաւ: Խենթը իր մատներուն մէջ  
առաւ անոր հրաշալի կուրծքը և սեղմեց, կաթի մի  
քանի նրբին ցայտքեր տեղի ունեցան:

Ասոր վրայ ան գունատեցաւ: Իր ձայնը այլայ-  
լեցաւ և նմանեցաւ փոքրիկ տղու մը ձայնին:

— Մայրիկ, աղակեց ան, մայրիկ: Ինչո՞ւ հա-  
մար հարիւր տարիէ ի վեր զիս չես դիտեցներ: Ի՛նչ ը-  
րած եմ քեզ որ ստինքդ ուրիշի մը կու տաս, ուրիշի  
մը զոր կ'սպասես անկողնիդ մէջ վարդով և բոյրերով  
խնկաւէտուած: Արդեօք անոր համար որ ժողատ եմ  
ես և չես ուզեր զիս կերակրել: Մայրիկ, ինչո՞ւ հա-  
մար զիս լքած ես:

Ու, կաշկանդելով սարսափահար Նէֆէլիսի բա-

զուկները իր երկու ձեռքերով, սկսաւ ծարաւի նման  
ծծել անոր ստինքը:

Չարհուրանքի ոստում մը գրգռեց դեռատի կնոջ  
կուրծքը:

— Հրէ՛շ, զաւկիս համար է այս կաթը զոր կը  
խմես:

Անիկա ինքզինքը ազատեց և բռնեց մարդուն  
կոկորդէն, բայց բոպէի մը մէջ զսպուեցաւ:

— Է՛յ, է՛յ, ըսաւ խենթը: Քեզ նախապէս իմա-  
ցուցի որ կարելի չէ սպաննել մեռեալ մը: Ընդհակա-  
ռակը շուտով պիտի տեսնես ինչ դիւրին բան է ողջ  
կին մը սպաննելը... Հա՛, հա՛: Ո՛չ, մի՛ պոռար: Քեզ  
բնաւ պիտի չսպաննեմ: Խաղ մը, տօնակատարու-  
թիւն մըն է առիկա: Տո՛ւր ինձ վարսակալդ:

Արդարեւ, ան կորզեց երկար մազերուն վարսա-  
կալը որ լուռ գետինը ինկաւ, և Նէֆէլիսի երկու դաս-  
տակները առջեւէն սեղմելով ուժգնօրէն մէջքին վրայ  
պարսպնդեց զանոնք:

Իեռատի կինը կը շաչէր իր ատամները: Անգամ  
մը եւս ան պիտի ուզէր պոռալ, բայց վերջին յոյս մը  
զօրավիզ կը դառնար իրեն... պարտէզին դուռը լաւ  
զոցուած չէր... Ան, սիրականը, փրկիչը կրնար շու-  
տով գալ, անիկա պիտի փրկէր զինք: Ո՛ր, ինչպէս  
զայն կ'սպասէր: Յուսահատութեան ինչ պոռթկումի  
մէջ իր ցանկութեան ամբողջ ուժը զինք դէպի անոր  
կը մղէր:

Եւ սակայն խենթը քակած էր գօտին ուսին  
վրայ միացուցած արծաթէ խոպոպին: Չգեստը կը  
ճնչէր զինք: Իզո՞ւր, Նէֆէլիս ծուռկերը կը սեղմէր:  
Մարդը քաշեց անոր շրջազգեստը, ու մէջքէն բռնած.  
զայն հեռուէն նետեց անկողինին վրայ ուր ան ինկաւ  
հեծեծալով:

Բոյրերու յորձանք մը բարձրագաւ շարժող անկողինէն:

— Մ, զմուտի այս բոյրը, ըսաւ խենթը նորէն: Քու խցիկդ ապականած է, զուտորդ զուարճութեան: Հա՛, հեռացու՛ր զմուտը: Վա՛ր, վա՛ր... ես Պասմեղիկոսի տղան եմ՝ սրտի Արեգակին: Զմուտը Գիշերուան հոտն է: Ես Արքան եմ՝ յազթակիր: Գերագոյնը, Թագաւորը, Թագաւորը: Զմուտը աղտոտ բնակարաներու հոտն է... փարատէ զմուտը, դուտորդ Գիշերի: Հաթորի եղջիւրներով ու երախովն Պասիթի, անկցի՛, անկցի՛:

Ան կքեցաւ, գլուխը խորտակուած:

Նէֆէլիս, սենեակին միւս ծայրը կծկուած, աչքերը լայնօրէն բացած՝ կը դիտէր զայն:

Յաջորդեց մեծ անդորրութիւն մը: Մարդը լռած էր: Դուրսը, գիշերային միեւնոյն խաղաղութիւնը կը տարածուէր պարտէզի ամայութեան վրայ: Ան պիտի չգայ ուրեմն: Աստուած իմ, թերեւս ան եկած է, դուրը զարկած ու մեկնած... մեկնած... գաժան անդո՞նք, մը սեղմեց Նէֆէլիսի կուրծքը:

Իսկ խենդը ոտքի կազնած էր:

— Դուն գեղեցիկ ես, ըսաւ ան մեղծօրէն: Երբէ՛ն ի վեր իմ կինս ես գուն: Այդպէս չէիր այն օրերուն երբ թագաւոր էի ես: Քու սպիտակ մազերդ սեւցեր են... ու սրունքներդ... Մ, որքան խոշոր են անոնք... բաց զանոնք...

Դեռ աւելի մօտէն, մարդը կը խօսէր անոր, դռնելով իր ձեռքը մարմարեայ փոքր սեղանի մը վրայ ուր անուշահոտ բոյրերու սրուակներ կը գտնուէին:

— Մի վախնար, ըսաւ, ես ծեր եմ: Կը տեսնե՞ս, աղջիկս, ես ծերուկ մըն եմ...

Ես մեռած եմ հարիւր տարիէ ի վեր: Երես մի դարձներ մոմիայէ մը: Կ'ուզեմ միմիայն համարուել բերանդ, նիրհել կուրծքիդ վրայ, ո՛վ մայր:

Ան երկարեց իր նիհար ձեռքերը, զանդադօրէն, պազատելու համար: Բայց ջղաձգութիւնը զայն սարսեց ամբողջ մարմնով: Ցատքեց կնոջ վրայէն ու վարինկաւ անկողնին միւս կողմը:

— Ա, ա, ա: Հուսկ ուրեմն ան հոգեվարքի երկար աղաղակ մը արձակեց, որ իր հոգիին հերձոտութիւնն էր, դէպի աստուածները, դէպի հրաշքին ու կեանքին ուղղուած օգնութեան աղաղակ մը:

— Ինձի, ինձի, կը ճշար խենթը: Մի պայքարիր, դուտոր դիշերի: Մի սեղմեր այդպէս ատամներդ. համբոյրս պիտի թափանցէ քեզ: Հա՛, զմուտը, զմուտը, զմուտը: Պիտի լղանաս, լաւ գիտցիր աւելկաւ: Աստղեր պիտի դուրս ելլեն կուրծքէդ, ինչպէս մեղուններ փեթակէն: Հա՛, հա, հա, հա, հա: Վասնզի ես այդպէս կը ցանկամ...

Նէֆէլիս ազատած էր իր աջ ձեռքը ու, արագ շարժումով մը, որմէ խենթը ոչինչ չնշմարեց, ան սեղանին վրայէն վերցուց ծանր առարկան և իջեցուց անոր քունքին:

Անկողնին վրայ կանգնեցաւ, բերանը բաց, երկու ձեռքերը առաջ դէմքին դէմ, տեսակ մը խնդուքով որ աւելի զարհուրելի էր քան ողբը: Մարդը հարուածին ներքեւ ինկած էր, բայց Նէֆէլիսի համար մեռած չէր: Աշխուժով ան խեց երկարավիզ սրուակին մէջէն յարդարանքի իր երկար գնտասեղներէն մահացու տասը - տասներկու հատ իւրաքանչիւրը, և քսան անգամ զանոնք ամբողջը խրեց անոր վտիտ կուրծքին, դուրս ցցուած կողերուն, ստամոքսին, փորին, աչքե-

րուն եւ այտերուն մէջ, ու երբ գերիները արթնցած վազեցին եկան իր ոռնոցներէն, անոնք մերկ և արիւնլուայ վիճակի մէջ իր ոտքերուն տակ գտան կոխկոտուած դիակը, ու Նէֆէլիօր՝ ձեռքերը երկինք բարձրացուցած Անթրոմէտի մը նման, որ կը քայէ Հրէշին դէմ:

ԲԻԷՌ ԼՈՒԻՉ

ԾՈՎԱՄՈՅՆ

Մէկ քանի տարիներ սահեր են այն օրերէն երբ ես պրըդօնական ծովեզրեայ գիւղի մը մէջ քանի մը շարաթներ անցուցի: Ի՞նչ խորշ, եւ ի՞նչ նկարչամը Նա առաւելն տասնեակ մը նաւերու գէշ կայք գեղ: Առ առաւելն տասնեակ մը նաւերու միակ ճամկրնար ըլլալ, ան ունէր խիստ սեպածեւ միակ ճամբայ մը, նման հեղեղատէ բաղած փոսի մը, ու, վերեւը, խարակին առաջին հարթավայրին վրայ, մէջտեղը, կը կանգնէր եկեղեցին, կոթական գոհար, ուրկէ մարդ կ'իշխէ ուղկիանոսին: Աշխատելու համար ինքզինքս տրամադիր զգայուս, ես յամեցած էի այս անկիւնը, մինչեւ սեկտեմբեր ամիսը, որ, հազուադիւրս պատեհութիւնով մը եղաւ, անձրեւառատ Փետրուարի մէջ, այդ տարին, բացառիկ կերպով քաղցր ու պայծառ:

Տեղւոյն միակ պանդոկին մէջ կիրով ձերմկած, թեթեւօրէն այլ մաքուր կահաւորուած մեծ սենեակ մըն էի վարձեր, որուն պատուհանը կը բացուէր լայնքին վրայ: Յարդէ աթոռի մը վրայ՝ նստած սպիտակ րինէի ամբողջ պօէմա մը, հանդիսաւոր և օրորող աղմուկին մէջ կոհակներու որոնք կարծես ինձ կ'ըսէին անդադար թէ ռիթմը բնութեան մէկ օրէնքն է: Բայց մարդ չիկրնար շարունակ տաղաչափել ու գրել, և հետիոտն պտոյտը իմ առողջարանութիւնս էր ու զրօսանքս: Յաճախ, ես կ'երթայի ծովափն ի վար, իմ աջ կողմս ունենալով անջրդի և մեծազանգուած խարակը, իսկ ձախիս վրայ՝ ցած ծովախաղաղքով հո-

լանի տարածութիւնը, աւազի անսահման անապատը-  
 րծաւորուած միայն մի քանի ժայռերու խումբերով:  
 Առանձնութիւնը կատարեալ էր: Հոն հազիւ երկու  
 երեք անգամ բարեւ փոխանակած էի հրացանը  
 ուսընդանութ մաքսային պաշտօնեայի մը հետ որ  
 ցայդապահութիւն կը կատարէր: Ես այնքան կանո-  
 նաւոր պտոյտ կատարող, այնքան հանդարտ էի, որ  
 ծովածիծառներն այլեւս երկիւղ չէին զգար իմ կար-  
 միր լայն թեկնոցակէս ու կը ցատկուէին մի քանի  
 քայլ ինձմէ հեռու իրենց աստղահետ ոտքերը խոնաւ  
 աւազին վրայ դրոշմելով: Այսպէս, կ'ընէի, ու տուն  
 կը վերադառնայի, գրպանս լեցուն այն նրբին խեցի-  
 ներով, զորս մարդ կը գտնէ ձեռքով շարունակ թաց  
 ծովախիճերը խառնելուն: Ասիկա իմ սիրական արշաւս  
 էր: Եւ սակայն, այն օրերուն երբ սաստիկ հով կար  
 եւ ծովը փոթորկալից, ես կը թողուի ծովափը ու,  
 բարձրանալով գիւղին փողոցը, կ'երթայի դեգերիլ  
 անմշակ գետնին վրայ, — եւ կամ ձեռքս գիրք մը կը  
 զետեղուէի հինցած նստարանի մը վրայ, գերեզմա-  
 նատունը, ուր արեւմտեան հովէն մարդ կը պաշտպան-  
 ուէր շնորհիւ եկեղեցիի զանգուածին:

Տրտմութեան եւ երազանքի գեղեցիկ վայրը:  
 Դէպի աշնան երկինքը ուր կը վազէին ամպերը, կը  
 խոյանար ցից ու նրբակերտ վանդակապատ զանգակա-  
 տունը: Հոն բոյն դրած ագռաւներ, անկէ խոյս կու  
 տային եւ կոնչելով վերստին կը վերադառնային հոն  
 ու իրենց մեծ թեւերուն ստուերը կը սահէր բարձր  
 խոտերուն մէջ ցանուզիր շիրիմներու վրայ: Եկեղեցի-  
 ին կիսաւեր երկու յեն որմներուն մէջտեղ, որուն  
 գորշ մաշած քարը ծովալին քամիէն հոս հոն դեղին  
 փոքրիկ ծաղիկերուն ծփուն փունջով կը պօնուէր, այժ

մը ցցունքին վրայ, իր բոցեղէն աչքերով ու սաղայե-  
 լական մօրուքով գրեթէ անարկու, կը մայէր ու իր  
 շուանը կը քաշէր: Գիշերը մանաւանդ, ցասկոտ ճիւ-  
 դերով չորցած խնձորենիի մը կմաղքին ընդմէջէն երբ  
 վարը, հորիզոնին վրայ կը դիտէիր վերջալոյսի արե-  
 դակին ծովուն երեսը արիւնիլը: Այս դաժան  
 գերեզմանատունը հոգիդ կը լեցնէր խոցոտող մելա-  
 մաղձութեամբ մը:

Այդ գիշերներէն մէկուն էր երբ շիրիմներու մէջ  
 դեգերած պահուս — շատերը նաւազի մը անունին  
 վերեւը, կը կրէին չարագոյժ յիշատակութիւնը  
 «ծովամոյն» — կարդացի, տակաւին նոր խաչափայտի  
 մը վրայ, սա բառերը որ դիւ զարմանքով ու յուզ-  
 մամբ լեցուցին.

Աս կը հանգչի

ՆՕՆԱ ԼԸ ՄԱԿԵՆ

Մովամոյն եղած, Հոկտ. 1878, 19 օտեկանին:

Մովամոյն: Դեռատի աղջիկ մը: Եւ սակայն կի-  
 ները երբեք չեն մնար որսանաւերու վրայ: Ինչպէ՞ս  
 պատահած էր այս դժբախտութիւնը:

Պարոն, ըսաւ ետեւէս հաստ ձայն մը, խեղճ Նօ-  
 նային գերեզմանը է որ կը դիտէք...

Ետիս դարձայ, ու ձանչցայ փայտէ ոտքով ծե-  
 րուկ նաւավարը. պանդոկին գետնասրահին մէջ իմ  
 կողմէս անոր մատուցուած մէկ քանի գաւաթ ողիլից  
 ընպելին տրամադրութիւնը իմ կողմս շահած էր:

« Այո, պատասխանեցի իրեն: Բայց ես կը կար-  
 ծէի թէ, դուք ձկնորսներդ, կիներ չէիք ընդուներ  
 որսանաւերու վրայ: Ես թող տուի ինքզինքիս նոյն-

իսկ ըսելու, որ ասիկա դժբախտութիւն կը յառաջացընէ :

— Եւ այդ ճշմարիտ է, յարեց ծերունին :

Նօնան եւս երբեք նաև ու մը վրայ բարձրացած չէր : ... Կ'ուզէ՞ք գիտնալ թէ ինչպէս մեռաւ ան : Շատ յաւ, պատմեմ ձեզ ասիկա :

Նախ ձեզի ըսեմ որ իր հայրը, Բիէո Լը Մակէ, ինծի պէս նաև ինչ հին սարապան մը, ծերուկ ընկեր մըն էր : Պուրժէի մէջ, երբ ծովակալ Ռոնսիէն իր ոսկեզօծ քասքէտը սուսերին ծայրը դրաւ ու ժանեւոր տունեներու վրայ մեզ նետեց տապարը, մենք կողք կողքի կը քայլէինք Բիէոին հետ, եւ ինքն էր որ զիս բազուկներուն մէջ զրկեց, երբ անզգամ Բրուսիացիք կապարի կտոր մը զրկեցին զիստիս մէջ : Միեւնոյն գիշերն իսկ, ամրոցին դարմանոցին մէջ. Բիէո ինծի սիրտ տալու համար, ձեռքս կը բռնէր, այն պահուն երբ վիրաբուժապետը ոտքս կը կտրատէր : Ան վերստին հոն էր, իմ քաջ Բիէոս, այն օրը երբ ծովակալը անկողինիս մէջ ինձ բերաւ պարուանշանս ... Բայց ի վերջոյ այդ զարշելի Բրուսիացիք կը յաղթանակեն : Խաղաղութիւնը կ'ստորագրուի, բարի, եւ մեզ տուն կը ճամբեն : Ես, փայտեայ իմ ոտքովս, ալ ուրիշ բան չունէի ընելիք բայց եթէ ուտել հանգստեան թոշակս՝ պառաւած կենդանիի մը նման : Բայց Բիէոն, որ կատարելապէս առողջ ու անվնաս մնացած էր, կը մտնէ ձկնորս նաւագրներու արչաւախումբի մը մէջ : Ասոր վրայ իր կինը հրաջերմէ կը մեռնի, ու զինք կը ձգէ այս փոքրիկ Նօնային հետ միասին, որ տասը տարի հազիւ կար :

Բնականաբար, երբ Բիէո ծովուն վրայ էր, ես յոր նաւազը՝ ծերուկս էի որ կ'զրաղէի փոքրիկով : Բարի եւ սիրուն աղջնակ մը, պարոն, շատ քաջ ու

շատ քաղցրիկ : Մենք յաճախ, միասին, կ'երթայինք ապառաժէ նստարաններուն վրայ, վարը ծովափը բլիթներ, կարիդոսներ, ու երբեմն ալ աստակոս մը հաւաքելու : Ո՛ր մենք զոյգ մը բարեկամներ էինք :

« Այսպէս կանոնաւորապէս երկու տարիներ սահեցան : Նօնա իր առաջին հաղորդութիւնը կ'ստանար, կը մեծնար, կը մեծնար աւազակքանի մը նմանակ : Բայց անա փոթորկալից օր մը, երբ Ամէլին, նաւը ուրուն վրայ գտնուէր Մակէն, դժուարութիւն կը կրէր խարսխակետղը հասնելու, աւասիկ վարպետը ժամակին չի բերիր իր տելտառագաստն եւ իր երրորդ առագաստը (taque—cul) եւ անա ան անձն ու ինչքը կորսնցնելու վրայ էր, խուժերուն գէմ, որ մը տեսնէք ասկէ ... Ղիտեցէք նաւին ալ կողմը : Խուժը կը բաղկանար, երկու նաւազներէ, վարպետէն նաւաստեակէ մը եւ իմ խեղճ Բիէոէս : Բայց ծովը միայն երեք խեղճուածներ ափունքը նետեց, իսկ ընկերս՝ ոչ : Նօնա որբացած էր, ես, շատ հասկնալի է, կարելիս ըրի հօրը տեղը բռնելու համար : Բայց ան, վիշտին մեծ հարուածը անցնելէ վերջը իսկ, չէր մը խիթարուեր : Ու գիտէ՞ք մանաւանդ թէ ինչու համար, պարոն, մտածումի մը պատճառաւ որ ունին այստեղի կիները : Անոնք կ'երեւային, թէ հողի մը մինչեւ տեղին դատաստանը տանջանքի մէջ չմնալու համար, վերջին դատաստանը հողին ծոցը, իսկ մենք պէտք է հանգչի նուիրական հողին ծոցը, իսկ մենք այդ յիմարութիւններուն չենք հաւատար, մենք, որ գիտենք թէ իրերը ինչպէս տեղի կ'ունենան, երբ ծովափը մահ մը կայ : Ես կը ճանչնամ արարողութիւնը. զիսկը խայծղանուտ պարկի մը մէջ, գնդակ մը ոտքին, տախտակի մը վրան, թումբին մօտ, իսկ հրամանատարը գլուխը բաց, գիրքը ձեռքը բարձր ձայ-

նով կը կարգայ մեռելոց հոգեհանգստեան պաշտօնը : Բայց մեր երկրի կիները բազորն ալ աստուածավախ են, ինչպէս գիտէք, ու Նօնան սկսաւ շրջակայ ուխտատեղիները մոմեր վառել հանդստեանը համար իր հօրը հոգիին :

«Եւ սակայն հակառակ ամէն բանի, ժամանակը մոռացութեան տեսակէտով հոչակաւոր ազդակ մ'ըն է, ու Նօնան, քանի մը տարի վերջ, քիչ մը մխիթարելու տպաւորութիւնը կը թողուր վրաս. մնաց որ առիկա զինք չէր արգիլեր «գորանայու» եւ գեղեցկանայու, ոչ թէ անոր համար որ ես զինք կը սիրէի հօր մը պէս, ոչ, պատուի խօսք, որ ան տեղւոյս երիտասարդութեան ամէնէն թարմն էր ու գեղեցիկը : Միասին մենք շատ երջանիկ կ'ապրէինք : Իրաւ է որ հարուստ չէինք, բայց հնարք մը կը գտնէինք վերջապէս : Կար ամսաթոշակս ու պատուանշանս, ու յետոյ մենք շատ անգամներ միասին կ'երթայինք. Նօնան ու ես, աստակոս որսայու ժայռերուն մէջ : Արհեստը վատ չէ, կայ միայն մէկ վտանգ, բարձրացող մակընթացութեան չթակարդուի... Ահ, ձախորդութիւն : Այդպէս է որ կորսուեցաւ հէգ փոքրիկը...

Օր մը երբ յօդացաւս զիս տունը դամած էր, ան գնաց ձկնորսութեան. այսօրուան պէս օր մը, երկինքը պայծառ էր, ու առատ հով կար, ժայռերու խուզարկուներ իրենց սակառները լեցուն տուն վերադարձին, կը տեսնեն որ Նօնան չկայ : Ոչ մէկ կասկած, Տէր, Աստուած : Ան ուչ էր մնացած, ալիքը պաշարեր էր զինք. ու ան մեռած ծովամոյն... Ո՛ր, պարո՛ն, ի՛նչ գիշեր էր որ անցուցիւ իմ տարիքիս մէջ մարդուս սիրտը վշտերէն ըթացած կ'ըլլայ, բայց ես կնոջ մը պէս հեծկտացի, կը լիչէի հէգ աղջկան հա-

ւատքը, թէ գերեզմանին մէջ պէտք է թաղուի՛ր՝ երկինք երթալու համար : Մակընթացութիւնը վերջանալուն պէս, ես կը թափառէի ծովափին վրայ ու մեկնուցայ ուրիշներու հետ Նօնայի մարմինը փնտռելու : Ու մենք գտանք զայն. իմ Նօնաս, հետեւելով ծերուկ նաւավարի մը, որուն ձայնը կ'այլալէր — դտանք զայն ծովափաթքերով ծածկուած ժայռի մը վրայ, ուր, իր կորուստի մատնուիլը տեսնելով, քաջարի սիրուն աղջիկը, ինքզինքը յարդարած էր մեռնելու համար : Այո՛, պարոն, պարկեշտամտութեամբ ան իր շրջագգեստը ձունձերով զօդած էր իր ծունկերուն ներքեւէն, ու, պահելով շարունակ իր հին մտածու՛մը ան ինքզինքը մազերով կապած էր ծովախոտերուն, իր սեւ մազերով, այսպէս վստահ թէ զինքը պիտի գտնէին ու հողին... Ու ես կրնամ ըսել, ես որ քաջութեան մէջ ծանօթ եմ. թէ հաւանօրէն այդքան ընելու յանդու՛ռն այր մը չգտնուի :»

Ծերունին լռեց : Վերջալոյսի յետին ճաճանչներուն մէջ, տեսայ իր կարծրացած այտերն ի վեր երկու խոշոր արտաքներ հոսիլը, մենք միասին գիւղ իջանք, կողք կողքի, առանց իրարու ոեւէ բան խօսելու : Ես խորապէս յուզուած էի այս պարզ աղջկան քաջարտութեանէն, որ մինչեւ մահուան անձկութիւնը պահած էր իր սեռին յոտուկ ամօթխածութիւնը և գթութիւնը իր ցեղին... — ու իմ առջիս, հեռաւոր անհունութեան մէջ, երկնքի եւ ծովուն մթին առանձնութեան խորը, փարոսներն ու աստղերը կը բոցավառէին :

Ո՛ր, ծովու քաջ մարդիկ : Ո՛վ ազնիւ Պրըդայներ :

ՅՐԱՆՍՈՒԱ ԳՕՐԷ

## ՕԳՏԱԿԱՐ ԽՕՍ ՔԵՐԸ

Թատերադիր մը, էտոուար Բայըրօն, կարծեմ, սիրոյ մասին հետեւեալ սահմանումը ըրած է.

— Մէ՛րը: Նախ մեծ բառեր. ապա փոքր բառեր, վերջը խոշոր բառեր:

Լաւ չեմ գիտեր թէ ով անցեալ իրիկուն զայն խօսակցութեան մէջ նետած ըլլալով, պրն. տը Ֆօսէօզ, որ սրտերու տիրապետողի մը համբաւը կը վայելէ, և որ գլուխ կը բուրվառէ ամէն անգամ երբ հարցը կիններուն վերաբերի, որպէս թէ այդ նիւթը իրեն վերապահուած է, յանկարծ կեղծ սիրահարի մը երեւոյթը առաւ և ինքզինքին փոքրիկ Համլէթի մը անպզայ կերպարան տուաւ:

— Այո, բառեր: Միայն և միայն բառեր: Բառերն են զոր պէտք է ոչնչացնել: Մէկը իրեն հարցում տուաւ թէ ի՛նչ պիտի մնար ա՛յ. ան պատասխանեց.

— Էտկանը:

— Այսինքն քիչ բան, միջամտեց պրն. Մարլուա, Խօսքը ստախօտութեան կարելիութիւնն է: Կարելի չէ որ հրաժարինք անկէ: Ես ատոր փորձառութիւնը ունիմ:

Պրն. Մարլուա այն բնականարիչ է որուն Սէզ փողոցի պատկերահանդէսը, այս տարի նշանակալից դարձած էր իր ջերմ լոյսին պատճառով: Իր կտաւին վրայ բնութիւնը կը ժպտի, կ'իրգէ կուրայ կենդանի էակի մը հանգոյն: Իր պուրակները, իր մարգագետիններուն անկիւններուն կամ իր գետակներուն

ափունքներուն կենդանութիւն բերելու համար անձերու պէտք չունի ան: Չմբան և ցուցահանդէսի եզանակին ան կը տեսնուի Փարիզի մէջ, երբ գիւղը բանտուած է — գորչ գոյները չեն իր փնտաւածները: Գրեթէ շարունակ ճամբորդութեան մէջ, կարծես ան ուշադրութիւն չի դարձներ ընկերութեան հանոյքներուն: Ընտանիքներու մէջ ան աւելի կը լսէ քան կը խօսի: Առանձնութեան մասին իր կողմէ գովեստ մը ոչ ոքի պիտի չգարմացնէր, և անաւատիկ սակայն ան պաշտպան կը կանգնի սիրային շաղակրատութեան, անգամ սուտին: Ան շահեցաւ հետաքրքրութեան գեղեցիկ յաջողութիւն մը, և պատմութեան հոտը անելով մենք որոշեցինք ճանչնալ այդ եղական փորձառութիւնը որուն վրայ Մարլուա կը հիմնէր իր համոզումը: Ետ թախանձել չտուաւ մեզ:

— Ես ճանչցայ կին մը որ իր բերանը միայն համբուրելու համար կը գործածէր:

Մեկնութիւններ միջամտեցին:

— Ինչ եղական պատեհութիւն:

— Պատուական կին:

— Խնայուած ինչ յիմարութիւններ:

— Եթէ երբեք սակայն համր չէ անիկա պարզապէս:

Մարլուա, քիչ մը շփոթած, կանգ առաւ: Չայն փութացուցինք:

— Պատմեցէք, պատմեցէք:

Առանց գաղտնապահութեան շարունակեց:

— Երկու տարի կայ, նկարելու համար Սալուա էի գացեր: Ժամանակի մը համար Սէն-Փան-տը Մօրիան էի գացեր, Արվի հովիտին մէջ: Պատկերացուցէք նեղ դաշտագետին մը լեռներու երկու կա-

տարներու մէջ տեղը...

— Ասիկա հովիտներու սովորութիւնն է. գիտել տուաւ կծու եղանակով մը Պրն. աը Ֆօսէօզ: Անոնք մուտք կը գործեն շարունակ երկու լեռներու մէջ:

— Խնդրեմ թող տուէք աւարտեմ... Անտառախիտ լեռներ, և անոնց վերեւ կանաչութեան առաջին հարթավայրը, սառնարանները:

Կը վախցուի որ Մարուա ինքզինքը կորսնցնէ նկարագրութեան մը մէջ:

— Խնդրին վերադառնանք, պահաջից մէկը:

Բայց նկարիչը ոչ մէկ կերպով չաճապարեց:

— Ավրի այս հովիտը պահած է իր աւանդութիւնները, իր սովորութիւնները, իր տարազները, ինչպէս Մօրեանի և Թարանթէզի մի քանի գիւղերը: Հոն, իւրաքանչիւր հովիտ ունի իր զլխու տարազը, Թարանթէրէնով զանոնք Ֆրօքթիէ կը կոչեն: Անոնք զլուխը կը պատեն թեթեւ պղնձէ թերթիկէ սաղաւարտի մը նման: Ամենէն գեղեցիկները ոսկեայ թերթիկներով են շինուած: Ասոնք ընտանիքին զոհարներն են իրարու փոխանցուած:

— Ի՞նչ բան փնտռելու գացած էիք Ավրի այդ հովտին մէջ:

— Բնակարներ, հասկնալի է: Բայց այդ լեռները կը խորտակէին զիս: Նշմարած էք լեռնանկարիչներու փոքրիկ թիւը: Եւ սակայն կայ կրքնօպի թանգարանին մէջ մէկը անոնցմէ, արբայ կէթալը: Սառած առանձնութիւնը, Ալպեան լիճերու թափանցիկ եւ դալուկ կապոյտը. իր էյօօսայի լիճը ատոր այնքան ճշգրիտ եւ այնքան մանրակրկիտ ու ուղիղ արտայայտութիւնն է որ այս պատկերին առջեւ մարդ ջուրտ եւ անգայրացած օդ մը կը շնչէ ու կը փնտռէ

իր վերարկուն... Կիրակի օր, Սէն - Սօրլէն տ'Արվի պատարագէն դուրս ելած պահուն առիթ կ'ունենանք տեսնելու կիներն ու աղջիկները իրենց երկրին տարազով: Սէն - Սօրլէնի տարազը կը կազմէ գունաւոր տեսակ մը սեղմիրան, թոյլ շապիկ մը եւ այր մարդու փոխկապ մը, պարան մը ուսերուն վրայ ու սպիտակ գլխանոց մը որուն ծայրերը վար կ'իջնեն ծալլուող թեւերու նման: Ասիկա բաւական գեղեցկացնող է: Յանկարծ ուշադրութիւնս կանգ առաւ եզական առարկայի մը վրայ: Երկու սեւ աչուընր, մին այն թուխ, ջերմիկ մորթերէն, որ արեւ մթերած ունին կարծես, ու նրբին շրթունքներ, սեղմուած, կարուստի պէս: Ժանէթ կը կոչուէր: Իր անունը գիտցայ այն գիւղացի կնոջմէն, որուն մօտ սենեակ մը վարձեր էի: Դիպուածը ինձ կը նպաստէր: Ես կը բնակէի իր մօտակայքը, Սէն - Սօրլէնէ բաւականէն հեռու մեկուսացած խրճիթի մը մէջ: Ասիկա եկաւ օր մը աշխատանքս դիտելու: Զինքը հարցաքննեցի. ան կը ծիծաղէր ու չէր պատասխաներ: Յետոյ վարժուեցաւ, երբեմն առանձին երբեմն տղայոց հետ միասին գալու: Բայց չուտով նշմարեցի որ ան պատկերս չէր դիտեր: Ի վերջոյ, իր յարատեւ լուսթենէն սրբուհեղած՝ Չլայնոտ իր գեղջկական և առողջ գեղեցկութենէն որ դալարիքներու ախորժելի հոտ մը կը բուրէր, կը փորձուէի զինքը համբուրել: Ուժեղ բռնուցքով զիս ետ հրեց: Ես սաստիկ բարկացեր էի: Պրն. աը Ֆօսէօզ կերպով մը հասկցուց որ զամանալի բան մը կար, և թէ երբեք նմանօրինակ զէպք մը իրեն պիտի չկրնար պատահիլ: Մարուա շարունակեց.

— Ան, նման էր ամբողջ այս երկրին որուն վայ-

րի հմայքով համակուած էի ես, և որ խոյս կու տար  
ինծմէ, ինչպէս խոյս կուտար իմ արուեստէս: Բար-  
կութեամբ ես զայն կը դիտէի, և ան յաղթական, ու  
գլուխը կախ, կը մնար հոն, ես հաւաքեցի իրերս  
ու մեկնիլ ձեւացուցի: Ան երկչոտօրէն մօտեցաւ,  
բռնեց ձեռքս, ու արագ եւ անսպասելի շարժումով մը  
ծռեցաւ զիս համբուրելու: Ես դէպի ինձ քաշեցի  
զայն ան չընդդիմացաւ: Կը համբուրէի զինք, ան կը  
փոխադարձէր: Երբ իրմէն այսքան յեղակարծ փոփո-  
խութեան մը համար բացատրութիւն կը պահաջէի,  
ինձ չէր պատասխաներ: «Ինձ հետ երեք պիտի չխօ-  
սի՞ս, փոքրիկ աղջիկ:» Ան մեղմօրէն կը քարձրացնէր  
ուսերը կարծես պատասխանելու համար. «Ինչ օգուտ  
ունի ատիկա և բերանը չբացաւ: Բայց ես ատոր կա-  
րեւորութիւն չէի տար: Խօսքէն աւելի լաւագոյնը կու-  
տար ան ինձի: «Անտարակոյս կը մտածէի, ան իր գեղ-  
ջկարարբաւը կը խօսի, այս պատճառաւ յիմարարար  
կ'ամչնայ:» Փոքրիկ անտառի մը մէջ մենք ժամադրու-  
թիւններ կուտայինք իրարու: Աչուներ կուգար: Տե-  
րեւները կ'սկսէին թափիլ, իսկ մենք զանոնք կը  
մթերէինք մամուռին վրայ: Ի զուր, ամէն անգամ,  
կը փորձուէի իրմէ բառ մը կորզել: Ատիկա ինձի հա-  
մար անվերջ չարչարանք մը եղաւ: Իր գգուանքները  
ինձ հաճոյք պատճառելէ դադրեցան, իր նրբին, գոց  
չըթունքները, զիս կը զայրացնէին: Կ'ուզէի իր  
ձայնին հնչիւնը լսել: Ըլլար անոյշ կամ խոպոտ, ինչ  
փոյթս, զինքը լսել էր ուղածս. իր ստախօսութիւն-  
ները, նոյնիսկ լեզուական իր կոպտութիւնները, ես  
պիտի նախապատիւ համարէի այս լուսթենէն: Վերջա-  
պէս, հակառակ իմ աղաչանքներու և բարկութեանցս  
ոչինչ չկարենալով ձեռք ձգել, ես դադրեցայ ժամա-

դրութիւններու գալ: Այլևս անիկա հակակրելի դար-  
ձած էր ինձի: Շուտով պիտի մեկնէի: Սէն-Սօրլէն  
տ'Արվի մէջ առեւտուրի օր մը, կը գեգերէի տօնա-  
վաճառի աճպարարներու առջեւ: Ինչքան մեծ եղաւ  
զարմանքս երբ տեսայ ժանէթը որուն շըթունք-  
ները կը շարժէին: Ծածուկ կերպով իրեն մօտեցայ:  
Ան կը խօսէր:

— Գեղջկարարբա՞ն

— Ոչ, Գրանսերէն, Շըթուն վաճառորդները այնքան  
չափ կը շրջագայեն որ բոլոր գեղջկարարբառները չեն  
կրնար սովորի: Ան ուժգնութեամբ, գլխաւ և սա-  
հուն կերպով կը խօսէր: Կը խօսէր որպէս թէ իր  
ամբողջ կեանքին մէջ այդ ըլլար ըրածը: Կը վի-  
ճաբանէր կտաւի կտորի մը գինին ժասին: Երբ զիս  
նշմարեց, յանկարծ կանգ առաւ, կարմրեցաւ, լոնց: Ես  
բաժնուեցայ, Հեռուէն, տեսայ որ ան վերսկսաւ իր  
ճառը: Իրեն ջներեցի. մեկնեցայ առանց զինքը տես-  
նելու:

— Է՛, ուրեմն, ըսաւ պրն. տը Թօսէօզ, ըսել է  
չըմբռնեցի՞ք իմաստութեան դասը զոր ան կուտար  
ձեզի:

— Ո՞ր դասը:

— Թէ ինչ կ'արժեն խօսքերը: Անոնք լաւ են  
առեւտուրի և կեանքի կարիքներուն համար: Բայց,  
սիրոյ մէջ, միմիայն խաբելու կը ծառայեն:

— Անոնք կը ծառայեն մեզ տալու զգայական  
պատրանքը: Իսկ պատրանքը, երբ արդեօք սէրը կըր-  
ցաւ հրաժարել անկէ:

ՀԱՆՐԻ ՊՈՐՏՕ

— Եւ դուք բոլոր աստիճանները ստացած էիք:  
— Ոչ բոլորը: Հասած էի մինչեւ կիսասարկա-  
լագուծեան:

— Ա՛հ, ա՛հ, դուք կիսասարկալագ էիք... Իսկ  
ինչ կ'ընէ կիսասարկալագ մը:

— Կը կարդայ ընթերցուածները, գիրքը կը ներ-  
կայացնէ սարկալագին, որ կը կարդայ Աւետարանը.  
Կ'զբաղի պատարագի անօթներով, Աւետարանէն ա-  
ռաջ, կտաւին ներքեւ կը բռնէ հաղորդութեան տու-  
փը:

- Աւետարան կը կարդայիք, ըսիք:
- Ոչ, պարոն, սարկալագը կը կարդայ Աւե-  
տարան, կիսասարկալագը ընթերցուած կը կարդայ:
- Ուրեմն դուք ընթերցուած կը կարդայիք:
- Ես... ես... Այսինքն կիսասարկալագ:
- ... Տիրացուն:
- ... Տիրացուն:

Չէ՞ք տեսներ ինչ որ կայ ծիծաղելի ատոր մէջ,  
Բայց եթէ դուք գիւղին հրապարակին վրայ գտնը-  
ւէիք, այնքան աղմկալից շորցած տերեւներուն  
պատճառով, երբ ամպերը պտիռըտուք կը խաղան ա-  
րեւին հետ, եթէ ներկայ գտնուէիք խօսակցու-  
թեան որ տեղի կ'ունենար ձերունի բժիշկ Ֆօթիի  
և Ունցիօի միջեւ, դեռ քանի մը օրեր առաջ եկած,  
առանց կղերանոցի յատուկ պարեգօտին և հաւատու-  
րագ, եթէ տեսնէիք բժիշկը որ շահապետի նման կը  
ծալլէր դէմքը, դարմանոցին դեղարանին առջեւ շուր-

ջանակի նստած գիւղին բոլոր անգործներուն պէս,  
մէկ կողմ պիտի դարձնէիք ձեր գլուխը, պիտի սեղմէ-  
իք ձեր շրթունքները, խնդալէն չպայթելու համար:

Չորցած տերեւներու փոթորիկի մը մէջ Թոմա-  
սինօ հազիւ հեռացած՝ խնդուքները կրկուտ քներով  
տարածուեցան:

— Ու ներկաները միաբերան.  
— Ան ընթերցուած կը կարդայ:  
Այսպէս է որ կիսասարկալագ Թոմասինօ Ունցի  
վանականի իր կարգէն հրաժարած, տիրացու կոչուած  
էր, կորսնցնելէ ետք կաթոլիկի իր հաւատքը:

\*\*\*

Հաւատքը կորսնցնելու հարիւն հազար կերպեր  
կան: Առ հասարակ, ան որ իր հաւատքը կորսնցնէ հա-  
մոզուած է, ժամանակի մը համար գոնէ թէ փոխարէն  
բան մը շահած է, ինչպէս բան մը ըսելու կամ ընելու  
ազատութիւնը որ, մինչեւ այն ատեն, չէր պատշա-  
ճեր իր կրօնքին:

Բայց մարդ երբ երկրային հաճոյքներու բռնու-  
թեան ներքեւ չէ որ հաւատալէ խոտորած է, այլ որով  
հետեւ խորանի սկիհն ու օրհնուած ջուրի աղբիւրը չեն  
բաւած մեղմելու և անցնելու հոգիին ծարաւը, նուազ  
գիւրուծեամբ կը համոզւի հաւատքը փոխելով բան մը  
շահած ըլլալուն: Շատ շատ, իր ինչ կորսնցուցած ըլլալը  
չզղջալու համար մարդ կը յաջողի ի վերջոյ ինքզին-  
քը համոզել թէ հրաժարած է արժէքէ գուրկ բանէ մը:  
Թոմասինօ Ունցիօ, իր հաւատքը կորսնցնելով,  
ամէն ինչ կորսնցուց, նոյն իսկ միակ գիրքը զոր իր  
հայրը կրնար իրեն տալ, շնորհիւ պայմանական ժա-  
ռանգութեանցը եկեղեցական ձերունի հօրեղբոր մը:  
Ռանգութեանցը եկեղեցական ձերունի հօրեղբոր մը:  
Հայրը զբաղեցուաւ զինքը ընդունիլ բողոքացի և ոտքի  
հարուածներով, շատ օրեր զայն առանց հսցի և ա-

ոանց ջուրի էր ձգած, ամէն կերպ մեղադրանքներու և նախատիքի առարկայ դարձնելով: Բայց հերոսական հաստատակամութեամբ մը Թոմասինօ քոկացեր էր ամէն բանի և սպասած այն ժամուն երբ հայրը պիտի համոզուէր թէ հաւատք մը և կոչում մը վերաշինելու լաւագոյն եղանակները ատոնք չէին:

Բռնութիւնը նուազ կ'ազդէր իր վրայ քան վարձունքին ռամկութիւնը, երբ եկեղեցականութենէ հըրաժարելու նուազ պակաս ռամիկ պատճառներ ունէր:

Բայց անիկա կը հասկնար որ իր հօրը վիշտ բռնականօրէն իրր հարուած պիտի թափէր իր թիկունքին, կուրծքին կամ այտերուն վրայ: Այս տղան որուն ասպարէզը անկանգնելիօրէն խորտակած էր, որ կուգար խափանուիլ տունը, — յայտնապէս պատճառ դարձեր էր հայրը բարկացնելու:

Թոմասինօի առաջին հոգը եղաւ ամբողջ գիւղին ցուցնել թէ կղերական կարգը ձգած էր ոչ թէ «խոզ դառնալու» համար, ինչպէս ամէն կողմ կը տարածայնէր իր հայրը: Սենեակէն կ'ելլէր այն ատեն միայն, երբ պէտք էր առանձին պտրտիլ, բարձրանալով, կասկենիներու ընդմէջէն մինչեւ Փիան տելլէ Պրիթա, ուրկէ վար կ'իջնէր, արահետէ մը որ կերթար դաշտերու մէջէն, մինչեւ Նօթր տամ տը Լօրէթի լքուած մատուռը, թաղուած միշտ իր մտախոտութեանց մէջ և առանց այքերը ոեւէ մէկուն վրայ դարձնելու:

Բայց մարմինը, նոյնիսկ երբ հոգին գրաւած է խորունկ վիշտերով կամ կարգ մը յամառ վատասիրութիւններով, կը լքէ ու բոլորովին կամացուկ, առանց բան մը ըսելու, կ'սկսի իր հաշուոյն ապրիլ. վայելել լաւ օդ առողջարար սնունդ:

Ինչ որ պատահեցաւ ահա Թոմասինօի: Կարճ ժամանակէն, և հակասութեամբ մը ուր ծաղր կար, մինչդեռ երբ իր հոգին կ'ընկուղէր մեկամաղձութեան մէջ եւ կ'սպասէր յուսահատ մտածութեան, իր լաւ սնած մարմինը իրեն արբահօր մը կերպարանքը կու տար:

Անիկա երբեմնի Թոմասինօն չէր: Մարմնական իր մեծազանգուած գիրութիւնը այժմ իրեն աւելի աւ կը վայելէր: Տիրացու Թոմասինօն, Չայն քաջակազմ տեսնելով մարդ կը փորձուէր իրաւունք տալ իր հօրը: Բայց ամբողջ գիւղը գիտէր անոր պարելու եղանակը. գալով կիներուն, ոչ մէկը կրնար պարծենալ թէ ան գիտած էր զինք, ըլլայ նոյնիսկ գաղտագողի:

Չունենալ ոչ մէկ գիտակցութիւն լինելիութեան, ինչպէս քար մը, ինչպէս տունկ մը՝ չյիշել մինչեւ իսկ իր անունը, ապրիլ ապրելու համար առանց գիտնալու ատիկա, դազաններու նման, առանց սիրոյ, առանց փափաքի, առանց յիշողութեան, առանց մըտածումի, առանց բանի մը որ կը կարենայ դեռ կեանքին տալ ոեւէ իմաստ: Տարածուած խոտին վրայ, ձեռքերդ ծոծրակիդ ետին խաչածեւած, դիտել երկնքի կապոյտին մէջ արեւէն ուռած ամպերու կուրացնող սպիտակութիւնը, կասկենիներու ծօցը լսել հովը նման ծովու շշուկի մը, ու հովին ձայնին մէջ, ծովային այդ շշնչիւն խորը, ըմբռնել իբրեւ թէ հասած անսահման տարածութենէ մը, ունայնութիւնը ամենայնի, անձնկութիւնն ու մահացու ճնշումը գոյութեան:

Ամպեր և հովը...

Բայց գիտակցիլ չի՞ նշանակեր միթէ պարապութեան և անսահման կապոյտի մէջ լուսաւոր և թա-

փառիկ ամպերը ճանչնալու պարագան: Ամպը կը գիտակցի՞ իր գոյութեան: Իսկ ծառերը, քարերը, որ իրենք իսկ զիրար կ'անգիտանան՝ գիտե՞ն արդեօք թէ ամպը գոյութիւն ունի:

Քանի որ ան կը նշմարէր և կը ճանչնար ամպերը՝ կրնայ նոյնպէս մտածել ջուրին մասին որ ամպ կը դառնայ ջուրի վերածուելու համար: Բնագիտութեան ուսուցիչներէն յետինը պիտի կրնալ բացատրել այս ձեւափոխութիւնը, բայց «ինչո՞ւ» ինչու՞ն ո՞վ պիտի բացատրէր:

Կասկեմիներու անտառակին վերեւը տապարի մը աղմուկը, վարը, քարահանքին մէջ, քարին վրայ գը յուռնքին ժխորը:

Կոփել լեռը, տապալել ծառերը կառուցանելու համար տուներ: Լեռներու մէջ կորսուած այս գիւղին մէջ նոր տուներ: Ծիգեր, քրտինք, յոգնութիւն, ամէն տեսակ նեղութիւն, ինչո՞ւ: Հասնելու համար ծայրը տեսակ մը ծխնարանի, որպէսզի անկէ քիչ մը ծուխ դուրս ելլէ, կորսուելու համար, իսկոյն, պարապ անջրապետին մէջ:

Մարդկային բոլոր մտածումները բոլոր յիշատակները նման են այդ ծուխին...

Բայց բնութեան անհուն տեսարանը, կաղնիներով, ձիթենիներով, կասկեմիներով լեցուն անձիր դաշտագետինը կը զուարթացնէր իր սիրտը, զայն խորասուզելով անհունութեան մէջ քաղցր թախիծով մը:

Մարդոց բոլոր պատրանքները, բոլոր յուսախարութիւնները, վիշտերը և ուրախութիւնները, յոյսերն ու տենչանքները ունայն և վաղանցիկ կը թուէին իրեն, բաղդատամբ իրերէն արտահնդուած զգա-

ցումին, — իրեր, որոնք չեն փոխուիր, և զգացումներէ վերջն ալ կ'ապրին, անայայլ: Մարդկային շարժումները բնութեան յաւերժութեան ծոցը, իրեն կը թուէին ամպերու խաղերու նման: Ատոր համոզուելու համար, կը բաւէր գիտել հովտէն անդին, հեռուն, հորիզոնին մէջ լեռներու կորսուիլը, վերջալոյսի ծիրանի գոլորչիներուն մէջ թեթեւ բոլորովին:

Ո՛հ, մարդկային փառասիրութիւն: Յաղթութեան ի՛նչ աղաղակ, որովհետեւ մաքրը սկսած է թռչիլ փոքրիկ թռչունի մը պէս. բայց դիտեցէք թռչունին թռիչքը, բնածին ի՛նչ դիւրութիւն, թեթեւ, ինքնակամ ի՛նչ ուրախ ճախրեր կը յաջորդեն իրարու... բազդատեցէք այս թռիչքը այն հրէշային գործիքին հետ մահկանացու մարդուն, որ կ'ուզէ թռչուն դառնալ, անձկութենէն և անդոհանքէն կ'ուռի և կը ձչէ: Հոս սաւառնում մը և երգ մը, հոն շարժիչ մը որ կը փքհանէ, որ կը հոտի, ու, մահը դարանակալ կանգ կ'առնէ, մասս բարեա՛ւ, գեղեցիկ թռչուն:

— Մարդ, կ'ըսէր թոմասինօ, կերկարած խոտին վըրայ, դադրէ թռչելէ: Ինչո՞ւ համար կ'ուզես թռիլ: Ու ե՞րբ դո՞ւն տենչացիր ատոր:

\* \*

Ընդհանուր զարմանք: Լուռը մրրիկի մը պէս ինկաւ գիւղին վրայ: Թոմասինօ Ունցիօ, տիրացուն, ապտակուած էր, ան պիտի մենամարտէր ջոկատի հըրամանատար տեղակալ Տէ վէնէրայի հետ: Թոմասինօ կ'ընդունէր նախորդ իրիկուն տեղեկալի նշանածին օրիորդ Օլիվա Ֆանէլլիի նօթր Տամ աը Լօրէթի մատուոը առաջնորդող ճամբուն վրայ «ապուռ» անուանած բլլալը. ու կը մերժէր ոեւէ չքմեղանք կամ բացատրութիւն:

Չարմանքը կը միանար զուարթութեան: Իւրաքանչիւր ոք մանրամասն հարիւր հարցում կը դնէր յապաղեցնելու համար իր թերահաւատութիւնը ծանուցանող վայրկեանը:

— Թոմասինօն: Մինամարտի մէջ: Յիմար անուանած օրիորդ Ֆանէլլին: — Հաստատուած է: — Առանց բացատրութեան: Եւ ան պիտի կռուի:

— Միւսն է զայն ապտակած:

— Պիտի մենամարտի:

— Վաղը առտու. ատրճանակով:

— Տեղակալ Տէ Վէնէրայի՞ հետ, ատրճանակով:

— Կատարելապէս, ատրճանակով:

Թոմասինօն այդ անարգանքին մղող պատճառը չէր կրնար թեթեւ ըլլալ: Այդ մասին ոչ ոք կը տարակուսէր, պէտք է մինչեւ այդ օր թաքուն մնացած սէր մը տեղի տուած ըլլար ատոր Ուէյիօ դեռատի աղջիկը ապուշ կոչած էր, որովհետեւ անիկա տեղակալը իրմէ նախապատիւ համարած էր: Ասիկա ակնհերեւ էր: Գիւղին մէջ մէկ կարծիք միայն կար. խկապէս մարդ ապուշ ըլլալու էր Տը Վէնէրայի պէս ծիծաղելի մարդու սիրահարելու համար: Բայց ընական է որ Տէ Վէնէրան միակը եղաւ որ չհասկցաւ ատիկա, ու բացատրութիւններ պահանջեց:

Եւ սակայն Օլկա արտասուալից աչքերով երդուեցաւ որ անարգանքին պատճառը ատիկա չեր կրնար ելած ըլլալ: Ընդամենը անիկա երկու կամ երեք անգամ միայն տեսած էր Թոմասինօն, որ նոյնիսկ իրեն չէր նայած, երբեք, բացարձակապէս երբեք չէր արտայայտած ամենափոքրիկ նշանը այն թաքուն խենդ սիրոյն՝ որուն մասին կը խօսէր ամէն մարդ: Ոչ, ատոր խորը ուրիշ պատճառ մը պէտք է գոյութիւն ունե-

ցած ըլլար: Բայց ո՞րը: Առանց պատճառի մարդ յիմար չանուաներ դեռատի աղջիկ մը:

Եթէ ամէն մարդ, մանաւանդ հայրը եւ մայրը, ետկու վկաները, տեղակալն ու Օլկա յարձակողականին իրական պատճառը գիտնալու փափաքէն հոգինին կու տային, Թոմասինօն զայն չկարենալ խոստովանելուն համար ալ աւելի յուսահատած էր: Բայց ան խորապէս վստահ էր որ ոչ ոք պիտի հաւատօք չընծայէր ըսածին եւ պիտի երեւակայէին թէ անխոստովանելի գաղտնիքի մը ծագրանք միայն խառնել կ'ուզէ ան:

Ո՞վ պիտի հաւատար թէ ժամանակէ մը ի վեր, իր փիլիսոփայական մելամաղձութեան մէջ, շարունակ աւելի խոր, ան քաղցր գթութիւն մը զգացեր էր բոլոր անոնց համար որ կը ծնին, առանց գիտնալու թէ ինչո՞ւ համար զառամութեան եւ մահուան սպառումին մէջ կապրինք, վայրկեանի մը աւս կեանքը: Կեանքէն յառաջացած ձեւերը որքան որ զիւրաքեկ, փանաքի եւ յեղեղուկ երեւէին իրեն, այնքան ան կը կարեկցէր անոնց վրայ, երբեմն մինչեւ արտասուելու ատիւճան: Ծնանելու ինչ եղանակներ, ու մէկ անգամի համար միայն, տրուած ձեւի մը ներքեւ, եզական, անդառնալի, առանց որ երբեք կարելի ըլլայ գտնել նման երկու կերպարանքներ, ու ասիկա այնքան կարճ ժամանակի, մէկ օրուան ու երբեմն յետնադոյն տարածութեան մը վրայ, իր շուրջը անծանօթ աշխարհը, պարապութիւնը անսահման անթափանցութիւնը կեանքի խորհուրդին: Ծնիլ մըրջիւն, ճանճիկ կամ խոտի ծիղ... մըջիւն մը տիեզերքի մէջ: Տիեզերք եւ փոքրիկ ճանճ մը, խոտի ծիղ մը... խոտի ծիղը քնած ատեն կը մեծնար, կը ծաղ-

կէր, կը թորչումէր, ու յետոյ կ'աներեւութանար: Յաւիտեանս Վերջացաւ իր կարգը, ալ ընդմիշտ: Մէկ ամիսէ ի վեր, օր օրի վրայ, ան յայտնապէս կը հետեւէր խոտի ծիղի մը կարծ պատմութեան: Խոտի ծիղ մը երկու գորշ քարերու մէջտեղ, պիտակուած մամուռով — Նօթր Ծամ տը Լօրէթի լքուած մատուռին ետեւը:

Ունցիօ գրեթէ մայրական դորովով մը հետեւեցաւ անոր համր ածուճին, նուազ երկար ծիղերու մէջտեղը, որոնք կը շրջապատէին զայն: Ան տեսաւ երկչոտօրէն, տկարութենէն դողդողուն երկու քարերուն մէջտեղ վեր զցուած. անոր ծնիլը. սարսափահար՝ ու միեւնոյն ատեն հետաքրքիր հիանալու վերը պարզուած կանանչ դաշտին եւ անհուն տեսարանին վրայ. ապա տարածուիլ, տարածուիլ կրկին համարձակութիւն ստանալ, շարժել փոքրիկ շառագոյն փետուր մը աքլորի բրուկի մը նման:

Ամէն օր, անընդհատ մէկ կամ երկու ժամ, Թոմասինօ կը դիտէր անոր ապրիլը, կը բաժնէր անոր կեանքը, կը սարսուար ամենաթեթեւ շունչէ: Օր մը կը փոթորկին ան բոլորովին դողդողագին վազած էր, ռերիչ անգամ ան վախցած էր ժամանակին չգալ, եւ զայն չպաշտպանելուն համար այժերու երամակէ մը, որ ամէն օր միեւնոյն ժամուն կ'անցնէր մատուռին ետեւէն ու կանգ կ'առնէր յաճախ թաւուտաներու մէջ՝ ճարակելու համար: Մինչեւ այդ պահը, քամին եւ այժերը յարգած էին խոտի ծիղը: Թոմասինօի ուրախութիւնը աննկարագրելի էր երբ տեսաւ զայն անվթար, հպարտ իր փետուրով: Չայն կը փայփայէր, մատներուն ծայրով կ'ողորկէր անվերջ փափկութեամբ մը: Չայն իր ամբողջ հոգիով, իր ամբողջ

շունչով կը պաշտպանէր: Իրիկունը, երբ զայն կը ձգէր, վէրջալուսային երկինքի մէջ երեւցող առաջին աստղերուն կը յանձնէր զայն որպէսզի միւս բոլորին հետ միասին անոնք հսկէին իր վրայ ամբողջ գիշերը: Ու հեռուէն, երեւակայութեամբ, ան կը տեսնէր խոտի իր ծիղը, երկու քարերուն մէջտեղը, բիւրաւոր աստղերու պաշտպանութեան ներքեւ, որոնք կը փայլէին խաւարչտին երկնքին մէջ:

Այդ օրը, երբ կը հասնէր ու խոտի ծիղին հետ ունեցած իր սովորական ժամադրութեան, մատուռին ետեւը ան նշմարեց օրիորդ Օլկա Ֆանէլլին որ հաւասօրէն բոպէ մը կը հանգստանար, երկու քարերուն մէջտեղ, իր ճամբան շարունակելէ առաջ:

Ան կանգնեցաւ յառաջանալ չհամարձակելով, ըսպաեց որ անիկա հանգչի եւ տեղը անոր ձգեց: Անցաւ վայրկեան մը: Դեռատի աղջիկը, ձանձրացած թերեւս այսպէս զինքը դիտելէն ոտքի ելաւ, երկարեց ձեռքը, փրցուց խոտի ծիղը իր ու զայն: — հողմատատան փոքրիկ փետուրիկը — դրաւ ըբրանը: Թոմասինօի այնպէս թուեցաւ թէ իր հոգին կը պոկէին ու երբ օրիորդ Ֆանէլլի անցաւ իր առջեւէն, խոտի ծիղը ակուաներուն մէջտեղ, առանց կարենալ ինքզինքը զսպելու ապուտ աղաղակեց անոր:

Ինչպէ՛ս խոստովանիլ որ ան անարգած էր գեռափթիթ աղջիկ մը խոտի ծիղի մը համար:

Այն ատեն տեղակալ Տէ Վէնէրա ապտակած էր զայն:

Թոմասինօ իր անօգուտ կեանքէն ձանձրացած էր, ձանձրացած իր յիմար միսին ծանրութենէն, ձանձրացած՝ հեգնութեան առարկայ դառնալէ: Եթէ մերժէր մենամարտիլ, ապտակ մը ստանալէ վերջ, հալա-

ծաքնները պիտի կրկնապատկուէին : Ուրեմն ընդունեց հրաւէրը, բայց առաջարկեց սոսկալի պայմաններ : Անիկա գիտէր որ տեղակալ Տէ Վէնէրան անգերազանցելի էր ատրճանակի գործածութեան մէջ : Ամէն առաւօտ նշանառութեան դաշտին մէջ ատոր ապացոյցները կուտար : Ասոր համար Թոմասինօ ընտրած էր ատրճանակի կռիււը, հետեւեալ օր, արշալոյսին եւ ձիշտ նշանառութեան դաշտին մէջ :

\* \*

ձիշտ կուրծքին մէջ ստացաւ գնդակը : Վէրքը առաջին անգամ լուրջ չէր թուեր, բայց ծանրացաւ : Գնդակը թոքին դպած էր : Տենդ. զառանցանք, Չորս օր չորս գիշեր հերոսական յուսահատ խնամքը :

Տիկին Ունգիօ ծայրայեղօրէն աստուածաժախ, երբ բժշկները յայտարարեցին թէ ալ ոչ մէկ յոյս կար, խնդրեց, թախանձեց զաւելին, մեռնելէն առաջ, հաշտ, ուելի Աստուծոյ հետ : Ու, Թոմասինօ, իր մօրը հաճոյք պատճառելու համար, համաձայնեցաւ խոստովանահայր մը ընդունելի :

Նոր քահանան, հոգեվարքի սնարին վրայ, հարցուց .

— Բայց ի՞նչ պատճառով այս բանը, զաւակս ի՞նչ պատճառով .

Թոմասինօ, կիսախուփ աչքերով, ձայնը մարած, հառաչանքի մը մէջ, որ ժպիտի մը քաղցրութիւնը ունէր պարզապէս, պատասխանեց .

— Հայր իմ, խոտի ծիղի մը համար . . .

Բոլորը կարծեցին թէ ան կրկին կը զառանցէր :

ԼՈՒՒՃԻ ԲԷՐՍՆՏԵԼԼՕ

Երբ Մոսկուայի երեսուն վերստ միայն մնաց, կատարինէ տեղը չէր կրնար հանգիստ նստիլ : Իրեն այնպէս կը թուէր թէ հոն պիտի չհասնի բնաւ : Իւրաքանչիւր վերստին սիրտը աւելի ուժգին կը տրոփէր :

Նախընթաց օր ան լսած էր թէ Անտրէն, որ հինգ տարիէ ի վեր կ'աշխատէր գործարանի մը մէջ, կ'ապրէր ուրիշ կնոջ մը հետ :

Անիկա այդ մասին չէր խօսեր, կը մնար նոյնը, տօն օրերու համար իրեն դրամ կը զրկէր եւ երբեմն երբեմն կը գրէր անոր : Շշուկ կը շրջէր, թէ սովէտական մարմնի մը նախագահ դարձած էր եւ բարեկեցիկ կ'ապրէր :

Հաւանօրէն իր կացութիւնը թող կու տար իրեն հարիւր բուլլի մը զրկել ամսական եւ ան միւսին հետ միասին կը ծախսէր 400 - 500 բուլլի եւս : Եւ այդ հարիւր բուլլիի գուժարը, որ ատենօք բաւարար կը թուէր, այժմ ծիծաղելի կ'երեւէր անոր :

Ի՞նչ պիտի ընէր իր Մոսկուա հասնելուն : Պիտի երթար անոր մօտ, զայն յանկարծակիլի պիտի բերէր, զայթակղձութիւն պիտի յատուցանէր, մինչեւ որ ամէն ոք հասկնար անոր ինչպիտի թշուառական մը ըլլալը : Պիտի խորտակէր ապակիները . . . արիւնը պիտի ժայթքէր : պիտի ջախջախէր այդ անպարկեշտ կնոջ շուրջը . . .

— Ի՞նչ էր ըրեր, սիրականը : Ա՛հ, այդ կարմիր

զլխաշանները... դեռ շատ ժամանակ չկար երբ այն-  
 քան երջանիկ էր ան: Իրիկունը կ'իջնէին ձորը, ջու-  
 րին եզերքը, յարդ պատրաստելու, արեւը կը քնանար  
 խոնաւ մարգագետնին ծոցը. խորդամարդեր կ'արձա-  
 կէին իրենց սուր ճիւղերը, գիւղին ձայները երեկոյին  
 կը բարձրանային օդին մէջ: Ինք ոտքի կանդնած է  
 սայլին վրայ, իսկ ան, շապիկին վիզը բաց՝ մազերը  
 արևէն կարծրացած և քրտինքի կայլակներ ածիրուած  
 շրթունքին վրայ, երկժանիքով կը բարձրացնէ խոտը  
 խոնաւ ու բուրեան եւ կը նետէ իր թեւերուն վրայ:  
 Ապա կը բռնէ ձիուն երասանքէն եւ ինք կը մնայ  
 պառկած սայլին մէջ. . . կը ծիւծի խոտի ծիղ մը եւ  
 գիտէ որ ընթրիքէն վերջ ծանր աշխատանքէն յոգ-  
 նած, մերկ ոտքերով, անո՛նք պիտի ճեղքեն անցնին  
 գաւիթը՝ երթալ քնանալու համար սայլատունը, կառ-  
 քին թարմ խոտին վրայ: Ամառուան ամպերը լուռ  
 կը կուտակուին, անոնք փոթորիկը կը ծանուցանեն,  
 փայլատակւմներու լոյսը կը տեսնուի մեծ դրան ճա-  
 կատի ճեղքերուն ընդմէջէն, եւ զով օդին մէջ խոտին  
 բուրմունքը կը խառնուի իր թանձր քրդեայ շրջազ-  
 գեստին. . .

Իսկ այս ամբողջ երջանկութենէն այլեւս ոչինչ  
 չմնար. . .

Ամէն բան ընելու ընդունակ կ'զգար ան ինք-  
 զինքը:

Բայց երբ կայարանը ձգեց, ինքզինքը ձախողած  
 կարծեց՝ կորսուած մեծ քաղաքի խաժամուժին մէջ:  
 Ան կուզէր անակնկալօրէն տունն իյնալ, փոթորիկի  
 մը նման, ըսելու անոր բոլոր ինչ որ ունէր սրտին  
 վրայ, մինչդեռ ահա ան պէտք է քայլեր եւ հարցա-  
 քններ անցորդները իր ճամբուն իմանալու համար:

Իրեն հանրակառք մը ցոյց տուին, բայց տոմս վեր-  
 ցուցած պահուն մոռցաւ հարցնելու թէ ե՛րբ պէտք  
 էր վար իջնել եւ մնաց նստած մինչեւ վերջին կա-  
 յանը:

Հարկադրուեցաւ վերստին հանրակառք առնել,  
 եւ սկսաւ քայլել, հարցնել ամէն վայրկեան թէ ո՛ւր կը  
 դտնուեր տանը թիւը, որովհետեւ ան կարդալ չէր  
 գիտէր: Զայն ցոյց տուին իրեն — ան կը քայլէ, բայց  
 կաժնչնայ կրկին հարցնելու — իսկ երբ կ'որոշէ ատի-  
 կա, անցած է տունը եւ հարկադրուած է ետ դառնալ:

Վախը զինք կը ճնշէ, հապա եթէ ճիշտ այդ պա-  
 հուն անձք բնակարանէն դուրս ելլէին:

Երբ վերջապէս ան գտաւ թիւը, տունը իրեն ե-  
 րեւցաւ քովընտի շինուած մեծ դրան ճակատ մը  
 փայլուն ապակիներով, բայց բոլոր դռները գոցուած  
 էին, պէտք եղաւ բախել ու զանգակը զարնել: Բայց  
 ո՛ր զանգակը հնչեցնել, ուր բնակիլը ինչպէ՞ս գուշա-  
 կել:

— Այդ տեղ ի՛նչ կ'ընէք, հարցուց անոր գասքէ-  
 թաւոր մարդ մը, ճօճելով մեթր մը:

Կատարինէ պատասխանեց.

— Ան հոս չի բնակիր:

— Բայց այժմ ի՛նչ պիտի ընեմ, ո՛ն տէր Աստ-  
 ուած:

Միայն մէկ ոռւպլի մնացած էր մօտը, ոլորուած  
 թաշկինակին ծայրը, ասիկա անբաւարար էր գիւղ վե-  
 րադառնալու համար:

Բարեբախտաբար այդ վայրկեանին պառաւ մը,  
 գոյլ մը եւ լաթի կտոր մը ձեռքը, սանդուխի նօրքեւ  
 գտնուող դռնէն դուրս կ'ելլէր եւ իրեն ըսաւ թէ Ան-  
 դրէ նիքանօրովիչ գիւղ մեկնած էր եւ կը բնակէր

մերձակաները :

Հոն երթալու համար պէտք էր հանրակառք նըստիլ :

Կատարինէ հետքը գտնելուն համար այնքան գոհ եղաւ որ, աճապարանօք դուրս ելաւ : Բայց իր արտորանքին մէջ ան մոռցած էր աւելի մանրամասնութիւններ հարցնել, ու երբ գիւղ հասաւ՝ ան կը ձանչնար փողոցը : Բայց թիւը ոչ :

Իրիկունը կը մօտենար, ամպերը կը կուտակուէին : Եւ ան կը վազէր փողոցին մէկ ծայրէն միւսը, կանգնեցնելով բոլորը եւ չէր յաջողեր տեղեկութիւն ձեռք բերելու : Ան ձեռքը կը բռնէր սեւ ծրեխտակներով կապոց մը : Չէր յիշեր բնաւ թէ ինչ պատճառով, վերցուցած էր զանոնք : Ան մեկնած էր յարձաձակում մը գործելու համար ամուսնոյն վրայ եւ կը տանէր ըստ սովորութեան նուէր մը—ցորենով խառն հաճարէ ծրեխտակներ :

Միայն տասնը մէկ կոպէկ կը մնար մօտը : Վայրը անծանօթ էր իրեն, գիշերը կը յառաջանար, քամին կը բարձրանար : Դէմքը քրտնած, խելակորոյս, կը կոխկուտէր ձամբուն խոտը որ կ'եզերէր մէկ քանի մայրիներ. ան բարձրացուց յուսահատօրէն ձեռքերը վեր եւ իր կապոցը ծրեխտակներով մէկտեղ երերաց խեղճօրէն :

Ու ուժասպառ փողոցին անկիւնադարձին, պարտէզի մը վանդակապատին ետեւը ան նշմարեց իր ամուսնոյն այնքան ծանօթ ծոծրակը :

Ինքն է, Անտրէն, ան ծալլապատիկ կը կենայ տափեզրին մը առջեւ, իր զգեստին կոճակները քակուած, հողը կը փորէ ան :

Կատարինէ ճիչ մը կ'արձակէ. « դ՛ուս ես, սիրե-

լիս »

Կը խոյանայ դէպի դուռը եւ, երբ Անտրէ, զարմացած, ոտքի կը կը բարձրանայ, իր բազուկներով կը շրջապէ անոր պարանոցը եւ, դէմքը կուրծքին դէմ՝ կ'սկսի լալ :

— Բայց ուրկէ՞ կու գաս : Երկինքէն ինկար, կը հարցնէ Անտրէ : Ան զարմացած է եւ երջանիկ :

Կատարինէ ինչ պատասխանելը չի գիտեր եւ կըսէ .

— Այնքան կը վախնայի որ : Կը կարծէի թէ ալ պիտի չտեսնեմ քեզ : Ուր երթալս չէի գիտեր :

Ու վերստին լալ կ'սկսի :

— Բայց ի՞նչ ունիս : Ծշմարիտ որ զարմանալի ես :

Ան կամչնար. սրբեց իր աչքերը ձեռքին հակառակ կողմով եւ երկչտօրէն ժպտեցաւ, ինչպէս տղայ մը որ սխալի մէջ բռնուած է : Ու յանկարծ յիշեց թէ ինչու համար եկած է : Բայց տրուած ըլլալով իր ցոյց տուած ժպիտը, տեսնելով իր ամուսինը, անկարելի բան էր իրեն համար ծրագրած վէճին սկսիլ. անկարելի էր արցունքներէն պոռչտուքներու անցնիլ :

Մանաւանդ իր ամուսինը տեսնելուն, ան զգացիր էր այնքան մեծ երջանկութիւն մը, զոր բնաւ չէր զգացած այնքան բախտաւոր երբեմնի իրենց ամուսնութեան կեանքին մէջ, երբ անոնք միասին կը հընձէին ու կը քնանային :

Անտրէ ոչինչ չէր խօսեր, մինչդեռ ամուսին մը նամանօրինակ պարագայի մը խօսելու պարտաւոր էր : Ինչպէ՞ս բացատրել իր ներկայութիւնը : Ինչո՞ւ համար հոն եկած էր, ինչո՞ւ համար ձգած էր գիւղը հոն կարմիր սարաճանի մը հագած եւ կ'իյնայ յանկարմիր սարաճանի մը հագած եւ կ'իյնայ յանկարծակի իր տունը : Բայց իր դէմքին վրայ թշնա

մութեան կամ ցասումի ամենափոքր նշան իսկ չէր զգացուեր . ան հանդարտ էր սովորականին պէս . քաղցրաբարոյ, պաշտպանութեան այն երեւոյթով որ բնական էր իրեն համար :

— Օ՛ն, սիրելիս . . . ըսաւ Անտրէ զուարթօրէն, ըսեմ որ ինքնաեռը պատրաստեն :

Ան կը քայլեր Կատարինէի առջեւէն, բոլորովին նոր, դեղին ներկուած տնակ մը ուղղուելով, որ կը բարձրանար դեռ նոր տապալած ծառերու կոճղերուն մէջտեղ :

Անցքին վրայ այն ձայն տուաւ բաճկոնաւոր մարդու մը . որ գէպի իր կողմը կուգար :

— Իվան Քուսմիչ, վաղը գիւղէն գնումներ պէտք է ընէք, հրամանագիրը պիտի գրեմ . . .

Երկու մարդոց փոխադարձ վերաբերմունքէն դատելով, Կատարինէ զգաց որ իր ամուսինը կը մնար միշտ մտացի եւ խոնական, ինչպէս երբեմն, եւ որ կարեւոր մէկը դարձած էր, որմէ կախում ունէին մարդիկ, ան այս օտար տան մէջ գիտակցօրէն հրամաններ կ'արձակէր ինչպէս պիտի ընէր իր բնակ սրանին մէջ : Ան պարզակեաց էր, հանդարտաբարոյ ու կեանքին մէջ կարծես թէ ոչինչ չէր ըրած :

Իր սիրտը ուժգնօրէն կը տրոփէր : Զինք մտատանջող խնդրոյ մը առթիւ կարծիք չէր յայտներ : Եթէ սակայն պահիկ մը հանդիպելու ըլլար «միւսին» : Անկասկած ան պճնուած է տիկինի մը պէս : Ու Կատարինէ առանց ուղեւոր նայուածք մը նետեց իր ստափանին վրայ եւ, ամօթահար, զգած որ արիւնը կը խուժէր գէպ իր այտերը :

Անոնք ընդարձակ սենեակ մը մտան որուն պատերն ու միջնորմները եղեւնափայտէ շինուած էնի :

իր տեսած առաջին առարկաները եղան՝ երկու անկողիններ : Իր սիրտը այնքան ուժգին կը բաբախէր որ ծունկերը կը դողդողային, բերանը պապակեցաւ :

Այս սենեակը շատ քիչ կը նմանէր իրենց իսպային . պատուհանին մօտ լրագրով ծածկուած սեղան մը կար, չորս անկիւններէն ըլւնէղով ամրացած . վրան գրիչ մը, մի քանի գրքեր, եւ պատին վրայ հաստառուած թուղթեր : Լուացարանին մօտ մաքուց երկար անձնօցներ :

— Սուբբի պատկեր չկայ, մարդ երեսը չի կրնար խաչակնքել, ըսաւ Կատարինէ, անխօս չմնալու համար :

— Այո՛, ոչ մէկ հատ չկայ, պատասխանեց Անտրէ պարզ :

Ան սկսաւ լուալ ձեռքերը եւ առունց արտորալու չորցուց զանոնք :

Կատարինէ անշնորհ կերպով նստաւ սենեակին մէջ գտնուող ամենամօտիկ աթոռին վրայ, իր ծրարը ձեռքը բռնածը շուրջը դիտելով . աչքերը ջերմօրէն կը փնտռէին միւսին ներկայութեան հետքերը :

Յանկարծ դարակին վրայ տեսաւ յարգէ հին գլխարկ մը :

Արագօրէն աչքերը անդին դարձուց, վախնալով որ Անտրէ կրնար զինքը տեսնել :

— Թէյ մը առնենք, ըսաւ ամուսինը, սեղանին վրայէն գրքերն ու թուղթերը հաւաքելով :

Կատարինէ յանկարծ զգաց թէ չէր գիտեր ի՛նչ բանի մասին խօսիլը : Ամէն գնով պէտք էր խուսափիլ լուսթնէն, այս սոսկալի լուսթնէն, որ կը ծածկէր իր մէջ այն՝ որուն մասին ոչ ինք, ոչ ալ Անտրէ խօսք կը բանային :

Միասին ապրած ատեննին, անիկա միշտ կը խօսէր նոյն բաներուն, կովին, տղոց, — երեք զաւակի տէր էր— և գէշ օրի մասին:

Ան կը ջանար բան մը ըսել բայց չէր յաջողեր: Վերջապէս ուրախութեամբ յիշեց կովը:

— Մեր կիզը հորթ մը ունեցաւ, յարեց, շատ սիրուն հորթ մը. զոյգ մը կանթեղներու պէս անոնք կը նմանին իրարու:

Անիկա կը դիտէր յարդէ գլխարկը և կ'սպասէր, սիրտը տրոփուն՝ թէ ինչ պիտի պախասխանէ Անտրէ:

— Զոյգ մը կանթեղներու պէս, պատասխանեց ամուսինը, մեքենաբար: Ան երազի մէջ ըլլալ կը թըւէր, կը ծալէր լրագիրները, զանոնք կը զետեղէր դարակին վրայ: Եւ յանկարծ ան դիտոց իր կնիւն. իր դէմքի արտայայտութիւնը փոխուած էր, ինչպէս կը պատահի, երբ մարդ ծանրակշիռ որոշում մը կուտայ... ճակտագրական վայրկեանը հասած էր...

— Քաթիա, ըսաւ Անտրէ, դէմքը պատուհանին դարձուցած, քեզ ոչինչ չգրեցի, աւելորդ պիտի ըլլար ատիկա... ես առանձինն չեմ ապրիր, այլ բարեկամութիւնի մը հետ... բարի և պատառոր աղջիկ մըն է ան: Վայրկեանէ մը հոս կը հասնի քաղաքի իր աշխատանքէն: Մի վիրաւորուիր... աղջիկներ չեմ դարպասած... բայց ինչ որ պատահեցաւ՝ պատահեցաւ: Վարուեցանք պատուաւոր կերպով, ահա ինչ որ կրնամ ըսել քեզի:

Կատարինէ լուռ կը դէտէր զայն, առանց աչքերը թարթելու, միայն կոկորդը կը կծկուէր լորձունքը կուլ տալուն պատճառով:

Գետին նետուելու, պերոզը քաշել արձակելու և վշտէն ու նախատինքէն որպէս թէ խելայեղած

մազերը փետրտելու վայրկեանը՝ եկած էր ահաւասիկ: Ու ամէն զնով պէտք էր ապակիները խորտակելով վերջացնել:

Այս բոլորին փոխարէն, անիկա առանց գիտնալու ցած ձայնով ըսաւ.

— Իսկ ես ի՞նչ պիտի ընեմ այժմ:

— Ոչինչ, պիտի ապրիս, ինչպէս որ ապրեցար, պատասխանեց Անտրէ, ես պիտի շարունակեմ քեզ դրամ զրկել և տուն պիտի վերադառնամ հունձքի ժամանակ:

Կատարինէ չպատասխանեց: Անոր աչքերը լեցուն էին արցունքներով, որոնք թարթիչներուն ծայրէն շիթ առ շիթ կ'իյնային ձեռքերուն վրայ:

Ան չէր սրբեր աչքերը, այլ ձեռքերը թեզանիքին կոնակով:

— Օն, զիրար հասկնանք, ըսաւ Անտրէ, և աւելցուց, աչքերը դէպի պատուհան դարձուցած. — Ահաւասիկ, կուգայ ան... իր անունն ալ կատարինէ է... Քաթիա... սրբէ աշուրներդ: Պատշաճ չէ... ես քու մասիդ խօսած եմ իրեն...

Կատարինէ անապարեց այդպէս ընել:

Ան կ'սպասէր տեսնել խոշոր խարտեաչ կին մը, թանձր բազուկներով, լանջեղ, զուարթ գոյնով, և քաջաւոզ, — առնուազն պէտք էր այդպէս ըլլար, երբ մարդ 4—500 լուպլի կը ծախէ — երբ ինք կը հիւժէր, կաշի կը դառնար սնուցանելու համար իր հիւժէր, կաշի կը դառնար սնուցանելու համար դաշտին մէջ: Իր զաւակները և աշխատելու համար դաշտին մէջ: Իր ձեռքերը կոշտացեր էին, արեւէն այրած, արմուկները, երբեմն սպիտակ և կորիկ. այժմ ձեւատած էին:

Ու բուն նախանձոտ ատելութիւն մը, նման մը-

ուայլ ալիքի մը՝ զայն բոլորովին կը բորբոքէր: Բայց որքան մեծ եղաւ իր զարմանքը, երբ տեսաւ ներս մտնելը նուրբ, քնքուշ, սպիտակ պլուզով, կարճ կապոյտ շրջագգեստով եւ յոգնած կօշիկներով երիտասարդ աղջկան մը իր փայլուն մազերը կտրուած էին: Եղջիւրանիւթով պարզ սանտր մը կը բռնէր զանոնք:

Հազիւ ներս մտած՝ ան յանկարծ կանգ առաւ, թուղթերու ծրար մը ձեռքին մէջ:

— Ինչ է զրեր անոր մէջ, Էարցուց ինքնիրեն կատարինէ: Կուրծքը տախտակի մը կը նմանի եւ ոչ իսկ ստուերը երրաստանի:

— Քաթիա՛, մենք այցելութիւն մը ունինք, ըսաւ Անտրէն՝ տեսնելով զայն խիստ երկրայական. Քաթէրինուշքան է եկած:

— Իսկ ես ոչինչ չկուահեցի, ըսաւ ան յանցաւոր երեւոյթով եւ սիրուն ժպիտով մը: Ապա յարեց. բայց պէտք է անօթեցած ըլլաք:

— Պատուիրեցի որ ինքնանոր պատրաստեն, ըսաւ Անտրէ:

Շատ լաւ: Իսկ ես աշխատանքէ կը վերադառնամ, ըսաւ, խօսքը կատարինէի ուղղելով: Ան ինքզինքը գիտեց շարժուն հայելիի մը մէջ, որ կախուած էր պատէն եւ անշաւ միջնորմ:

Կատարինէ կը շարունակէր սենեակին մէջ նըստած մնալ: Անիկա ինքզինքը անշնորհ կը համարէր, չէր գիտեր ինչ ըսեր, մինչ միջնորմին ետեւը կը գրտնուէր «միւսը» — «Անոր կինը»: Առանց գիտնալու յանկարծ ան խօսեցաւ.

— Ան շատ նիհար, շատ նուրբ է...

— Ոչինչ, պատասխանեց Անտրէ, լաւ ընկեր մըն է եւ շատ հեզ...

Բան մը յիշածի պէս, Կատարինէ արտորանքով քակեց իր ծրարը եւ դուրս հանեց սե ծրեխտակները:

— Ահաւասիկ չնչին նուէր մը...

Եւ որովհետեւ Քաթիան, գոգնոցը դրած եւ ածուխէ մրոտ ձեռքերով նոյն վայրկեանին ներս կը մըտնէր, Կատարինէ անոր դիմացը գտնուեցաւ, բոլորովին չփոթած իր ծրեխտակներուն համար, ըսաւ.

— Ահաւասիկ մեր գիւղին մէկ փոքրիկ նուէրը, ձեզի համար: Քաթիա շիկնեցաւ եւ նայեցաւ Անտրէի:

— Ա՛ն, ա՛ն, ըսաւ, բարի կին մըն է ան:

— Ինչո՞ւ այս նեղութիւնը կրեցիք. եւ աւելցուց անմիջապէս. «Ես կը պաշտեմ ծրեխտակները. ասիկա ալիւրով շինուած է»:

— Այո, այո, ալիւրով, պատասխանեց աճապարանօք Կատարինէ: Իրեն համար հաճոյք մըն էր լսել որ դեռաւոր այս աղջիկը գիտէր թէ ինչպէս կը շինեն ծրեխտակները:

Եւ անոնք երեքը միասին կը մնային թէյ խմելու:

— Գուրբը իվանօֆը ապտակեցին. ըսաւ Քաթիա, դառնալով դէպի Անտրէն: Նիստը խիստ յուզուեմնալից եղաւ:

— ժամանակն էր, պատասխանեց Անտրէն: Ան իր թմբրէն արթնցած էր եւ տեսակցութիւնը կ'ուզէր շարունակել, բայց Քաթիա միջամտեց եւ սխաւ խօսակցիլ Կատարինէի հետ:

— Գուք ձեր ափին մէջ կոշտեր ունիք, իսկ ես մատներուս վրայ, ամբողջ օրը կը զարնեմ մեքենային: Կատարինէ, նոյնպէս, ուզեց խօսիլ, պատմել բան մը, որ կարենար Անտրէի հետաքրքրութիւնը

շարժել, խօսիլ ճամբու իր յուզումներէն, բայց ուրկէ օկսիլը չգիտնալով, ան դէպի Քաթիան դարձաւ եւ վերջացուց.

— Իսկ մեր Լիզը հորթ մը ծնաւ. Լիզը մեր կողմէ, ամբողջ գիշերը լուսցուցի զայն խնամելով. զոյգ մը շիթերու պէս իրարու կը նմանին անոնք:

— Ես շատ կը սիրեմ հորթերը, ըսաւ Քաթիա:

— Չգիտեմ ինչո՞ւ կոծիծներ կան ձեռքերուս վրայ, ըսաւ Քաթիա:

Կատարինէ գոհ եղաւ խօսակցութեան այս եղանակէն. որովհետեւ անիկա գիտէր զանոնք դարմանելու եղանակը: Եւ սկսաւ բացատրել՝ ջանալով երկարօրէն խօսիլ՝ վախնալով որ նիւթը կ'սպառուի:

Ընթրիքի պահուն, Կատարինէ նեղուեցաւ դանակն ու պատառաքաղը գործածել չգիտնալուն, զոր ամէն վայրկեան վար կը ձգէր ձեռքէն. Երբ Քաթիա սկսաւ վերցնել սեղանի սպասները, Կատարինէ կը հարցնէր ինքնիրեն թէ՛ իրիկունը ի՞նչ պիտի ընէին զինք: Ապահովաբար դրացիներու մօտ պիտի տանէին և իրենք միասին պիտի մնային:

Ու այս մտածումը իր մէջ կատաղի նախանձ մը շղթայազերծեց: Բայց Քաթիա կը բերէր անա ծալլուած մահճակալ մը և ձերմակեղէնները կը փոխէր: Կատարինէ մօտեցաւ սեղանին, սկսաւ թուղթերը բանալ:

— Տէ՛ր Աստուած, ինչպէ՞ս կ'ընէք. բան չհասկցուիր...

Անկողին մտնելէ առաջ, Քաթիա Անտրէն դուրս դրկեց: Ան իր քասկէթը դրաւ և դուրս ելաւ:

— Այժմ, պառկէ, ըսաւ Քաթիա, միշտ վարանոտ ժպիտով մը. ու գոյց տուաւ անոր անկողինը:

Կատարինէ մտածեց սիրալիր բան մը ըսել անոր:

— Ինչո՞ւ համար այսքան կը նեղես ինքզինքդ: Ես կրնայի գետինը քնանալ: Մենք վարժուելք ենք ատոր...

— Ոչ, ոչ...

Կատարինէ հանեց իր կօշիկները — ինչ բարեբախտութիւն որ իր հին մուճակները չէր հագած — անմիջապէս պառկեցաւ, ամչցած իր կոշտ կտաւէ շինուած շապիկին համար.

Ու Քաթիա դարանէն հանեց ասիսի սրուակ մը, վրձին մը, եւ Կատարինէի կողքին նստած՝ սկսաւ խարել իր կոծիծները. վերջինը խրատներ կուտար անոր...

Ապա Քաթիա հանեց զգեստները: Ցաւագին եւ օտարոտի հետաքրքրութեամբ մը Կատարինէ կը հետեւէր անոր մէն մի շարժումին, կը դիտէր անոր նուրբ գրունքները, մարմինը՝ զոր ամուսինը նախապատիւ համարած էր իրենիւէն. ինքի պտոյտ մը կը պատէր իրեն:

— Ի՞նչ բան կրցաւ զգլխիկ զայն: Ինք, Կատարինէ, կրնար կրել խոզերու դաշտ ժը ամբողջ լեցուն կեր, իսկ Քաթիա նոյնիսկ պիտի չկրնար վերցնել աման մը կաթ:

Դրան ետեւէն Անտրէի ձայնը լսուեցաւ. «Է՛յ, նայինք, պատրաստ էք:»

— Մտի՛ր, մտի՛ր, պուսայ Քաթիա:

Ան մտաւ, կախեց քասկէթը, դիտեց շուրջը՝ անկողնին վրայ նստաւ ու հարցուց.

— Լոյսը մարել պէ՞տք է:

— Այո՛, մարէ:

Սենեակը մթնցաւ : Իր ներքեւ ճարճատող անկողնին ձայնը լսուեցաւ . ան տարածուեցաւ : Կատարինէ աչքերը թարթեց խաւարին ընդմէջէն դիտելով այն կողմը ուր իր ամուսինը կը կենար պառկած : Ան կը մտածէր իր , Գաթիայի , ու կովին մասին , ու իր մտածումները ծանր էին և հակասական :

Հետեւեալ առաւօտ Անտրէ դայն առաջնորդեց : Գաթիա քիչ մը ուշ միացաւ անոնց :

— Ահաւասիկ նուէր մը տղոց համար , ըսաւ , կատարինէի ձեռքին մէջ ծրար մը դնելով :

— Ինչո՞ւ համար այս ձմեռոյթը :

— Ոչ , ոչ , պէտք է : Ու ան աւելցուց . պէտք է գոնէ ժամանակ մը մնայինք :

— Տունը ոչ ոք չկայ , պատասխանեց կատարինէ : Ան կը մտածէր , կարելի՞ բան է մեկնիլ առանց ամուսնոյն խօսելու : Բայց ի՞նչ ըսել : Ամէն անգամ որ այդ մասին կը մտածէր՝ իր շրթունքին վրայ կու գար կովին անդունը : Անկէ կրնար զատուելի ու կը մտածէր ահա , որ մօտը միայն տասնը մէկ կոպէկ կը մնար : Դրամ պիտի տա՞ր իրեն , կամ պիտի պարտաւորուէր ինք ուղելու :

Անտրէն լուռ կը քայլէր , յանկարծ ան դարձաւ գէպի Գաթիան :

— Իվան կուքիչը քաղաք կ'երթայ , արհեստակցական միութեան համար տոմսակ մը դրէ իրեն :

Գաթիա զգաց որ մինակ մնալ կ'ուզէր իր կնոջը հետ . իր քնքոյշ ձեռքը պարզեց կատարինէին , բարի ճանապարհ մաղթեց անոր և հեռացաւ . հեռուէն ան տակաւին կը շարժէր իր թաշկինակը :

Կատարինէ կը քայլէր իր ամուսնոյն քովէն , ձամբան հանգիստ էր , մամուռով ծածկուած , շոճի-

ները հաղուագիւտ : Ան կը յուսար որ իր ամուսինը պիտի խօսի իրեն այն բանին մասին , որ իր սրտին այնքան մօտ էր : Ամբողջ տասներկու տարիներ անոնք միասին էին ապրեր . կարելի՞ բան էր միթէ որ նման վայրկեանի մը անոնք իրարու ըսելիք ոչինչ չունենային :

Բայց երբ քառուղիին հասան , ուր ան զինք պիտի ձգէր . Անտրէ կանգ առաւ : Դեռ ոչինչ ըսած չէր :

— Ուրեմն պէտք եղած ատեն ինձ պիտի գրես , իսկ հունձքի համար պիտի գամ քեզ օգնելու :

Ան թեթեւօրէն գործածուած երկու չէրնովէց տուաւ կատարինէին և համբոյր մը :

Կատարինէ անշնորհ կերպով թեւ անցուց անոր վզին շուրջ , աջով ան դրամը կը սեղմէր , ու զայն համբուրեց :

— Ուրեմն , ցտեսութիւն . . . եկուր Լիզը տեսիլու :

— Ցտեսութիւն կու գամ : Ան կը շարունակէր իր ձամբան , բայց անմիջապէս ետին դարձաւ : Անտրէն կեցած էր միեւնոյն տեղը և յայտնի էր որ նեղուած էր ձգելով կիներ որ մեկնի , առանց անոր ունէ բան ըսելու :

Կատարինէ կը կենար անշարժ , գէպի իրեն կարկառուած :

Անտրէ կարծես իր ըսելիքը կ'որոնէր , վերջապէ ձեռքով շարժում մը ըրաւ ու կանչեց .

— Լիզը լաւ խնամէ :

— Պիտի խնամեմ , պատասխանեց կատարինէ , հառաչելով :

Երբ ան ա'լ շտեմուեցաւ , կատարինէ մինակը կեցած էր արահետին վրայ , թեղօշներուն ներքեւ , տաք երկաթի մը նման ամօթի զգայութիւն մը այ-

ոնց զինք:

— Զինքը շողոքորթեցին և գորովանքով ընդունեցին, այնպիսի եղանակով մը հաճելի ուղեցին երեկ իրեն, որ ան չկրցաւ նոյնիսկ բերանը բանալ: Եթէ զիւղին մէջ իրեն հարցնէին թէ. «Է՛յ, նայինք կրցա՞ր ամուսինդ դիտէ հանողը լաւ տեղատարափի մը ենթարկել, կրցա՞ր խորտակել վիզն այդ աղիճին. կրցա՞ր ապակիները ջախջախել», ինչ պիտի պատասխանէր: Փոխարէն այս բոլորին, սե ծրեխտակներ էր տարեր: Ու կը բերէր փոքրիկներուն կապոց մը և քսան բուսիկ: Իսկապէս որ երիտասարդութիւնը ներկայիս կը ծաղրէ այս սե ծրեխտակները: Երբ մարդ ամսական 4-500 բուսիկ ունի դիւրին է ուտեցնելու:

Կատարինէ կանդ առաւ, կարծես ետ դառնալու համար, բայց ինչեց Բաթիկայի քնքուշ և նուրբ ձեռքերը, անոր երկչոտ ժպիտը, հրաժարելու շարժում մը փորձեց, երեսը խաչակնքեց եւ շարունակեց իր համբան:

ԲԱՆԹԷԼԷԻՄՈՆ ՌՕՄԱՆՕՅ



Յ Ա Ն Կ

Թիւ	Էջ
1.— Պանդոկը ԿԻ ՏԸ ՄՕԲԱՍԱՆ	1
2.— Աղօթք ԷՐՆԷՍ ՌԸՆԱՆ	22
3.— Անգործութիւն ԷՄԻԼ ԶՕԼԱ	30
4.— Զարիքը ինչի՞ մեջ է ԼԷՕՆ ԹՕԼՍՏՈՅ	38
5.— Դաւանանք Ժ. ԺՕԶԷՅ ՌԸՆԷ	41
6.— Գարնան իրիկունը ԲԻԷՌ ԼՈՒԻՉ	46
7.— Ծովամայր ԳՐԱՆՍՈՒՍ ԳՕԲԷ	55
8.— Օգտակար խօսքեր ՀԱՆՐԻ ՊՈՐՏՕ	62
9.— Տիրացուն ԼՈՒԻՃԻ ԲԷՐԱՆՏԷԼԼՕ	68
10.— Ծրեխտակ ԲԱՆԹԷԼԷԻՄՈՆ ՌՕՄԱՆՕՅ	79

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20

ՀԱՅԿԱՍՏԱՆԻ ԳՐԱԴԱՐԱՆ  
ԵՎ ԳՐԱԳՐԱԿԱՆ ԿԵՆՏՐՈՆ  
ԵՐԵՎԱՆ  
1989

« Ազգային գրադարան »



NL0167899

Գ Ի Ն Յ Ծ Ր Ա Ն Գ  
Ա Ր Յ Ա Ս Ա Հ Մ Ա Ն Դ Ծ Ր Ա Ն Գ



**ՀՐԱԳԱՐԱԿ ԵՂՍԻ**

**Թ Ր Ի Վ Ա Լ Է**

(ԲԵՐԹՈՒԱՆԾ)

Հեղինակ՝ Վ. ԳԵՈՐԳԵԱՆ

Գ Ի Ն Դ Ծ Ր Ա Ն Գ

Հասցե՝ V. Kévorkian Rue Kastj N.º 33

BEYROUTH